

Ebandeli 1

Ebandeli 2

Ebandeli 3

Ebandeli 4

Ebandeli 5

Kobima, Lev



Version Originale en Kituba
Traduction en Lingala de la
Rép. Dém. du Congo



MIKANDA *ya* **KOBIMA** *ti ya* **LEVITIQUE** (Ba Leson 23)



Projet Mwindā
Ministères pour Chaque Enfant

Mokomi: *Maman Lorella Rouster. MCE*
Mobaloli: *Rvd Ng'Onker J. Komaka-*

*Po na komona ba leson mosusu oyo Lingomba na yo ekoki kosalela,
okoki kotala na site oyo :*
www.teachingforafrica.com , un site de L'ONG 'Every Child Ministries' (MCE) International

ecmafrica@ecmafrica.org

MIKANDA YA KOBIMA PE BALEVITIQUE

BA LESON EZALI NA MOKANDA OYO:

Contents

PARTIE I. PREPARATION YA MONITEUR PONA NA SERIE OYO	3
LESON 1. TOTIYA MOTEMA NA NZAMBE, ATA NA TANGO YA PASI.....	5
LESON 2 TOTIYA MOTEMA NA NZAMBE, ATA NA TANGO YA PASI.....	9
LESON 3 TOSALA NYONSO OYO NZELA NA NZAMBE ELAKISI.....	15
LESON 4. TONDIMA MOSALA NZAMBE APESI BISO.....	20
LESON 5 TOLANDA NZAMBE PE TOKANGA MOTEMA.....	26
LESON 6. TOTIYA MOTEMA NA NZAMBE NA TANGO YA PASI.....	31
LESON 7. TOSAMBELA NZAMBE YA SOLO.....	36
LESON 8. TOYOKELA MALOBA NA NZAMBE.....	42
LESON 9. TOTIYA MOTEMA NA YESU PO TOBIKA.....	48
LESON 10 TOTIYA MOTEMA NA YESU PO NZAMBE ASAMBISA BISO TE.....	54
LESON 11. TOTIYA MOTEMA NA NZAMBE NA TANGO YA PASI.....	59
LESON 12 TOKUMISA NZAMBE !.....	66
LESON 13 TOSENGA NZAMBE APESA BISO BILOKO YA MUTUYA.....	70
LESON 14 TOYAMBA LISUNGI YA BATO MOSUSU.....	75
LESON 15 TOKOKI KOMIBIKISA TE; TOZALI NA BOSENGA NA YESU.....	81
LESON 16 TOBIKA NA TOLOBI NA NZAMBE.....	89
LESON 17 TOSALELA NZAMBE NA NYONSO OYO TOZALI NA YANGO.....	95
LESON 18 TOTIYA MOTEMA NA YESU, PO KOLANDA MIBEKO EKOBIKISA BISO TE.....	101
LESON 19 TOZONGA NA NZAMBE SOKI TOBUNGI NZELA.....	108
LESON 20 TOSAMBELA NZAMBE NA ESENGO NYONSO.....	112
LESON 21 TOLANDA YESU, PO AKOKISI MIBEKO NYONSO.....	116
LESON 22 REVISION YA MIKANDA YA KOBIMA TI YA LEVI.....	121
LESON 23 MIKANDA YA KOBIMA PE BALEVITIQUE NA KATI YA HISTOIRE YA BIBLE.....	124

Nini ezali na kati ya ba Leson oyo :

Tokolakisa Mikanda ya Kobima, eloko eleki na kati na yango ezali histoire oyo ezali mutuya ete tososoli. Mokanda ya BaLevitique ezali mibeko mingi etali mibeko ya ba Yuda. Yango wana, nazali kosala kaka Leson moko (Leson 22) na sommaire ya Mokanda wana. Ba Leson mibale ya suka ezali Revision ya mikanda ya Kobima pe BaLevitique, pe kokanisa mikanda oyo na kati ya lokano ya Bible mobimba.

PARTIE I. PREPARATION YA MONITEUR PONA NA SERIE OYO –

(Attention, Moniteur ! Kotanga ba page oyo té na bana, SVP. Tanga yango yo moko yambo kobanda koteya ba Leson oyo. Ekosalisa yo kososola makambo mingi, pe kolakisa koleka malamumu.)

Tango nini kosalela ba Leson ya serie oyo :

Koleka malamumu koteya ba Leson oyo sima ete osilisi koteya ba Leson nyonso ya mokanda ya Ebandeli pe Mokanda ya Job. Ba Leson oyo elandi ba Leson wana na ordre historique. Ba Leson oyo okozwa basanza mutoba ya kolakisi, soki osilisi Leson moko poso nyonso.

Mabongisi ya Leson nyonso :

Mabongisi ya Leson nyonso, yang'oyo :

I. Preparation ya moniteur pona Leson oyo—

Partie oyo nyonso, yo moko moniteur esengeli otanga yango pe bongisa biloko mosusu liboso ya batongo ya kolakisa. Partie oyo, ozali kotanga yango na ndako, ozali kotanga na ndako yambo ya kolakisa.

II. Koteya Mikanda ya Bible—

Partie oyo ekoki kosalisa bana kososola Bible malamumu. Kasi, tango ya malakisi ezali té 45 minutes to koluka, okoki kolongola partie oyo Mikanda ya Bible. To, soki makoki ezali, balola lokano ya Programme ya Ecodim na ndenge ete nakozwa tango ya koleka koteya.

III. Kosala Revision—

Partie oyo ezali na makambo mibale : Revision generale, pe tango ya kotuna bana nani asali devoir oyo opesaki bango na mbula eleki. Oyo ezali kosalisa mingi, kasi soki tango ezali moke ya koteya, longola Parie oyo pe, pe oleka mbala moko na 'Koteya bana Leson oyo.'

IV. Koteya bana Leson oyo--

Oyo ezali penza Leson ya Bible. Partie oyo eleki nyonso mutuya.

Koteya Leson ekosalema na biteni oyo :

Ebandeli ya Leson : Ndenge ya kobanda koteya

Developpement—Malakisi Monene ya Leson oyo na biteni (Boni) :

Leson 1.1 Nzete ya Liteya ya liboso. Okoki kotangela bana nzete wana.

Leson 1.1A. Tangela bana ba verse oyo ezali kolakisa Nzete ya Liteya wana.

Leson 1.1B. Tuna bana

- Question oyo okoki kotuna pona ba verse ya Nzete ya Liteya ya liboso (Eyano na yo na parenthese)

Leson 1.1C Bana basala :

Bana basala bageste to mwa-scenette, to ndenge mosusu oyo ekolakisa nini ezali kosalema na ba verse wana.

Leson 1.1D Bana bayemba pe babina :

Bana bayemba eteni moko ya muke oyo ezali kolakisa lisusu makambo oyo elekaki na ba verse wana.

Leson 1.2 Nzete ya mibale ya liteya

Leson 2.1A. Tangela bana ba verse oyo ezali kolakisa Nzete ya Liteya wana.

Leson 2.1B. Tuna bana

- Question oyo okoki kotuna pona ba verse ya Nzete ya Liteya ya liboso (Eyano na yo na parenthese)

Leson 1.1C Bana basala :

Bana basala bageste to mwa-scenette, to ndenge mosusu oyo ekolakisa nini ezali kosalema na ba verse wana.

Leson 1.1D Bana bayemba pe babina :

Bana bayemba eteni moko ya muke oyo ezali kolakisa lisusu makambo oyo elekaki na ba verse wana.

Etc. Nombre ya banzete ya malakisi ekozala té ndenge moko. Yango wana, towuti kolakisa yo liboso banzete ezali boni. Soki malakisa eleki mulayi, mbala na mbala tozali kolongola moko ya biloko oyo bana basala. Tango mosusu, tozali kolongola ndambu ya verse, tosali sommaire. Oyo nyonso tosali po Leson ekoma té molayi mingi.

Kosilisa Leson:

Tosala mwa-sommaire, pe tolakisa ndenge Leson oyo ezali kokende nzela moko pe tina oyo tobengi 'Preparation ya Moniteur ateya Leson oyo.'

Devoir pona ba kristu :

Tolakisa bana oyo bazali bakristu deja ndenge moko oyo bakoki kotosa na Leson oyo na poso ezali koya.

Kobenga bana oyo bayebi Yesu nanu té :

Topesa invitation na bana oyo bayambi Yesu nanu té ete baya na ye, batiya motema na ye.

Nzambe apambola yo, moniteur, pe epesa yo kondako ya koteya bana malamumu.

LESON 1. TOTIYA MOTEMA NA NZAMBE, ATA NA TANGO YA PASI.

Ba-Israelite bakotaki na bowumbu. *Kobima 1 :1-14*

I. Preparation ya moniteur pona Leson oyo ***[Moniteur, bongisa Partie oyo na ndako liboso ya koya koteya liboso ya bana]—***

Moniteur, sosola Tina to mutuya ya Leson oyo :

Na SUKA YA LESON oyo, bana bakososola ete, atako tokoki komona pasi mongi na bomoi oyo, Nzambe Nzambe azali libanga na biso oyo ezali fixe, oye ekoki koningana té. Yango wana, tango nyonso, ata na esengo to na pasi, totia motema na ye.

Moniteur, bongisa banzembo oyo ezali kokende nzela moko na Leson oyo:

Landa, Na k' Landa yo, Nkolo
Lobi, Lelo, Seko na seko
Nkolo ayebi nzela na Ngai

Moniteur, 'milengela na verse oyo bana bakoyekola:

Botia motema tango nyonso na Yahwe; pamba té Ye Azali libanga oyo ebateleka biso seko. Ezaya 26 :4

II. Koteya Mikanda ya Bible –

Mokanda ya liboso ya Bible ezali nini? (Ebandeli)

Mokanda ya mibale ya Bible ezali nini? (Kobima)

Tobengi yango kobima, po na ebandeli ya mokanda oyo ya mibale, ba-Israelite bakómaki bawumbu na mokili ya Egypte. Mokanda oyo etalisi ndenge babimaki na bowumbu wana.

III. Kosala Revision –

† Tolandi deja mikanda ya Ebandeli pe ya Job. Na suka ya mokanda ya Ebandeli, famille ya Joseph ezalaki wapi ? (Ee, na mokili ya Egypte.)

† Tata na Joseph, Jacob, Nzambe apesaki ye kombo Israël. Azalaki na bana ya mibali 12, oyo abokomaki ba tribu 12 ya Israel. Bongo, tango mokanda ya Kobima ébandi, Israël ezali na Egypte. Mokonzi ya Egypte oyo babengaki Pharaon, Ayambi bango kuna, po na ndenge ya makasi oyo Joseph asallsaac bango na tango ya nzala. Na ebandeli, ba-Israelite bazalaki malamumu na Egypte.

IV. Koteya bana Leson oyo --

Ebandeli ya Leson :

Toyekoli moto moko oyo azalaki liboso na bomoi ya malamumu, kasi bomoi na ye bongolaki ndenge mosusu na moko moko. Ye Nani? (Job.)

Ba-Israelite bamonaki kaka ndenge moko. Na suka ya mokanda ya Ebandeli, bazalaki kobika na esengo na Egypte, pe Mokonzi oyo babengaki Pharaon, azalaki koyamba bango na esengo nyonso. Sik'oyo, tokofungola mukanda ya Kobima, pe tokomona soki esengo wana ekobaki, tope soki esukaki.

Developpement--Malakisi Monene ya Leson oyo na biteni 4 :

1.1 Bato kaka 70 na famille ya Israël bakendeki na Egypte. (Kobima 1 :1-5)

Tangela bana : Kobima 1:5a

1 Tala bakombo Ya bana Ya Jacob oyo bayaki na -Egypte ná tata na bango, moto na moto na libota na Ye:

2 Ruben, Simeon, Levitique, Yuda,

3 Isakar, Zebulon, Benjamen,

4 Dan, Neftali, Gad, ná Asher.

5 Bato nyonso ya libota ya Jacob bazalaki tuku sambo (70).

Tuna bana:

- Bana na Israël (Jacob) bazalaki mutuya boni tango bakendeki na Egypte ? (Bato 70)

Bana basala:

Bana balakisa misapi 10 ya maboko mbala 1, batanga par dix (na lingala to na français, ndenge bazali komesana na kotanga.

Par exemple: 10, 20, 30, 40, 50, 60, 70.

Bana bayemba pe babina :

Bana na Israël
Oyo bakendeki na Egypte
Bazalaki tuku sambo,
Oyo bakendeki na Egypte.

1.2. Na milongo ya famille na sima, Bana na Israël bakómaki ebele (Kobima 1 :6-7)

Tangela bana : Kobima 1:6-7, banda 15:13

6 Sima ya bambula, Joseph ná bandèko na ye pe bato nyonso wana, bakufaki. 7 Kasi ba-Israelité babotaki bana mingi: bakolaki pe bakómaki ebele penza pe makasi koleka; batondako na Egypte mobimba.

Tuna bana :

Ndenge nini toyebi ete tango eleki ? (Joseph na bandeko na ye bakufaki (ata leki na ye Benjamin), na bato nyonso oyo babotamaki

na ye [milongo mibale—bana na ye ná bana na bango], bango nyonso bakufaki.)

- Wana tang'oyo eleki, nini esalemaki ? (Bato na Israël bakómaki ebele, batondIsaac mokili ya Egypte.)

Bana basala :

Bana bafungola maboko na bango po balakisa misapi zomi mbala ebele nok-noki. Baloba ete, « Bana na Israël bakómaki beeeeeeele! »

Bana bayemba pe babina :

Bana ya Israel bakómaki ebele, ebele, ebele. Bana ya Israel bakómaki ebeeeeeeele!

1.3. Pharaon ya sika oyo ayebaki Joseph té, abangelaki bango, aLucki kosilisa bango. (Kobima 1:8-10)

Tangela bana :

8 Na Egypte bazwi mokonzi moko ya sika: ye ayébaki Joseph té.

9 Alobi na bato na ye: "Botala, ba-Israelite bakómi ebele, penza pe bazali na makasi mingi koleka biso.

10 TóLuc nzela po bákóma lisusu mingi té. Soki té, na tango ya bitumba bakoyosoki ná banguna na biso; bakobundisa biso, pe bakokima mboka nà biso"

***NB po na bana oyo bakoli:** Bato oyo bayekoli Histoire ya Egypte, bamoni ete Mokonzi wana ezalaki Pharaon Sesotris le 3^{eme}. Atako basato balakisi eMolakisi moko ya kanda pe ya esengo té.

Tuna bana :

- Makambo ya sika oyo eyaki na Egypte ezalaki nini? ([Pharaon] ya Sika akómaki mokonzi).

- Mokonzi oyo ya sika, azalaki na bokeseni nini ná Mokonzi liboso na ye ? (Ayebaki Joseph té.)
- Soki Ayebaki Joseph té, boni, bokanisi ete Ayebaki ndenge Joseph abikisaki bomoi ya bato nyonso ya Egypte na tango ya nzala ? (Bongo té. Joseph asalaki mokano ya kobomba bilei na mibu malam, po bazala na bilei na bileko ya nzala. Kasi Pharaon oyo ya sika, Ayebaki yango té.)
- Likambo nini Ayebisaki, oyo esepellisaac ye té ? (Ba-Israelite bazalaki kokoma ebele, koleka bango, ba-Egyptien.)
- Boni, ba-Israelite basali mabe na ba-Egyptien ? (Bongo té.)
- Bongo, pona nini Pharaon abangelaki bango ? (Po akanisaac ete, soki banguna babundi na bango, ba-Israelite bakoki kosalisa banguna wana.)
- Yango wana, Pharaon aLucki nini? (Ndenge ya kokangela bango nzela ya kobota ebele.)

Bana basala :

Bana baningana na bageste ya kobanga. Baloba lokola Pharaon ete : Bana na Israël mingi ! Mbala mosusu bakosalisa banguna na biso !

Bana bayemba pe babina :

Pharaon oyo ya sika
Azalaki kobanga mingi
Po bana ya Israel
Bakomi mingi.

1.4. Yango wana, akomisaki bango bawumbu, pe apesaki bango mosala ya makasi. (Kobima 1 :11-14, Ebandeli 15 :13)

Tangela bana :

11 Boye bayèi kotia bakapita po na konyokola ba-Israelite na misala ya makasi. Na ndenge wana ba-Israelite batóngaki ville ya Pithom pe ya Ramses po na kobombaka biloko ya mokonzi monene ya Egypte.

12 Kasi átako bazalaki konyokola bongo, bato ya Israel bazalaki kaka se kokáma ebele penza, pe batondanaki na mboka wana mobimba. Boye bato nyonso ya Egypte bakómaki kobangabanga bango.

13 Yango wana bazalaki konyokola bango makasi penza lokola baumbu.

14 Bomoi ya bato ya Israel ekómaki ya pasi, po na misala ya makasi oyo bazalaki kopesa bango: kolamba potopoto po na kobetela tru iunso ba brique, ná misala ndenge na ndenge ya bilanga. Bazalaki kosalisa bangó misala nyonso wana na nko.

Bana bakanisa esakoli oyo Nzambe ayebisaki tata na bango Abraham bambula pene ya 250 eleka:

Ebandeli 15:13: Bongo Yawe alobi na ye: "Yebe malam 'tè bana na yo bakofanda na mboka moko ekozala ya bango té; bakozala baumbu kuna, pe bakonyokwa-ma mbula 400.

Tuna bana :

- mosala ya kapita ezalaki nini? (Kopesa ba-Israelite pasi na misala ya makasi mingi.)
- Boni, misala makasi ekangaki ba-Israelite na ndenge kobota ebele ? (Bongo té.)
- Nzambe ayebisaki nani liboso ete esengeli ba koma bawumbu ? (Koleka na bango Abraham)
- Esengeli bazala bawumbu bambula boni ? (Bambula 400)

Bana basala :

Basala ba geste lokola bazali komona pasi kosala misala ya makasi.

Bana bayemba pe babina :

Bato bapesi bango pasi
Na misala ya makasi
Kasi babotaki kaka ebeeeeelee !

Kosilisa Leson :

Bomoi ya biso bato ezali na tango ya esengo, pe tango ya mawa, pe tango ya pasi. Bana na Israël bakómaki na Egypte na esengo nyonso, kasi sima ya Joseph pe bana na ye pe bana na bango, Mokonzi mosusu atelemaki oyo akanIsaac Joseph té. Bakómaki bawumbu. Bomoi ekomaki pasi.

Na bomoi na biso bakristu pe, tango ya esengo pe tango ya pasi ezali. Lokola Bana na Israël, biso bakristu esengeli toningana té, atako bomoi ya esengo ebaluki, ekoma bomoi ya pasi. Nzambe na biso azali Libanga oyo ezali fixe. Ekoki kobaloka té. Totiyela ye motema.

Devoir pona ba kristu :

Devoir nazali kopesa bino bakristu na poso oyo, yang'oyo: Mikolo nyonso, bokanisa mingi

té soki mokolo yango esengo esengo to pasi. Kaka tia motema na Nzambe mikolo nyonso. Kanisa Ye, Luc Ye, senga na kombo na Ye, pe pesa Ye lokumu.

Kobenga bana oyo bayebi Yesu nanu té :

Kasi, Mbala mosusu tango nalobaki ete, “bino bakristu”, bososlaki té nalingaki koloba nini. Mbala mosusu oyebi té soki ozali mukristu. Mukristu azali moto oyo abongola motema na Yesu. Pe atika nzela ya kolinga masumu, abongwami, akoti na nzela ya kolanda Yesu. Babenga kombo na Nzambe kosenga bolimbisi ya masumu na bango nyonso, kosenga Yesu kukota na bomoi na bango. Soki oyebi té soki akata po na Yesu, okoki kokata yango kaka lel'oyo. Soki olingi tolimbolela yo lisusu, sima ya ecodim, tango bato mosusu bakobima, yo kobima té, kasi yaka kovanda na bakiti oyo awa [*moniteur, lakisa bana esika*]. Tokoya po na kosalisa yo.

===SUKA YA LESON 1

LESON 2 TOTIYA MOTEMA NA NZAMBE, ATA NA TANGO YA PASI.

Pharaon aLucki kosilisa Bana na Israël, kasi famille ya Moïse babombaki ye.

Kobima 1 :15—2 :1-10

I. Preparation ya moniteur pona Leson oyo --
[Moniteur, bongisa Partie oyo liboso (na ndako) ya tango ya koteya].

Kobongama na Tina to mutuya ya Leson oyo:

Na SUKA YA LESON oyo, bana bakososola ete na likambo nyonso ekoyela biso, Nzambe Azali kaka ná biso po na kosalisa biso. Yango wana, bakotiela Ye motema mikolo nyonso, ata na esengo, ata na pasi.

Kobongisa banzembo ezali kokende nzela moko ná Leson oyo: Banzembo 46 :2-3a
Senga na Nzambe Kaka
Nkolo ayebi nzela na Ngai

Kobongisa Verse oyo bana bakoyekola :
[Molakisi, lakisa bana verse liboso ya koteya. Baloba yo mbala mibale, bongo, mema bango na koyemba yango mbala mibale.]

2 Nzambe Azali esika oyo tokoki kobombana; asalisaka biso tango ya pasi.

3 Yango wana, tokoki kobanga té. . .
Banzembo 46:2-3a

II. Koteya Mikanda ya Bible –

Koteya Mikanda ya Bible:

Mikanda ya Boyokani ya Kala ezali 39
Mikanda ya Boyokani ya Sika ezali 27
Nyonso ezali mikanda 66.

Na mikanda oyo, Maloba na Nzambe ezali ya kokoka. Tozali kobakisa mikanda mosusu té.

Nyonso ezali koloba mokano na Nzambe po na kobikisa bato ya mabota nyonso na Mwana na Ye Yesu Kristu.

Mikanda 5 ya liboso ya Bible tobengi yango, “Mikanda ya Moïse.”

[Moniteur, mema bana na koyemba nzembo, “Mikanda ya Moïse.”]

[Moniteur, mema bana koloba mikanda 5 ya Moïse:] Ebandeli, Kobima, Ba-Levitique, Kotanga, Kozongela Mibeko.

III. Kosala Revision --

† Nzambe alobaki kala na Tata ya Bana na Israël Abraham, koyebisa ye ete bana na ye bakozala bapaya na mokili mosusu (Ebandeli 15:13a). Esalemaki na tango oyo Joseph abengaki famille na ye kokende na Egypte na tango ya nzala. Bisu tomoni makambo oyo na suka ya mokanda ya Ebandeli.

† Atako Pharaon ayambaki bango nanu, sima ya tango, bango nyonso bakufaki, pe Pharaon ye pe akufaki. Pharaon ya Sika, Ayebaki té famille ya Joseph. Abangaki po Bana na Israël bazalaki kokola mingi. Yango wana, akomisaka bango nyonso bawumbu. Kanisa ete, Nzambe ayebisaki yango na Tata na bango ya Kala Abraham. Alobaki ete, “*bo bakozala bawumbu, bato bakoniokola bango bambula kama minei (400).*” Sik’oyo, lisakoli yango pe esalemaki na ndenge Nzambe alobaki.

† Tolanda lisusu histoire na bango tango bazalaki bawumbu ya bazalaki komona pasi mingi na Egypte.

Kolanda devoir ya Leson eleki:

Na poso eleki, topesaki bino bakristu devoir ya koluka Nzambe mikolo nyonso, kobanga kombo na Ye pe kopesa Ye lokumu. Nani asalaki makasi kosala yango na poso eleki? Merci mingi na bino. Ezali kosepelisa Nzambe, pe ekosalisa bino na kokola nabokristu soki basali makasi tango nyonso na kosala badevoir oyo topesaki bino.

IV. Koteya oyo na Bana --

Ebandeli ya Leson :

Totiki ba-Israelite na bowumbu na Egypte. Boni, ezali kopesa esengo to pasi? Ee, ezali pasi kaka. Kasi kanisa verse nini oyo tolobaki, *"Tango nyonso, soki pasi ezali, ezali kosalisa biso. Yango wana, tokoki kobanga té."* Soki tozali kobanga té, ezali té po pasi ezali té. Pasi ezali. Ezali po toyebi ete Nzambe azali kosalisa biso.

Developpement--Makambo minene ya Leson oyo na biteni 8:

2.1. Pharaon apesaki ordre na bato oyo babotisaka basi ya Israël ete baboma bana ya mibali nyonso. Kobima 1:15-16

Tangela bana: Kobima 1:15-16

15 Bongo mokonzi monene ya Egypte abengisi bàsi oyo bazalaki kobotisa bamama ya ba-Hebreu,... ete:

16" Tango bokozala kobotisa basi ya ba-Hebreu, bátala malam: soki "mwana azali mobali báboma ye,...."

Tuna bana :

- Mokano mabe ya Pharaon ezalaki nini po na kosilisa bana ya Israel ?
(Ayebisaki basi oyo bazalaki kobotisa bamama ya Israel ete esengeli baboma bana nyonso ya mibali.)

Bana basala:

Tango basi yango bayokaki ordre yango, bokanisi, bayokaki ndenge nini ? (Ee, kobanga ná mawa.)

[Moniteur, ndambu ya bana bakosala bageste pe baloba po na koyebisa bato kobanga na bango. Ndambu mosusu bakolakisa mawa.]

Bana bayemba pe babina :

Pharaon alingaki baboma bana nyonso ya mibali

O mawa na Israel, O mawa, mawa !

2.2. Basi yango balandaki ordre ya Pharaon té. Yango wana, Nzambe apambolaki Bana na Israël ete bakóma ebele pe makasi lisusu. Kobima 1:17-21

Tangela bana: Kobima 1:17-21

17 Kàsi basi yango bazalaki kobanga Nzambe; baboyaki kosala ndenge mokonzi ya Egypte atindaki bango; pe babomaki bana mibali té.

18 Bongo mokonzi ya Egypte abengisi bango lisusu pe atuni bango: "Po na nini bosali Boye? Po na nini bozali koboma bana mibali té?"

19 Bango bazongisi: "Basi ya ba-Hebreu bazali lokola basi ya Egypte té. Bazali na makasi pe babotaka bango moko, liboso 'tè mobotisi ákóma."

20-21 Lokola babotisi wana bazalaki kobanga Nzambe, Nzambe asalaki bango malam, apesaki bango bana mingi. Bongo ba-Israelite bakómaki lisusu ebele pe makasi penza.

Tuna bana :

- Pona nini basi oyo bazalaki kobotisa basi mosusu, basalaki té ndenge Pharaon alobaki? (Po babangaki Nzambe.)
- Tango Pharaon abengaki bango, bapesaki

ye eyano nini? (Ete bana ya Ba-Ebreo, babotaka yambo baya.)

- Boni, oyo ezalaki solo ya solo ?
(Ekoki kozala solo. Bino basi, soki boyebi ete Mokonzi ayebisi basi oyo kobwaka mwana na yo na mayi po akufa, boni, okozala lombangu kobenga bango ?)
- Ndenge nini Nzambe apambolaki basi oyo bazalaki kobotisa bana po babomaki bana té? (Apambolaki bango kobota ebele bango moko, kozala na bana ebele.)
- Mokano ya Pharaon ezalaki kokumisa bana ya Ba-Ebreo (Bana na Israël) muke. Kasi Nzambe asalaki ete nini esalemaki? (Bakómaki ebele-ebele pe makasi.)

Bana basala :

Bana basi baloba na bango ete, “Pardon, nazali na bosenga ya lisungi té. Nasili kobota deja.”

Bana-mibali baloba lokola mibali ná basi na bango. Baloba bo na bango ete, “Pardon, mwasi na ngai kobota noki. Azali na bosenga ya lisungi té. Aboti deja. Bókende. Tozali na bosenga na bino té.”

Bana bayemba pe babina:

Basi babangaki Nzambe,
Babomaki bana té, té, té.

Yango wana, Nzambe apambolaki bango
Na bana e-be-le.
Po batosaki
Ye Yawe Nzambe.

2.3. Pharaon apesaki ordre ya mibale ete, bana ya mibali nyonso, esengelaki kobwaka bango nyonso na ebale ya Nile. Kobima 1:22

Tangela bana: Kobima 1:22

22 Kasi mokonzi monene ya Egypte àpesaki mitindo na báto na ye nyonso 'tè: 'Mwana mobali nyonso' oyo basi ya ba-Hebreu bakobota, bábwaka ye na ebále "Nil, kasi bátika bana basi."

Tuna bana :

- Ordre ya mibale ya Pharaon ezali nini? (Bato nyonso babwaka bana-mibali na ebale ya Nil.)
- Banani kaka bakoki kobika? (Kaka bana basi)
- Soki mibali nyonso bakufi, atako basi bazali kobika, boni, bakobota bana mosusu? (Bongo té.)
- Boni, bambuta-muntuma ebele soki té muka? (Muke. Sima ya tango bakozala lisusu té.)

Bana basala :

Mwana mobali moko azala Pharaon pe ba mosusu bazala ba soldats na ye. Bana basi basala bageste lokola kosimba mwana na loboko. Baya moko-moko liboso na Pharaon. Pharaon atala mwana. Pe aloba “mwana ya mwasi” to “Mwana-mobali”. Soki alobi mwasi, mama wana akobima na esengo nyonso. Soki alobi mobali, soldat moko asala geste lokola asimbi mwana, asala lokola azali kobwaka ye na ebale ya Nil. Mama wana abima na mawa nyonso.

Bana bayemba pe babina :

Pharaon alingaki kaka koboma bango nyonso. Apesaki bango ordre ete bana mibali, babwaka bango na ebale.
Mawa, mawa, mawa ! (3x)

2.4. Moïse abotamaki pe baboti babombaki ye basanza 3. Kobima 2 :1-2

Tangela bana : Kobima 2 :1-2

1 Moto moko ya libota ya Levi abalaki mwana-

mwasi moko na kati ya libota na ye.

2 Mwasi yango abotaki mwana-mobali; amoni 'tè mwana azali kitoko, pe abombaki ye basanza misato.

Tuna bana:

- Tango mama moko abotaki Mwana mobali, amonaki ete azalaki ndenge nini ? (Kitoko)
- Asalaki nini ná mwana na ye? (Abombaki ye basanza misato.)
- Pona nini ekoki kozala pasi kobomba mwana oyo azali nanu ya kokola té? (Po mwana esengelaki alela.)

Bana basala:

Bango nyonso luka-luka lokola bazali koluka ndenge ya kobomba mwana na bango.

Bana bayemba pe babina:

Mama moko abombaki mwana basanza misato.

2.5. Sima, babombaki bebe Moïse na kitunga na kati ya matiti pembeni ya Nile. Kobima 2 :3-4

Tangela bana: Kobima 2:3-4

3 Lokola akokaki lisusu kobomba mwana na ye mikolo mingi té, akamati kitunga moko oyo basalá na banzete ya papyrus, pe apakloli yango goudron po ekota mayi té. Atie mwana kuna; bongo akei kotika ye na kati ya matiti oyo ezalaka pembeni ya ebale Nil.

4 Mwana yango, bongo kulutu na ye ya mwasi, atelemaki mwa-mosika, po na kotala soki likambo nini ekokweyela ye.

Tuna bana:

- Pona nini baboti ya mwana basalelaki ye kitunga ? (Po bamonaki té ndenge ya kobomba ye kino...)

- Basalako nini po mayi ekota té na kitunga yango ? (Bapakolaki yango goudron. Oyo ezali ndenge moko na oyo Nzambe ayebisaki Noé atiyaki libanda pe na kati ya masuwa na ye monene. (Ebandeli 6:14).
- Batiyaki nini na kati ya kitunga yango ? (Mwana mobali yango)
- Batiyaki yango wapi ? (Na kati ya matiti pembeni ya Ebale ya Nil)
- Nani atalaki yango mwa-mosika ? (Koleka ya mwana ya mwasi)

Bana basala:

Bango nyonso basala bageste lokola bazali kotonga kitunga, lokola bazali kotia goudron, lokola bazali kotia mwana na kati. Basalaki lokola bazali komema yango na ebale, bazali kotia yango na kati ya matiti, ezali kolakisa koleka kotia mwana kotala yango mwa-mosika.

Bana bayemba pe babina:

Batiyaki mwana na kitunga, pe atiyaki yango goudron, Batiyaki yango na matiti pembeni ya ebale.

2.6. Mwana-mwasi ya Pharaon amonaki ye, pe ayokelaki ye mawa. Kobima 1:5-6

Tangela bana: Kobima 1:5-6

5 Sima ya mwa-tango make, mwana-mwasi ya mokonzi monene ya Egypte ayei kosukola ndakoto na, ebale; basali na ye ya basi bazalaki kotambola na pembeni. Tango amoni kitunga na kati ya matiti, atindi mosali moko ákende kokamata yango.

6 Afungoli kitunga, pe amoni mwana-mobali azali kolela. Ayokeli ye mawa pe alobi: "Oyo azali kaka mwana ya ba-Hebreu."

Tuna bana:

- Nani amonaki kitunga na kati ya matiti ?
(Mwana-mwasi ya Pharaon, Mokonzi monene ya Egypte.)
- Ayaki na ebale kosala nini ? (Kosokola)
- Tango afongolaki kitunga, mwana azalaki kosala nini ? (Kolela)
- Mwana mwasi ya Pharaon, asalaka nini ?
(Ayokelaki ye mawa.)
- Asosolaki ete mwana yango azalaki nani ?
(Mwana ya Ba-Ebreo.)

Bana basala:

Bana-basi basala lokola bazali kofongola kitunga, bazali kosimba mwana, bazali koyokela ye mawa. Bana-mibali basala lokola bazali ba soldat ya Pharaon, bazali kotala na droite pe na gauche koluka bana ya Ba-Hebreu, kasi bazali komona eloko té.

Bana bayemba pe babina :

Mwana ya Pharaon amonaki mwana Ayokelaki ye mawa.

2.7. Nzambe asalaki ete mama azalaki na ndenge ya kobokola mwana na ye kino tango akoli. Kobima 1:7-9

Tangela bana: Kobima 1:7-9

7 Ndakokande kulutu ya mwana yango ayei kopusana pe atuni mwana ya -mokonzi monene ya Egypte: Olingi nákende kobengela yo mwasi moko ya ba-Hebreu po ápesaka ye mabéle?"

8 Ázongisi: "Ee, kende." Mwana-mwasi yango akei kobenga bobele mama na yé.

9 Mwana ya mokonzi monene alobi na ye: "Kamata mwana oyo, bokolela ngai ye, bongo

nakofuta yo..."

Tuna bana:

- Koleka ya mwasi oyo ya mwana, asalaki likambo nini ya mayele? (Atunaki mwana ya Pharaon nini soki akokaki kobengela mwasi yo mwasi moko ya Ba-Ebreo po na kopesa mwana mabele.)
- Abengaki nani? (Mama na ye, azalaki pe mama ya mwana yango penza.)
- Mwana ya Pharaon asengaki mama ya mwana kosala nini? (Kozwa ye, kobokola ye.)
- Mwana ya Pharaon alakaki kosala nini po na mama yango? (Akofuta mama ya mwana.)

NB: Tala nguya na Nzambe. Nani mama oyo bazali kofuta po na kopesa mabele na mwana na ye ? (Mama na ye moko – Kasi Nzambe asalaki yango).

Bana basala:

Bana-basi misato basala mwa-scenette koyebisa makambo oyo esalami. Yo moniteur kamba bango na nini kosala pe koloba.

Bana bayemba pe babina:

Mama ya mwana mene azwi ye lisusu, Akoki kobokolela ye !
Nzambe asalisaki makasi !

2.8. Sima, Moïse abikaki na ndako ya Pharaon na kileki na ye. Kobima 1:10

Tangela bana: Kobima 1:10

10 Tango mwana akoli, mama na ye amemi ye epai ya mwana ya mokonzi monene ya Egypte. Ye akómisi ye lokola mwana na ye

penza, pe apesi ye kombo Moïse, pamba té alobi: "Nalokotaki ye na mayi."

Tuna bana:

- Sima ete mwana akolaki, akendaki kobika wapi ? (Na ndako ya Mokonzi.)
- Nani apesaki mwana kombo Moïse ? (Mwana-mwasi ya Mokonzi Pharaon)
- Moïse elimboli nini ? (Na lokutaki ye na mayi.)

Bana basala:

Bana nyonso basala bageste lokola bazali komema mwana na ndako ya Mokonzi, bapesa na mwana-mwasi na ye. Sima, baloba ete, "Kombo na ye Moïse."

Bana bayemba pe babina:

Tango akolaki, mwana abikaki na ndako ya Mokonzi.
Kuna azwaki kombo ya Moïse.

NB: Po na bana oyo bakoli:

Sima, na kati ya Bible, toyekola bakombo ya famille ya Moïse: Tata na ye Amram, mama na ye Jokébed, kulutu na ye ya mobali Aaron, pe leki na ye ya mwasi Mariami. Tokomona bango lisusu na ba Leson oyo ezali koya.

Kosilisa Leson:

Pharaon akomi na kanda makasi, pe akataki ete esengeli asilisa Bana na Israël. Kasi tala ndenge Nzambe asalisaki bango. Liboso, basi oyo bazalaki kobotisa bana na bango, basalakaki na ndenge ya mayele po baboma bana té. Ya mibale, Nzambe asalaki ete famille ya Moïse ebokola ye kino tango akolaki. Sima, akendeki kobika na ndako ya Mokonzi oyo alingaki aboma ye. Moto oyo Moïse azali na

bosenga mingi, po ezali nde ye oyo Nzambe akosalela pona kolongola bato na ye na bowumbu. Kasi tokomona yango na baposo ezali koya.

Tango ya pasi pona Bana na Israël, kasi na kati na yango, Nzambe azalaki esika moko ná bango, Nzambe azalaki pe kosalisa bango ndenge elobami na verse na biso.

[Moniteur, Sik'oyo bana bakoki koyemba verse mbala mibale lisusu. Sima, tiya bana na biteni mibale: Bana ya Kinshasa ná Bana ya Lubumbashi. Basala competition nani akoki koloba verse koleka malamumu.]

Devoir pona ba kristu:

Bino bana oyo bosilà motema ya Yesu deja, Devoir nazali kopesa bino poso oyo ezali kotia motema na Nzambe mikolo nyonso, ata mokolo oyo okozala na esengo to na pasi. Mikolo nyonso, kobenga kombo na Nzambe kosenga lisungi na Ye.

Kobenga bana oyo bayebi Yesu nanu té:

Mbala mosusu oyebi té soki osila kotia motema na Yesu. Bible ezali kolakisa biso ete tokoki koyeba makambo yango. Yoka 1 Jean 5:13: *'Bino bato bondimelaka Mwana ya Nzambe, nakómeli bino makambo oyo po bóyeba malamumu 'tè bozali na bomoi ya seko.'* Esengeli té ozala té na koyima-yima. Soki olingi koyeba ya solo, sima ete ecodim esili, tango bana mosusu bakobima, yo Kobima té, kasi yaki kofanda awa na bakiti oyo *[moniteur lakisa bakiti yango]*. Tokoya kosalisa yo po okoka pe koyeba ete osili kobika.

===SUKA YA LESON 2

LESON 3 TOSALA NYONSO OYO NZELA NA NZAMBE ELAKISI.

Moïse abomaki moto, pe akimaki na mokili ya Madian.

Kobima 2:11-22

I. Préparation ya moniteur pona Leson oyo --
[Moniteur, bongisa Partie oyo na ndako liboso ya koya koteya liboso ya bana].

Moniteur, bongisa Tina to mutuya ya Leson oyo:

Na SUKA YA LESON oyo, bana bakososola pe bandima ete esengeli kosalela Nzambe na ndenge oyo azali kondima, na ndenge ya biso moko té.

Moniteur, bongisa banzembo oyo ezali kokende nzela moko na Leson oyo:

Landa, Nak' Landa yo, Nkolo
Nkolo ayebi nzela na Ngai
Meka Ngai

Moniteur, 'milengela na verse oyo bana bakoyekola:

Yo moko komimonisa té 'te 'ozali moto ya mayele; tosa Yawe pe tika mabe. Batoli 3 :7

II. Koteya Mikanda ya Bible --

Bana bayemba « Mikanda ya Moïse ». Moïse akómaki mikanda oyo mitano, ti azali moto monene na kati na yo. Bana baloba Mikanda 5 ya Moïse. Pesa bango devoir koyekola koloba nyonso, bango moko. Yebisa bango index ya mikanda na ebandeli ya Bible, pe yebisa bango mikanda 5 ya Moïse na kati na yango.

III. Kosala Revision --

Na poso eleki, tomoniki ete:

† Mokonzi monene Pharaon alingaki kosala makambo nini ya mabe ? (Koboma bana ya mibali nyonso ya ba-Israelite)

† Nani abotami? (Mwana Moïse)

† Nani asalisaki ye tango azalaki mwana muke? (Mama na ye Jokébed, na ndingisa ya Pharaon, po mwana-mwasi na ye ayokelaki mwana Moïse mawa)

† Nani asalisaki Moïse na bo jeunesse na ye ? (Mwana-mwasi ya Mokonzi monene Pharaon)

Kolanda devoir ya Leson eleki:

Na poso eleki, tosengaki bino bakristu kobenga kombo na Nzambe mikolo nyonso, kotia Ye motema ata na mikolo ya esengo, ata na mikolo ya mawa pe ya pasi. Nani asalaki makasi kosala yango na poso eleki? Nani amonaki mikolo ya pasi? Boni, bokoki koyebisa biso pasi nini bino bomonaki pe ndenge nini bino botiyelaki Nzambe motema?

IV. Koteya oyo --

Ebandeli ya Leson:

Totiki Moïse wapi ? (Ee, akoli, bongo ye me kuma mwana ya mwana-mwasi ya Mokonzi monene ya Egypte ya babengaki Pharaon.)

Moïse akolaki na ndako ya Mokonzi monene na bo jeunesse na ye nyonso tii tango oyo akolaki koleka.

Soki moto azali kobika na ndako ya Mokonzi monene, bomoi na ye ekozala ndenge nini? Bilei ndenge nini? Classe ya bana, ndenge nini? Bilamba ndenge nini?

Developpement--Makambo minene ya Leson oyo na biteni 6:

3.1 Atako Moïse akolaki na ndako ya Pharaon ya Egypte, azwaki likunia pona ba-Israelite. Kobima 2:11

Tangela bana: Kobima 2:11

11 Mokolo moko, tango Moïse akdmaki moká,lá, akei kotala bandeko na ye ba-Hebreu, pe amoni ndenge bazalaki koyoka pasi na misala ya makasi. Akuti bazali kobeta ndeko na ye moko ya Hebreu na Egyptien moko.

Tuna bana:

- Tango Moïse akómaki mokolo koleka, ye asalaki nini? (Akendeki kotala bandeko na ye Ba-Ebré. Kombo Ba-Ebré ezali ndenge moko na Bana na Israël.)
- Makambo mibale oyo bamonaki na visite na ye? (Ba-Israelite bazalaki na pasi na misala ya makasi-makasi, pe moto ya Egypte babomaki bandeko ya Moïse, Ba-Ebré.)

Tuna bana oyo bakoli:

- Pona nini omoni ete Moïse azwelaki likunia pe Ba-Ebré? (Po ata Moïse akolaki na ndako ya Mokonzi monene ya Egypte, Ayebaki malamumu ete azalaki té Egyptien, kasi azalaki Mu-Ebré, moko ya Bana na Israël.)

Bana basala:

Bana basala bageste lokola bazali kotala bandeko na bango, bazali na pasi na motema po na makambo oyo baali komona.

Bana bayemba pe babina:

Bandeko na ngai, O,
Bandeko na ngai, O,

Ba-Israelite, Ba-Ebré
Bandeko na ngai, O.

3.2 Moïse amonaki pasi po na pasi ya bandeko na ye, yango wana abomaki moto ya Egypte oyo azalaki kopesa bango pasi. Kobima 2:12

Tangela bana: Kobima 2:12

12 Moïse atali epai na epai, amoni moto mosusu té; bongo ábomi Egyptien wana pe abombi ye na sè ya zelo.

Tuna bana:

- Moïse asalaki nini na moto oyo abomaki ndeko na ye? (Atalaki malamumu soki ezalaki ná moto moko oyo ezalaki kotala, bongo abomaki moto yango, pe abombaki ye na kati ya zelo.)
- Boni, Nzambe ayebisaki Moïse kosala ndenge alingaki, to asalaki yango kaka na makanisi na ye moko? (Asalaki yango na makanisi na ye moko.)

Tuna bana oyo bakolà:

- Na ndenge Moïse asalaki, ezalaki komeka kosalisa bandeko na ye. Yango ezalaki Tina ya malamumu. Bongo, probleme na yango ezalaki nini? (Asalaki yango na ndenge ya Nzambe té, kasi na ndenge to na makanisi na ye moko.)

Bana basala:

Bana batala pene pona kotala soki moto azali. Bongo, baloba ete, "Moto azali komona ngai té. Nakosala makanisi na ngai."

Bana bayemba pe babina:

Moïse abomaki moto na kosalisa bandeko

Kasi asalaki yango
Na makanisi na ye moko.

[Moniteur, awa ezali esika ya malamu kolakisa bana verse ya koyekola, Batoli 3:7. Bakoki kotanga yango na carte to na tableau to na zelo. Soki ete ozali ete bakoki kotanga yango té, yo moko tangela bango phrase na phrase, pe baloba sima na yo. Bambuta-muntuba yango mbala misato, sima olanda Leson lisusu.]

3.3 Moïse akanisaki ete moto ayabaki té asalaki nini, kasi bato mingi bayebaki, ata Pharaon pe. Kobima 2:13-15a

Tangela bana: Kobima 2 :13-15a

13 Mokolo oyo elandaki, azongi lisusu po na kotala bandeko na ye, akuti ba-Hebreu mibale bazali kobunda bango na bango. Alobi na oyo.azalaki kosala moninga"na ye mabe: "Po na nini ozali kobeta ndeko na yo?"

14 Moto yango azongisi: Nani atiakiyo mokonzi pe zuzi po na kosambisa biso? Olingi koboma ngai, ndenge obomaki Egyptien?" Moïse abàngi, amilobi: "Likambo yango esi'eyebani na bato."

15a Bongo tango mokonzi monene ya Egypte ayoki yango, aluki koboma Moïse...

Tuna bana:

- Tango Moïse azongisaki na bandeko na ye sima mokolo moko, amonaki nini? (Bato mibale Ba-Hebreu bazalaki kobunda.)
- Moïse atunaki moto oyo asala mabe nini? (Pona nini ozali kobeta ndeko na yo?)
- Moto yango azongiselaki ye ndenge nini ? (Nani atiyaki yo mosambisi na biso? Boni,

olingi koboma ngai ndenge obomaki moto ya Egypte lobi?

- Eyano ya moto yango eyebisaki Moïse nini? (Ete bato bayebi nini osalaki tango obomaki moto ya Egypte.)
- Nani lisusu ayokaki likambo yango? (Mokonzi monene ya Egypte, Pharaon)
- Boye alukaki nini po na ye ? (Alukaki ndenge ya koboma Moïse.)
- Soki Mokonzi monene akateli moto kufa, moto yango azali na likama, to likama té? (Likama monene)

Bana basala:

Bana batonda na kobanga. Baloba lisusu pe lisusu ete, « Makambo oyo osali, eyebani. Ata Mokonzi monene pe ayebi yango.»

Bana bayemba pe babina:

Bato bamonaki makambo oyo Moïse asalaki.
Ata Mokonzi monene ayebi yango. Kobanga !

3.4 Na kobanga, Moïse akimaki na mokili ya Madian. Kobima 2:15b

Tangela bana: Kobima 2:15b

15b . . . Kasi ye akimi na mboka Madian.

Tuna bana:

- Po na kobanga, Moïse asalaki nini ? (Pe akimaki na mokili ya Mdiàn.)

NB kutungila bana: Madian lel'oyo ezali partie ya mokili oyo tobengi Arabie Saudite. Bazalaki bandeko ya ba-Israelite. Sima ete mwasi ya Abraham Sara akufaki, Abraham abalaki lisusu mwasi na kombo ya Keturah (Ebandeli 25:2).

Babotaki bana, na kati na bango Madian. Esika ya bana ya Madian bazalaki kobika, babengaki yango Mokili ya Madian.

Bana basala:

Bana nyonso basala bageste lokola bazali kotonda na kobanga.

Bana bayemba pe babina :

Moïse akimaki na kobanga
Na mokili ya Madian.
Pe akimaki na
bandeko na ye mosusu.

3.5 Kuna na Madian, Moïse asalisaki basi na kotoka mayi, bongo tata na bango Jéthro ayambaki Moïse. Kobima 2:16-21

Tangela bana: Kobima 2:16-21

16 Amoni bana basi sambo ya nganga-Nzambe ya Madian, bayei kotóka mayi; batondisi mayi na bisika oyo bameme ná bataba ya tata na bango emelelaka.

17 Kasi babokoli mosusu ya banyama bayei pe babengani bango; bongo Moïse ákotèli bango" pe apesi banyama na bango mayi.

18 Tango bazongi epai ya tata na bango Reuel, ye atuni bango: "Po na nini lelo bozongi noki Boye?"

19 Bango bazongisi: "Egyptien moko abikisi biso na maboko ya babokoli ya banyama; atákaki kutu mayi po na komelisa banyama na biso."

20 Bongo tata na bango atuni: . . . Bókende kobenga ye po áya kolia."

21 Moïse andimaki kofanda epai ya moto yango, pe ye apesaki Moïse mwana na ye ya mwasi kombo Séphora.

Tuna bana:

- Kuna na mokili ya Madian, Moïse akutaki nani? (Bana-basi 7, bana ya nganga-Nzambe ya Madian.)
- Mosala nini ya bana basi yango? (Kobokola bibwele ya tata na bango)
- Bazalaki kumona pasi nini? (Bato oyo bazalaki kobokola bibwele bazalaki kokanga bango nzela ya kopesa mayi na bibwele na bango.)
- Moïse asalisaki bango ndenge nini? (Apesaki bango bibwele na bango bilei.)
- Tata na bana basi yango basalaki nini tango ayokaki ndenge Moïse asalisaki bango? (Atindaka bana na ye kobenga Moïse po alia ná bango.)
- Moïse atikalaki ná Jéthro, pe apesaki bongo Moïse nini? (Mwana mwasi moko na ye Sephora kozala mwasi na ye)

Bana basala:

Bana nyonso basala bageste lokola bazali kosalisa bana-basi yango kotoka mayi ya kopesa na bibwele na bango.

Bana bayemba pe babina :

Moïse abikaki na kati ya
Bandeko na ye na Madian.
Pe abalaki mwasi
Na Kombo Sephora.

3.6 Moïse ná Sephora babotaki mwana Gershom. Kobima 2:22

Tangela bana: Kobima 2:22

22 Mwasi yango abotaki mwana-mobali pe Moïse apesaki ye kombo Guerschom pamba té alobi: "Nazali mopaya na mboka oyo."

Tuna bana:

- Kombo ya mwana ya liboso ya Moïse ezali nini? (Gershom)
- Ndimbola ya kombo yango ezali nini? (Mopaya, po Moïse amonaki ete azalaki Mopaya na mabele yango.)

Bana basala:

Bana nyonso basala lokola bazali koluka mwana Gershom.

Bana bayemba pe babina:

Moïse ná Sephora
Babotaki Mwana mobali
Kombo na ye Gershom
Ndimbola ete, 'Mopaya.'

Kosilisa Leson:

Moïse alingaki kosalisa bandeko na ye Israël na pasi oyo bazalaki kumona na Egypte. Kasi asengaki 'te ete Nzambe ayebisa ye ndenge nini kosala yango. Asalaka na makanisi na ye moko, na makasi na ye moko.

Bato bayebaki yango, yango wana Mokonzi monene Pharaon alingaki koboma ye. Na kobanga, Moïse akimaki mwa-mosika, na mokili mosusu ya bandeko distant. Pe abikaki na mokili ya Madian. Kasi ata kuna, Nzambe azalaki kosalisa ye, pe kobongisa ye po, soki tango ya Nzambe ekoki, Moïse alongola ba-Israelite na bowumbu. Tango yango, asali yango na ndenge oyo Nzambe akolakisa ye.

[*Moniteur, téya verse ya koyekola, Batoli 3 :7 Sik'oyo. Bana bakoki koloba yango na ba voix ya ndenge na ndenge. Na suka, bana misato bameka koloba yango bango moko pe bana mosusu bazala bazuzi soki balobi nyonso malamumu.*]

Devoir pona ba kristu:

Boni, osali likambo moko oyo ozalaki na yango bosenga pe ya malamumu, kasi oluki Nzambe té po na koyeba ndenge nini osengeli osala yango? Sala na ndenge ete biso moko na ndenge ya biso moko té, kasi sala na ndenge oyo Nzambe ayebisi biso, ekosalisa malamumu.

Bino oyo bozali bakristu, bino oyo boyamba Yesu Kristu lokola Mobikisi na bino, Devoir nazali kopesa bino, yang'oyo: Na poso oyo mvimba, senga Nzambe komema yo na nyonso okosala.

Kobenga bana oyo bayebi Yesu nanu té:

Kasi, yo, Mbala mosusu oyamba Yesu nanu té na bomoi na yo. Okoki kolanda nzela na Ye té, soki nanu okomi mwana na Ye té. Yesu azali tango nyonso kozela yo. Alaki ete, « Moto yango akoya na ngai, Ngai nakoboya yo té » (Jean 6:37). Yaka na Yesu lel'oyo na motema na yo nyonso. Akoboya yo té. Akoyamba yo lokola mwana na Ye pe moninga na Yo.

Soki oluki lisungi na koyamba Yesu, sima ya Ecodim, Kobima té ná bana mosusu, kasi yaka kofanda likolo ya bakiti oyo awa [*moniteur, lakisa wapi.*] Bisu tokozala na esengo na kosalisa yo na koyamba Ye.

===SUKA YA LESON 3

LESON 4. TONDIMA MOSALA NZAMBE APESI BISO.

Nzambe Abengaki Moïse pe atindako ye na Pharaon.

Kobima 2 :23-25, 3 :1-22, 4 :1-17

I Preparation ya moniteur pona Leson oyo –
(kosala na ndako yambo classe esalema)

Moniteur, bongisa Tina to mutuya ya Leson :

Na SUKA YA LESON oyo, bana bakososola ete Nzambe azali na mosala po moto nyonso, bongo bankondima tango Akobenga bango.

Moniteur, bongisa verse ya koyekola:
Kobima 3:10-12a (Nzambe na Moïse :)

10 Bongo Sik'oyo, kende, Nazali kotinda yo na Mokonzi ya Egypte pona kobimisa bato na Ngai oyo . . .

11 Moïse azongiselaki Nzambe: « Nazali nani pona kende kotelema na miso ya Mokonzi monene ya Egypte ? »

12a Yawe alobaki : “Ngai nakozala ná yo... »

Moniteur, bongisa banzembo oyo ezali kokende nzela moko na Leson oyo :

Kende na Yesu
Nkolo ayebi nzela na Ngai
Ngai nalaki Kolanda Yesu

Moniteur, bongisa bisaleli oyo bakozala na yango bosenga po na Leson oyo:

Bana babanda koyekola mikanda 5 ya Moïse. Yango wana, sala papier oyo ezali na kombo ya mwana nyonso, na ndako, liboso classe esalema. Mwana oyo akoyekola yango, asala desain ya 😊 na kombo na ye. Mema papier yango ná marker ya kokoma 😊 na classe.

II. Koteya Mikanda ya Bible –

[Moniteur opesaki devoir po bana bayekola koloba mikanda mitano ya Moïse. Senga bana minei koloba yango. Soki mwana ayebi nyonso té, kozela ye té, kaka yebisa ye kosala makasi lisusu koyekola yango. Dessiner 😊 sima ya kombo ya mwana nyonso oyo ayebi koloba yango. Tokolanda yango poso na poso kino tango bango nyonso bakoyekola yango.]
Bana bayemba nzembo, 'Mikanda ya Moïse.'

III. Kosala Revision --

Revision ya Leson eleki :

II. Koteya Mikanda ya Bible –

[Moniteur opesaki devoir ete bana bayekola koloba mikanda mitano ya Moïse. Senga bana minei koloba yango. Soki mwana ayebi nyonso té, kozela ye té, kaka lakisa ye kosala makasi lisusu koyekola yango. Dessiner 😊 sima ya kombo ya mwana nyonso ya ayebi koloba yango. Biso tokolanda yango poso na poso tii tango bango nyonso bayekoli yango.] Bana bayemba nzembo, 'Mikanda ya Moïse.'

III. Kosala Revision –

Revision ya Leson eleki :

- ‡ Totiki Moïse wapi ? (Na mokili ya Madian)
- ‡ Pona nini akendeki kuna? (Po na koeloko mokonzi monene ya Egypte oyo babengaki Pharaon)
- ‡ Pona nini Pharaon aluki kokende Moïse? (Po ayokaki ndenge Moïse abomaki moto ya Egypte oyo epesaki ba-Israelite pasi.)
- ‡ Moïse asalaki nini na mokili ya Madian? (Biyano possible :

--Asalisaki basi na kotoka mayi pona

bibwele na bango
--Abikaki na ndako ya nganga-Nzambe
moko na kombo ya Jéthro
--Abalaki Sephora
--Abotaki mwana kombo Gershom.)

Kolanda devoir ya Leson eleki:

Na poso eleki, tosengaki bino bakristu kosenga na Nzambe atambwisa yo na nyonso okosala. Nani asambelaki lolenge wana na poso oyo? Nani amonaki ete Nzambe atambwisaki ye? Nani akoyebisa biso ndenge Atambwisaki yo? *[Moniteur, pesa tango muke na bana bakoki kopesa rapport soki ezali.]*

IV. Koteya bana Leson oyo –

Ebandeli ya Leson:

Boni, omituni, « Nzambe alingi nasala nini to na koma nani? Boni, esengeli nazala infirmier to commerçant(e)? Pasteur to choriste? Mama ya famille monene to Molakisi ?

Nzambe azalaki na mosala po na Moïse—kokamba ba-Israelite kotika bowumbu na Egypte. Moïse akómaki na mokili ya Madian na age ya 40, pe asalaki bambula 40 lisusu kuna. Sik’oyo, akomi na bambula 80. *[Moniteur, information oyo ezali na malakisi ya Etienne, Misala 7:23 &30.]* Nzambe alingi asala nini? Azala Mobateli ya bampate bomoi na ye mobimba?

Developpement--Makambo minene ya Leson oyo na biteni 7:

4.1 Eloko ya kokamwa ezali kobenda Attenzeteon ya Moïse-mwa-nzete oyo ezalaki kopela moto, kasi kozika té. Kobima 3:1-3

Tangela bana:

1 Moïse azalaki kobokola bampate ná bataba ya bokilo na ye Jéthro, . . . Mokolo moko ámemi banyama ... tii na Horeb, ngomba ya Nzarnbe.

2 . . . Moïse atali pe amoni banzete yango ezali kopela máto, kasi ezali kozika té.

3 Bongo amilobi: "Tika nákende penepene kotala likambo ya kokamwa oyo. . . "

Tuna bana:

- Mosala ya Moïse ezalaki nini na mokili ya Madian? (Kobatela bampate ná bantaba ya bukilo na ye Yetro)
- Moïse amemaki bampate tii wapi? (Na ngomba na Nzambe)
- Kuna, amonaka likambo ya kokamwa nini? (Mwa-nzete oyo ezalaki kopela moto, kasi kozika té)

Bana basala:

Bana nyonso basala bageste lokola bazali komema bampate. Batelema na esika moko, bataba lokola bazali komona makambo ya kokamwa.

Bana bayemba pe babina:

Moïse amonaki mwa-nzete Oyo epelaki mingi.
Kasi ezali kozika, kozika té.

4.2 Nzambe alobaki na ye na kati ya mwa-nzete yango, ete Amoni pasi ya Israël; Pe akiti po na kobimisa bango na bowumbu na loboko ya Moïse. Kobima 3:4-10

Tangela bana:

4 . . .Moïse ayoki Nzambe abengi ye na kati ya banzete wana: "Moïse, Moïsel" Moïse azongisi: "Ngai oyo."

6 . . ."Nazali Nzambe ya tala na yo, . . ."

7 Yawe alobi lisusu: 'Nasi'namoni ndenge bato na ngai bakómi na pasi na Egypte. Nayoki ndenge bazali kolela na maboko ya basoldat oyo bazali konyokola bango. Ya solo, nayebi bapasi na bango.

8 Nayeri po návikisa bango na maboko ya ba-Egyptien. Nakolongola bango awa, pe nakomema bango na mabelé moko ya malamumu pe ya monene. . .

10 Yango wana natindi yo epai ya mokonzi monene ya Egypte po na kobimisa bato na ngai ya Israel na Egypte. Pamba té kolela ya bato ya Israel. . ."

Tuna bana:

- Nani abengaki Moïse na kati ya mwanzete ezo kopela moto ? (Yawe Nzambe)
- Nzambe asi'amoni nini ? (Pasi na bango pe kolela na bango)
- Pe aye kosala nini? (Kobimisa bango na Egypte, kopesa bango mokili mosusu ya malamumu)
- Nzambe azalaki kotinda nani na Mokonzi monene ya Egypte ? (Moïse)

Bana basala:

Bana nyonso baloba sima na yo, nzela na nzela :

Moïse! Moïse!

Ngai Nzambe nasi namoni pasi ya bato na Ngai

Pe kolela na bango

Nazali kotinda yo na Mokonzi monene Ya Egypte, Pharaon.

Bana bayemba pe babina:

Nzambe amonaki pasi na bango Nzambe ayokaki kolela na bango Nzambe Abengaki Moïse. Nzambe Atindako Moïse.

4.3 Moïse andimaki na lombangu té.

Kobima 3:11-15

Tangela bana:

11 Moïse alobi na Nzambe: "Ngai nazali nani po nákende kokutana ná mokonzi monene ya Egypte pe návimisa bato ya Israel na Egypte?"

12 Nzambe azongisi: "NAZALI na yo. . ."

13 Moïse alobi na Nzambe: "Kasi tango nakokende, nakoyebisa bato ya Israel 'tè: . . Soki batuni ngai: 'Nzambe yango Kombo na ye nani?' Nakozongisela bango nini?"

14 Bongo Nzambe alobi na Moïse: "NAZALI OYO NAZALI." Loba na bato ya Israel 'tè: "NAZALI atindi ngai epai na bino."

15 Nzambe alobi lisusu na Moïse: "Okoloba na bato ya Israel Boye: Yawe, Nzambe ya bambuta-muntu na bino, . . . atindi ngai epai na bino." Oyo ezali kombo na ngai ya libela bato . . .

Tuna bana:

- Boni, Moïse andimaki na lombangu Nzambe atinda ye na Mokonzi monene na Egypte ? (Ata muke té Bongo.)
- Moïse esengeli ayebisa bango ete nani atindi ye? (Nzambe na kombo 'NAZALI,' Yawe Nzambe ya bambuta-muntu ya ba-Israelite)

Bana basala:

Bana nyonso balenga na kobanga po balingi té kokende koloba na Mokonzi monene ya Egypte.

Bana bayemba pe babina:

Yawe Nzambe monene kombo 'NAZALI'
Ye abingaka Moïse kosala mosala na Ye.

4.4 Nzambe Atindaki Moïse nanu pona koleka ya Israël. Kobima 3:16-22

Tangela bana:

16 "Sik'oyo kende, sangisa bambu ta-muntu ya Israel pe loba na bango: Yawe, Nzambe ya bambuta-muntu na bino. . . abimelaki ngai pe alobaki ete Atali bino pe namoni makambo bazali kosala bino na Egypte.

17 Nakani kolongola bino na mboka oyo esiku bazali komonisa bino pasi, po námema bino na mboka . . . mabelé oyo etondi na miliki ná mafuta ya ndakoi."

18 . . . Bongo bokokende yo ná bambuta-muntu na bango epai ya mokonzi ya Egypte. Bokoloba na ye boye: 'Yawe, Nzambe ya ba-Hebreu abimelaki biso. Pesa biso nzéla tókende kotambola na esobe, mikolo misato po na kopesa Yawe, Nzambe na biso, mabónza.'

20 Yango wana nakosala Egypte makambo ya kokamwa penza, po átika bino bókende. . .

Tuna bana:

- Liboso kokende na Mokonzi monene ya Egypte, Moïse esengeli nanu akende na nani? (Na bambuta-muntu ya ba-Israelite)
- Esengeli bakende na Moïse kosenga nini na Mokonzi monene ya Egypte? (Kosenga ete Bókende voyage ya mikolo 3 po na kosambela Nzambe)

Bana basala:

Bana nyonso balakisa misapi 3. Baloba ete, "Kaka voyage ya mikolo 3 pona kosambela Nzambe, pardon."

Bana bayemba pe babina:

Bambuta-muntu ya ba-Israelite
Bakendeki nzela moko na Moïse.

4.5 Apesaki bango Moïse bilembo kolakisa ete solo Atindi ye. Kobima 4:1-9

Tangela bana:

1 Moïse azongiseli Yawe: Kasi ba-Israelite bakondimela ngai té pe bakoyokela nagi té. Bambuta-muntuba: "Yawe abimeli yo té."

2 Bongo Yawe atuni ye: "Eloko nini ozali na yango na liboko." Moïse azongisi: "Nzete oyo natambolaka na yango."

3 Yawe alobi: "Bwaka yango na mabele." Moïse pe abwaki yango. Nzete ebongwani nyoka! Bongo Moïse akimi, 4 kasi Yawe alobi na ye: "Simba yango na mokila." Moïse asimbi yango> Nyoka ezongo nzete na liboko na ye. 5 Yawe alobi: "Okosala ndenge wana po ba-Israelite bandima 'të ngai nabimelaki yo, ngai Nzambe ya bambuta-muntu na bango, Nzambe ya Abraham, ya Isaac pe ya Jacob."

6 Yawe alobi na ye lisusu: "Tia liboko na yo na tolo." Moïse pe atie liboko na tolo ; kasi tango alongoli yango, liboko etondi na maladi ya mbala, ekómi pembe penza.

7 Yawe alobi : "Zongisa lisusu liboko na yo na tolo." Moïse azongisi yango, pe tango alongoli, ezongi lisusu ndenge ezalaki liboso.

8 Yawe alobi : "Soki ba-Israelite bandimeli té pe bayokeli yo té na likamwisi ya liboso, bakondima na oyo ya mibale.

9 Pe soki sima ya makamwisi wana mibale baboyi kaka kondimela yo koyokela yo, okokamata mayi ya ebale Nil pe okosopa yango ná mabelé; bongo mayi yango ekobongwana makila.”

Tuna bana :

- Elembo ya liboso nini oyo Apesi Moïse ezalaki koyebisa bango ete solo Azalaki ye moto atindaki ye ? (Nzete ya loboko ya Moïse ekokoma nioka, ekokoma lisusu nzete)
- Elembo ya mibale ezali nini? (Loboko ekokoma na lèpre, yo ekobika lisusu.)
- Elembo ya misato nini? (Ndambu mayi ya Nile ekokoma makila)

Bana basala:

Bana nyonso na lisanga basala lokola bazali kobwaka nzete, azali kokima yango po ekomi nioka, azo samba yango na mokila, ekumi lisusu nzete.

Bana bayemba pe babina:

Nkolo Apesaki bango
bilembo na Moïse
Po na koyebisa ete
Atindi ye.

4.6 Ata tango yango, Moïse zolaka té kosala mosala Nzambe me pesa ye. Kobima 4 :10-12

Tangela bana :

10 Moïse azongiseli Yawe : « Pardon, Nkolo na gai, nalobaka malamau té. . . »

11 Yawe Nzambe alobaki na ye : « Nani apesaki bato minoko ? Nani akómisaka moto baba ? . . . Ngai Yawe Nzambe té ? »

12 Sik’oyo kende ; NGAI NAZALI na yo, nakoyebisa yo makambo osengeli koloba, pe na kosalisa yo po óloba malamau. »

Tuna bana :

- Excuse nini Moïse apesaki Nzambe ? (Ngai na ye bi koloba té.)
- Kanisa. Moïse ayekolaki classe na ye na ba classe koleka malamau na Egypte. Boni, ondimi ete Ayebaki té koloba? (Bongo té. Ayebaki malamau. Maloba oyo ezali kaka excuse po ayebaki té kotosa na Nzambe.)

Bana basala:

Bana baloba, “Pardon, Nzambe, ngai nayebi koloba té. Bababababababa.”

Bana bayemba pe babina:

Moïse alobaki, « Pardon, Nzambe, ngai nayebi koloba té. » Lokuta, lokuta, lokuta na yo, Moïse !

4.7 Nzambe azalaki na kanda po Moïse alingaki té kokende. Ye apesaki Moïse Aaron koloba po na ye. Kobima 4:13-17

Tangela bana:

13 Moïse azongisi : « Pardon mingi Nkolo na ngai, tinda moto mosusu. »

14 Bongo Yawe asilisi na Moïse pe alobi : « Ndeko na yo Aaron, Levitique azali té ? . . . »

16 Aaron azali moto oyo akoloba na bato na esika na yo, akozala molobeli na yo, . . . yebisa ye makambo oyo esengelaki oloba.

17 Okozala lisusu kosimba nzete oyo na liboko, po na kosala yango makamwisi. »

Tuna bana :

- Moïse alobaki nini na Nzambe Sik'oyo ? (Pardon, Nzambe, tinda moto mosusu.)
- Makanisi na Nzambe ezali nini po na likanisi yango ? (Nzambe azalaki na makasi po na yango.)
- Apesaki bango Moïse ná nani po na koloba po na ye? (Kulutu na ye Aaron)

Bana basala:

Bana nyonso baloba sima na yo:
Moïse, Tala !
Kulutu na yo Aaron...
Akoloba na esika na yo.

Bana bayemba pe babina:

Pardon, Nzambe,
Tinda moto mosusu.
Pardon, Nzambe,
Nalingi kokende té.
Mawa, o mawa.

Kosilisa Leson:

Nzambe Abengaki Moïse kosala mosala monene, kasi azalaki na kobanga. Andimaki na lombangu té. Nzambe azali na mosala po

moto nyonso. Soki Abengi, boni, tokoloba ete, « Pardon, Nzambe, atinda moto mosusu? »

Devoir pona ba kristu:

Soki oyebi Yesu lokola Mobikisi na yo, Nzambe azali na mosala po na yo. Soki oyoki Ye kobenga yo, boni, okondima? Devoir nazali kopesa bino bakristu na poso oyo, yang'oyo: Bosambela Nzambe mikolo nyonso ete, "Nzambe, yebisa ngai Olingi nasala nini. Alakaki ete, nakosala yango."

Kobenga bana oyo bayebi Yesu nanu té :

Soki oyebi Yesu nanu té na motema na yo, Nzambe azali kobenga yo lel'oyo ete, "Yaka na ngai. Tiya motema na Mwana na Ngai Yesu Kristu." Yesu alobaki ete, "Nzambe Atindako té Mwana na Ye awa na mokili ya sé po na koya kopesa bato etumba, kasi po na koya kobikisa bango" (Jean 3:17). Soki olingi kotia motema na Yesu, lel'oyo mbala ya liboso, sima ya ecodim, yaka kofanda awa na bakiti oyo awa. Tokoya kosalisa yo.

===SUKA YA LESON 4

LESON 5 TOLANDA NZAMBE PE TOKANGA MOTEMA.

Moïse asalaki preparation pe abondelaki Pharaon, kasi Pharaon apesaki Israël kaka misala koleka. Kobima 4 :18-31, 5 :1-23

I. Preparation ya moniteur pona Leson oyo – (bongisa yango na ndako liboso ya koya kosala yango na classe)

Moniteur, bongisa Tina to mutuya ya Leson:

Na SUKA YA LESON oyo, bana bakososola ete, soki toyebi tokosala ndenge Zambe alingi, esengeli kaka tokanga motema pe tozela Ye kosala.

Moniteur, bongisa verse ya koyekola:

... kasi balandaka ndakisa ya baoyo bazwaka bolamu Nzambe alakaki, po bazali kondimela ye na molende nyonso. Ba-Ebré 6:12

Moniteur, bongisa banzembo oyo ezali kokende nzela moko na Leson oyo :

Nazali na ndako Kitoko, verse 7
“Makabo ezali soki tokangi motema”

II. Koteya Mikanda ya Bible –

Lel’oyo, lakisa bana ete na mokanda nyonso ya Bible, bato bakaboli yango na biteni monene oyo tobengi mokapo. Ba nombre ya mokapo ezali komonnana likol ya page nyonso (lakisa bango). Bongo na mokapo nyonso, bakaboli yango na biteni ya mike oyo tobengi ba verse to banzela ya kotanga. Ba nombre ya baverse ezali komonana na kati ya ba-colonne ya kokoma. Konso verse ebandi na nombre na yango.

Salisa bango komona mokanda ya mibale ya Bible, mokanda ya Kobima. Salisa bango komona mokapo 4 pe 5, pe baverse na kati ya ba mokapo yango.

III. Kosala Revision –

Revision ya Leson eleki:

† Nzambe amitalisaki na Moïse na kati ya nini, po na kobenga ye ? (Mwa-nzete oyo epelaki moto, kasi ezikaki té)

† Nzambe Abengaki Moïse kosala nini ? (Kotelema liboso na Mokonzi monene ya Egypte Pharaon, koyebisa ye kobimisa ba-Israelite na bowumbu)

† Boni, Moïse azalaki na esengo ya kokende koloba na Pharaon? (Bongo té. Ayebisaki Nzambe ete, ‘Pardon, tinda moto mosusu.’

† Na suka, Nzambe Atindako nani esikamoko ná Moïse koloba po na ye ? (Bambutamuntu na ye Aaron)

Kolanda devoir ya Leson eleki :

Na poso eleki, tosengaki bino bakristu kosambela Nzambe ete, “Nzambe, alakisa ngai nini alingi nasala, bongo nakosala yango.» Nani asambelaki ndenge yango na poso oyo? Nani ekolakisa biso nini Nzambe ayebisaki ye kosala? Boni, osalaki yango ndenge olaPâque ?

IV. Koteya bana Leson oyo –

Ebandeli ya Leson :

Soki moto alingi kokoma ingénieur oyo azali kotonga bandako ya molai, esengeli yambo osala nini? Ee, eseneli nanu oyekola math mingi, pe esengeli osala classe malam, pe

esengeli olonga malamumu na ba-examen, esengeli ozwa diplôme d'Etat, pe esengeli okende na Université, etc.

Soki oyebi ete Nzambe abenga yo kosala mosala monene ya kosalisa libota na yo mobimba, nini esengeli esalema liboso osala yango? Ee, preparation ekoki kozanga té. Mosala oyo Apesaki bango, Moise azalaki kotelema liboso ya Pharaon, pe kobimisa ba-Israelite na bowumbu. Kasi yambo, preparation. Komibongisa.

Developpement--Makambo minene ya Leson oyo na biteni 6 :

5.1 Moïse asolulaki na famille mosala oyo Nzambe apesi ye. Kobima 4:18-20

Tangela bana sommaire oyo:

Na limemia nyonso, Moïse akendeki koyebisa bokilo na ye mosala Nzambe apesi ye kosala. Sima, azwaki famille na ye pe asimbaki nzela kosala ndenge Nzambe ayebisi ye.

Bana bayemba pe babina:

Moïse ayebisaki bokilo,
Mosala esengelaki asala,
Moïse ayebisaki bokilo,
Asimbaka nzela.

5.2 Nzambe Atindako Araoni na kosalisa ; ye pe Moïse akendeki liboso pona kolimbola bambuta-muntu ya libota ya Israël. Kobima 4:27-31

Tangela bana :

27 Yawe alobi na Aaron: Kende kokutana ná Moïse na esobe ya zelo." Ye pe akei, akutani

na ye na Sanai, ngombe ya Nzambe, pe ayambi ye.

28 Moïse ayebisi Aaron maloba nyonso oyo Yawe atindi ye aloba, pe makamwisi oyo alobi na ye ásala.

29 Moïse ná Aaron bakei, basangisi bambuta-muntu nyonso ya Israel.

30 Aaron ayebisi bango maloba nyonso oyo Yawe atindaki na Moïse, pe asali makamwisi na miso ya ba-Israelite.

31 Bongo bandimi, bomoni 'tè Yawe bapasi na bango pe abandani kokotela bango. Bongo bafukami po na kokumisa ye.

Tuna bana:

- Nani ayebisaki Aaron kokende kokutana na Moïse ? (Yawe Nzambe)
- Moïse ayebisaki Aaron nini ? (Nyonso oyo Nzambe ayebisaki ye)
- Tango ya Moïse pe Aaron bakendeki na Egypte, bakutanaki liboso na nani ? (Na bambuta-muntu ya ba-Israelite)

Bana basala:

Pola mwana moko kosala lokola Moïse, moko lokola Jéthro, misato kozala mwasi ná bana ya Moïse, moko kozala Aaron. Bana mosusu vanda bambuta-muntu ya Israël. Mema bango na kosala mwa-senetete koyebisa nini towuti komona na 5.1 pe 5.2.

Bana bayemba pe babina :

Nzambe Atindako Aaron kosalisa Moïse Bakendeki liboso epai ya bambuta-muntu ya Israël.

5.3 Pharaon aboyaki koyoka Maloba na Nzambe, kasi Moïse ná Aaron balandaki kaka kobenda matoyi na ye. Kobima 5:1-3

Tangela bana:

1 Moïse ná Aaron bakei epai ya mokonzi monene ya Egypte pe balobi na ye: "Yawe, Nzambe ya Israel, alobi Boye: 'Pesa bato na ngai nzela bákende kosalela ngai feti na esobe po na kokumisa ngai.'"

2 Mokonzi monene azongisi: "Yawe yango azali nani, po 'tè nátosa maloba na ye, pe nátika ba-Israelite brikende? Nayebi Yawe wana té, pe naboyi kotika bango bákende."

3 Bango balobi: "Ye azali Nzambe ya ba-Hebreu. Ye moto abimelaki biso. Pesa biso nzela tókende kotambola mikolo misato na esobe, po na kopesa Yawe, Nzambe na biso mabonza. Soki té, akoboma biso na maladi mabe to na bitumba."

Tuna bana:

- Nani akendeki koloba na Mokonzi monene ya Egypte ? (Moïse pe Aaron)
- Eyano ya mmokonzi ya Egypte ezalaki nini ? (Yawe Nzambe azali nani ? Pona nini esengeli na laka Ye ? Nayebi Ye té, Nga pe ma ko pesa bino nzela ya kokende té.)
- Tango Mokonzi aboyaki, Moïse ná Aaron basalaki nini? (Bazongisaki ete, 'Pardon, pesa biso nzela.')

Bana basala:

Bana nyonso basala bageste lokola bo ke bondila Mokonzi.

Bana bayemba pe babina:

Mokonzi ya Egypte, Ayebaki Nzambe té. Ayokaki té maloba oyo Moïse alobaki.

5.4 Pharaon apesaki mobeki 'te mosala ya Israël ekomaki koleka makasi. Kobima 5:4-8

Tangela bana:

4 Bongo mokonzi monene ya Egypte azongiseli bango: "Pona nini ya Moïse ná Aaron, bolingi kotinda bato báboya misala na bango? Bázonga na misala na bino.

5 Sik'oyo: bato bakómi ebelè Boye, tolingi bátika misala na bango."

6 Bobelé mokolo wana, mokonzi monene ya Egypte apesi mitindo boye na basoda oyo bazalaki kokengela ba-Israelite pe na bakapita ya misala:

7 "Bápesa lisusu bato matiti té po na kosala ba brique, ndenge bozalaki kopesa bango liboso: bango moko basengeli kokende koluka yango.

8 Kasi bótinda bango bákokisa talo ya ba brique ndenge bazalaki kosala libosó, bázangisa ati brike moko té. Bazali bagoigo! Yango' wana bazali kolela 'tè: "Tókeirde kopesa Nzambe na biso mabonza!"

Tuna bana:

- Mokonzi ya Egypte amonaki ete nini ezali na raison oyo ba-Israelite balingaki kokende kopesa Nzambe makabo? (Po bakomi ebele, pe amonaki lokola bakomi na bolembu.)
- Ndenge nini akomisaki mosala na bango koleka pasi? (Ayebisaki bakapita ete bango moko babanti kokende koluka matiti po na ba brique oyo bazalaki kosala.)

Bana basala:

Bana nyonso basala bageste lokola bazali kotambola na pasi koluka matiti pe komema yango po na ba brique.

Bana bayemba pe babina:

Bana na Israël bakendeki kaka na pasi Koluka matiti po na kosala ba brique.

5.5 Bakapita ya Egypte balandaki mibeko ya Pharaon, kokomisa mosala koleka makasi na ba-Israelite. Kobima 5:13-14

Tangela bana:

13 Basoldat ya mokonzi monene bazalaki kotungisa bango pe koloba: "Mokolo na mokolo bosengeli kokokisa talo ya ba brique oyo bazali kosenga, ndenge bozalaki kosala liboso, tango tozalaki kopesa bino matiti."

14 Bazalaki kutu kobeta bakapita oyo baponaki na kati ya bá-Israelite pe koloba na bango: "Po na nini mikolo oyo bokokisi talo ya ba brique 'tè, ndenge bozalaki kosala liboso?"

Tuna bana:

- Nani azalaki kotungisa ba-Israelite? (Bakapita oyo bazalaki likolo na bango)
- Bakapita asalaki nini lisusu? (Bazalaki kobeta bo)

Bana basala:

Bana nyonso basala lokola bazali komona pasi po bakapita bazali kobeta bango.

Bana bayemba pe babina:

Pasi, pasi, pasi ekomaki mingi.

5.6 Bakapita ya Bana na Israël balobaki na Moïse; Moïse azalaki na bosenga ya kokanga motema mingi. Kobima 5:19-22

Tangela bana:

19 Bakapita ya ba-Israelite bamoni 'tè bakómi na pasi . . .

20 Tango babimi epai ya mokonzi monene ya Egypte, balei mbango kokutana ná Moïse pe Aaron oyo bazalaki kozela bango,

21 balobi na bango: ". . . Bino bato bopesi bango nzela ya koboma biso."

21 balobi na bango: "Yawe átala bin ope ákata likombo na bino. Bino bato bopesi bango nzela ya koboma biso."

22 Moïse azongi lisusu epai ya Yawe pe alobi: "Nkolo, po na nini ozali konyokola bato oyo? Pe pona nini otindi ngai?"

Tuna bana :

- Bakapita ya bato na Israël bakendeki koyima-yima na nani ? (Na Moïse pe Aaron)
- Moïse azalaki kolela pona likambo yango na nani? (na Nzambe)

Bana basala:

Bana nyonso basala bageste lokola bazali koyima-yima.

Bana bayemba pe babina:

Pasi, pasi, pasi eleki mingi! (Mawa!)

Kosilisa Leson:

Toyebi ete Bana na Israël esengeli babima na Egypte na Mokonzi ya Egypte, esengeli bapesa

bango nzela, po Nzambe alakaki yango. Kasi awa tozali na ebandeli. Na ebandeli, pasi elekaki mingi. Tango Moïse ná Aaron bakendeki na Mokonzi ya Egypte, ekomaki lisusu koleka makasi. Bato bazali kotala té

Devoir pona bakristu:

Yo mukristu, Mbala mosusu osambeli makasi, kasi makambo ekomi kaka koleka makasi, koleka pasi. Ozali na bosenga ya kokanga motema. Koba kosambela pe tia motema na Nzambe. Akokokisa elaka na Ye.

Devoir nazali kopesa bino bakristu poso yai, yang'oyo: Mikolo nyonso, senga Nzambe asalisa yo kokanga motema, kondimelala Ye.

Kobenga bana oyo bayebi Yesu nanu té:

Mbala mosusu na kati na bino ezali na mwana pe oyo ayebi Yesu nanu té na motema na ye.

makambo oyo Nzambe alakaki bango; bazali kotali kaka pasi na bango na tango yango. Bazali na bosenga ya kosala nini? Bazali na bosenga ya kokanga motema.

Soki oyebi Ye nanu té, yeba ete Azali kozela yo. Alingi otiela Ye motema lel'oyo po obika. Bible ezali koloba ete: "Le'oyo ezali mokolo oyo tokoki kobika" (2 Korinte 6:2b). Boni, okobenga kombo na Ye lel'oyo po Abikisa yo pe Akomisa yo moto ya Sika kati na Yesu? Poso nyonso tozali awa sima ya ecodim po na kokutana ná mwana nyonso oyo alingi kotia motema na Yesu Kristu.

===SUKA YA LESON 5

LESON 6. TOTIYA MOTEMA NA NZAMBE NA TANGO YA PASI.

Nzambe alakaki kolongola Bana na Israël na bowumbu.

Kobima 6:1-30; 7:1-9

I Preparation ya moniteur pona Leson oyo –
(bongisa yango na ndako liboso ya koya kosala yango na classe)

Moniteur, bongisa Tina to mutuya ya Leson:

Na SUKA YA LESON oyo, bana bakososola ete, na ba pasi na biso ya bomoi oyo, esengeli tokanisa Nzambe azali nani, tokanisa pe nyonso oyo Asali po na biso. Bongo tokomona ndenge ya kotiela Ye motema na makambo oyo esengeli koyela biso.

Moniteur, bongisa verse ya koyekola:

Nakómi kokanisa makambo oyo eleka kala, nazali kokanisa misala oyo osala. Banzembo 143:5

Moniteur, bongisa banzembo oyo ezali kokende nzela moko na Leson oyo:

Banzambe mosusu
Yawe ayebi nzela na Ngai
Nzambe Azali Monene

II. Koteya Mikanda ya Bible --

Mikanda ya Bible:

Yemba “Banzembo ya Moïse” mbala moko. Sima, salisa bana komona Kobima mokapo 6, verse ya liboso. Bakanga Bible lisusu. Bana oyo bazali na Bible baya liboso ya classe. Batila Bible likolo. Yo loba adresse to reference: Kobima mokapo 6, verse ya liboso. Baloba yango sima na yo, ba Bible likolo. Tango osali elembo, bafongola ba Bible na

bango pe baluka verse yango. Mwana ya liboso akomona yango abanda kotanga, pe ye akozala champillon. Bana nyonso babeta maboko po na ye.

III. Kosala Revision –

Revision ya Leson eleki:

† Pasi nini Moïse pe Aaron bamonaki na poso eleki ? (Bakendeki na Pharaon lokola Nzambe ayebisaki bango kosala. Kasi Pharaon ayokaki té, kasi akomisaka mosala pe bomoi ya ba-Israelite koleka pasi.)

Kolanda devoir ya Leson eleki :

Devoir topesaki bino bakristu na poso eleki ezalaki kosambela Nzambe mikolo nyonso ete Asalisa yo okanga motema, kotia motema na ye kaka. Nani asalaki makasi kosala yango na poso eleki? Nani ekolakisa biso, Nzambe asalisaki ye na kokanga motema na pasi nini ?

IV. Koteya oyo –

Ebandeli ya Leson:

Na SUKA YA LESON ya eleki, Moïse azalaki kosambela Nzambe. Kasi losambo na ye ezalaki té kotonda Nzambe to kokumisa Ye, kasi koyima-yima. Moïse azalaki koyima-yima po Bana na Israël bazalaki komona pasi koleka, pe bazalaki kumona lokola ye moto atie bango na pasi yango. Esengeli osala nini? Lel’oyo tokomona eyano oyo Apesaki bango na Moïse. Kobima mokapo 6, verse ya liboso.

Developpement--Makambo minene ya Leson oyo na biteni 4:

6.1 Nzambe azongaki kokanisa Moïse nani oyo azali, pe ndenge nini Ayebanaki ná bambuta-muntu na bango. Kobima 6:1-5

Tangela bana:

Yawe azongiseli Moize, alobi "Sik'oyo okomona likambo nini nakosala mokonzi monene ya Egypte na nguya na ngai. Akotika baton a ngai bákende; kuku akobengana bango na mboka na ye.

2 Nzambe alobi lisusu na Moïse: "Ngai nazali Yawe.

3 Nabimelaki Abraham Isaac pe Jakob; nalakisaki bango 'tè nazali Nzambe ya nguya, kasi nayebisaki bango té 'tè kombo na ngai ezali 'Yawè'.

4 Nasalaki Boyokani ná bango, nalakaki nápesa bango mabelé ya Canaan esika bazalaki kofanda lokola bapaya.

5 Sik'oyo nayoki kolela ya ba-Israelité ndenge bazali konyokwama na boumbu ya ba-Egyptien, pe nakómi kokanisa Boyokani na ngai ná bango.

Tuna bana:

- ‡ Nani alakaki kobimisa Bana na Israël na bowumbu? (Yawe Nzambe)
- ‡ Nzambe abimelaki liboso nani? (Bambuta-muntu na biso Abraham, Isaac ná Jacob)
- ‡ Nzambe alakaki bambuta-muntu na bango 'te akopesa bango nini ? (Mabele ya Canaan)

Bana basala:

Bana nyonso batia maboko na mopanzi ya matoyi lokola bazali koyoka ndenge Nzambe ezali koloba.

Bana bayemba pe babina:

Nzambe asalaki bakanisa mibeko oyo apesà kala !

Alakaki kopesa bango
Mokili ya Canaan !

6.2 Nzambe ayebisaki Moïse asala na ndenge Bana na Israël bakanisa makambo nyonso. Moïse asalaki yango, kasi bayokaki té. Kobima 6:6-9

Tangela bana:

6 Yango wana loba na bango boye: "Ngai nazali Yawe! Nakolongola bino na mosala ya makasi pe na boumbu ya ba-Egyptien. Nakolakisa bango nguya na ngai pe nakopesa bango etunbu makasi, boye nakozongisela bino bonsomi.

7 Nakokamata bino lokola ekolo na ngai penza, pe ngai nakozala Nzimbe na bino. Bongo bino bokondima 'tè ngai nazali Yawe, Nzambe na bino, tango nakolongola bino na misala ya boumbu ya Egypte.

8 Nakokotisa bino na mboka oyo nakataki seleka 'tè nnkopesa yango na Abraham, na Izaak pe na Jakob. Ngai Yawe nakopesa bino yango libela.' "

9 Moïse ayebisi ba-Israelite makambo yango, kasi bango baboyi koyokela ye, pamba té basilaki molende likolo ya bapasi ya bournbu.

Tuna bana:

- Nzambe alakaki kosala po na ba-Israelite? (Alakaki kolongola bango na bowumbu na Egypte.)
- Sima kobima na Egypte, Nzambe azali kolaka komema bango wapi ? (Na mokili oyo Alakaki na bambuta-muntu na bango.)

- Pona nini Bana na Israël bayokelaki té Moïse pe Aaron? (Po pasi ya bowumbu elekelaki bango.)

Bana basala:

Mwana moko aloba lokola Nzambe:

Nakolongola bino na bowumbu.

Na komema bino na mokili oyo

Nalakaki na bambuta-muntu na bino.

Bana mosusu basala lokola Bana na Israël. Bapesa Nzambe mukongo, balela kaka po na bapasi na bango.

Bana bayemba pe babina:

Kozala na kobanga té, bana na Nzambe,

Nzambe akosalisa bino.

Kanisa bilaka na Ye

Pe kanga kaka motema !

6.3 Nzambe Atindako Moïse pe Aaron na Pharaon lisusu, na elaka ete akosala bikamwiseli mingi, bongo na suka Pharaon akobimisa bango. Kobima 6:10-13 ; 7:1-5

Tangela bana:

10 Bongo Yawe alobi na Moïse:

11 "Kende koyebisa mokonzi monene ya Egypte 'tè átika ba-Israelite bálóngwa na mboka na yé."

12 Kasi Moïse azongiseli Yawe: "Ba-Israelite bayokeli ngai té. Ndenge nini mokonzi monene akoyokela ngai moto nalobaka malamú té?"

13 Mokolo wana Yawe akataki 'tè akosala nyonso po ba-Israelite bákoka kobima na Egypte, bongo atindi Moïse ná Aaron epai na bango pe epai ya mokonzi monene ya Egypte.

Chap 7:2

Yo okoyebisa Aaron makambo nyonso oyo ngai nakotinda yo pe ye akoloba Yango na mokonzi monene po átika ba-liraàlite bálóngwa na mboka na ye.

3 Kasi ngai nakokómisa mokonzi monene ya Egypte motu makasi. Atako nakosala makámwisi ndenge na ndenge na Egypte.

4 Ye akoyokela bino té. Na nguya na ngai nakopesa Egypte bitumbu va makasi. pe nakobimisa ekolo na ngai ya Israel, libota na libota na molongo na yango.

5 Boye ba-Egyptien bakoyeba 'tè ngai nazali Yawe, tango nakolakisa nguya na ngai pe nakobimisa ba-Israelite na mboka na bango."

Tuna bana:

- Moïse esengeli aloba lisusu na nani? (Na ba-Israelite, pe na Mokonzi ya Egypte)
- Esengeli aloba ete nani apesi bango ndingisa ya Kobima? (Yawe Nzambe)
- Boni, Pharaon (Mokonzi) akopesa bango ndingisa na lombangu penza? (Bongo té. Nzambe akokomisa ye liboso mutu makasi.)
- Nzambe akosala nini ná Egypte? (Bikamwa to bilembo po na kolakisa nguya na Nzambe)
- Na suka, Pharaon (Mokonzi) akoyeba nini? (Ete Nzambe Azali Yawe Nzambe. Pe akoyeba ete Nzambe Azali solo.)

Bana basala:

Bana batia maboko likolo ya makutu, baloba ete: "Mokonzi akoyokela Nzambe té."

Bana bayemba pe babina:

Na suka Mokonzi ya Egypte Akoyeba monene na Nzambe.

6.4 Nzambe ayebisaki Moïse pe Aaron elembo ya liboso esengelaki basala. Kobima 7:6-9

6 Moïse ná Aaron basalaki makambo nyonso ndenge Yawe atindaki bango.

8 Yawe Ayebisi Moïse ná Aaron boye:

9 "Soki inokonzi monene ya Egypte álobi na bino bólakisa 'tè Nzambe moto atindi bino, yo Moïse okoloba na Aaron: 'Bwaka nzete na Yo na mabelé, na miso ya mokonzi monene ya Egypte, po ébongwana nyoka."

Tuna bana:

- Elembo ya liboso Nzame ayebisaki bango kosala ezalaki nini? (Kobwaka nzete po etambola na mabelé, Nzambe akomisaki yango nioka.)

Bana basala:

Bana basala bageste lokola bazali kosimba nzete ya kotambola, basala geste lokola bazali kobwaka yango na mabele, basala bageste lokola bazali kobanga po yango po ekomi nioka.

Bana bayemba pe babina:

Moïse pe Aaron basalaki kaka Lokola Nzambe ayebisi bango.

Kosilisa Leson:

Moïse pe Aaron bazlaki na bobangi mingi, kasi Nzambe asungaki bango kokanisa ndenge amonanaki na bambuta-muntu na bango. Babandaki kokanisa lisusu mingi té nguya na Nzambe po bazalaki muke. Babandaki kokanisa pe kokanisa nguya na Nzambe. Tango yango, bamonaki ndenge ya kosala

makambo oyo Nzambe ayebisaki bango kosala.

Devoir pona ba kristu:

Yo, mukristu. Nini Nzambe asala pona yo? Kanisa ndenge Ye abikisaki yo. Kanisa tango nyonso oyo ayoki losambo na yo. Totanga sik'oyo makambo nyonso ya malamumu ya Nzambe Apesà biso. *[Moniteur, pesa bana nzela koloba makambo ya malamumu Nzambe Asalà bango.]*

Devoir nazali kopesa bino poso oyo ezali kosala makasi mikolo nyonso kokanisa makambo ya malamumu oyo Nzambe Asalèla yo. Sima, yebisa ye ete otie motema na yo na Ye, pe na bapasi nyonso oyo okomona lel'oyo.

Kobenga bana oyo bayebi Yesu nanu té:

Soki oyambà Yesu Kristu nanu té, eloko moko ya malamumu ezali kozela oyo Nzambe alingi kopesa yo, okosila kaka na kozwa yango. Eloko ya malamumu ezali lobiko. Nzambe alingi kobikisa yo na masumu na yo nyonso. Pe alingi kokomisa yo pe mwana na Ye.

Bible ezali koloba ete tango Yesu azalaki kobika na mokili oyo, « *Ayaki na mboka na ye moko, kasi bato na ye bayambaki ye té. 12 Ndakokande bato mosusu bayambaki ye, pe bandimeli ye; apesi bango bokonzi bákóma bana ya Nzambe.* » (Jean 1:11-12)

Boni, oyambà Yesu ? Boni, oyebi yango malamumu-malamumu, kozanga komituna-tuna?

Poso nyonso, sima ya ecodim, bakiti oyo ezali awa *[Moniteur, lakisa wapi]* po na mwana nyonso oyo ayambà Yesu nanu té, kasi alingi koyamba Ye lel'oyo. Soki olingi koyamba Ye, yaka, kofanda awa na suka ya classe.

Bayambaka Yesu té mikolo nyonso, ezala dimanche to mokolo mosusu. Bayambaka Ye kaka mbala moko. Matondo na bino nyonso oyo boyambà Ye lokola Mobikisi na bino.

Activité ya kosala soki tango ezali:

Koma ba ligne 7 na tableau, na papier, to na mabele ná nzete.

— — — — —

Likolo ya ba ligne yai, tolingi kokoma maloba moko etaleli Leson na biso lel'oyo. Tobandi na mwana moko, alobi lettre moko. Soki

lettre yango ezali kati ya maloba yango, yo moniteur koma yango na esika ya malamumu. Soki té, ningisa kaka mutu 'te' pe bana nyonso baloba ZONK! Bana bameka koloba maloba nini ezali.

[Moniteur, Maloba yango ezali :

(K A N I S A)

===SUKA YA LESON 6

LESON 7. TOSAMBELA NZAMBE YA SOLO.

Nzambe Atindaki bapasi minei na Egypte.

Kobima 7:14--8:1-32

**I. Preparation ya moniteur pona Leson oyo -
– (bongisa yango na ndako liboso ya koya kosala yango na classe)**

Moniteur, bongisa Tina to mutuya ya Leson:

Na SUKA YA LESON oyo, bana bakososola ete Yawe Nzambe na biso azali Yawe Nzambe oyo ya solo, koleka banzambe nyonso mosusu ya mike pe bato ya bisalela na nguya.

Moniteur, bongisa verse ya koyekola :

Yawe Nzambe amonisaki bino yango po bóyeba 'te ezali bobele ye moto Azali Nzambe, mosusu azali té. Kozongela 4:35.

Moniteur, bongisa banzembo oyo ezali kokende nzela moko na Leson oyo:

Banzambe mosusu
kumisa Nzambe
Luc 4:8

II. Koteya Mikanda ya Bible --

Yemba nzembo “Mikanda ya Moïse ». Tuna bana, bayanola na lisanga :

- Mokanda nini ezali koya sima ya Ebandeli ? (Kobima)
- Mokanda nini ezali koya liboso ya Kobima ? (Ebandeli)
- Nmokanda ya mibale ya Bible ezali nini ? (Kobima)

III. Kosala Revision –

Revision ya Leson eleki :

Tokanisa ete Nzambe Atindako Moïse pe Aaron na Pharaon, Mokonzi monene na Egypte. Libota na bango Israël ekomi bawumbu na mokili na bango, pe Nzambe atindi Moïse pe Aaron koyebisa Pharaon abimisa bango. Kanisa ete Nzambe ayebisaki bango liboso nini ekosalema.

Boni, Pharaon akondima na lombangu ete bakende? Bongo té. Na ebandeli, nini esalemaki? Ee, Pharaon apesaki bango misala ya makasi koleka, mosala ya pasi oyo bakokaki té kosala. Tango bakokaki té kosala yango, bakapita babetaki bango. Decouragement vandaka mingi.

Kasi Nzambe ayebisaki bango ete atako Pharaon akondima té na ebandeli, Na suka esengeli abimisa bango. Nzambe alingaki kotalisa nguya ná monene na Ye po bato nyonso ya Egypte bayeba ete kaka Ye ndé aza' Nzambe.

Kolanda devoir ya Leson eleki:

Na poso eleki, toyebisaki bino kokanisa po na makambo ya malamumu oyo Nzambe asaleli yo, pe koyebisa Ye ete otieli Ye motema na makambo ya pasi. Nani amekaki kosala yango? Bomonaki makambo nini ya malamumu Asaleli yo? Bokotiela Ye motema na makambo ya pasi nini?

IV. Koteya oyo –

Ebandeli ya Leson:

Moïse pe Aaron bakendeki na Pharaon, Aaron abwakaki nzete na ye na mabele, pe Nzambe

akomisaki yango nioka. Kasi Pharaon ndimaka té ete bakende. Sik'oyo, Nzambe atindi bango na Pharaon lisusu.

Developpement--Makambo minene ya Leson oyo na biteni 5:

7.1 Pasi ya Liboso—Mayi ya Ebale Nile, Nzambe akomisaki yango makila.

Kobima 7:14-24

Tangela bana:

15 Kende epai na ye lobi na tongo-tongo, tango ...

16 Loba na mokonzi monene boye: Yawe, Nzambe... atindi ngai náloba na yo: 'Tika bato na ngai bákende kokumisa ngai ...

17 Yango wana Yawe alobi boye: "Sik'oyo okoyeba soki ngai nazali nani." Nakobeta nzete oyo na ebale, pe mai na yango ekobongwana makila.

18 Bambisi ékokufa pe ebale mobimba ekokóma solo, bongo ba-Egyptien bambuta-muntuka komela lisusu mai na yango té."

20 Moïse ná Aaron basali ndenge Yawe atindaki bango ...

21 Bambisi ekufi pe ebale mobimba ekómi solo;... bongo ba-Egyptien bakokaki komela lisusu mai na yango té...

22 Kasi banganga ya Egypte basalaki ndenge moko na bikila-kila na bango. Bongo mokonzi monene azalaki kaka mótu makasi, aboyaki koyokela Moïse ná Aaron, bobele ndenge Yawe alobaki.

23 Mokonzi monene azongi epai na ye, atalaki makambo wana nyonso kaka pamba.

24 Ba-Egyptien nyonso batimolaki mabulu pembeni ya ebale po na kozwa mai ya komela, pamba té bakokaki komela mai ya ebale té.

25 Mikolo sambo elekaki banda Yawe abebisaki ebale.

26 Sima Yawe alobi na Moïse: "Kende koloba na mokonzi monene ya Egypte 'tè ngai Yawe nalobi boye: 'Tika bato na ngai biikende kokumisa ngai.

27 Soki oboyi, nakotondisa magorodo na mboka na yo mobimba.

Tuna bana:

- Elembo ya liboso nini oyo elakisaki nguya na Nzambe? (Aaron abetaki nzete na ye na ebale ya Nil, bongo ekomaki makila.)
- Pona nini Pharaon andimelaki Nzambe té? (Po banganga ya mayele ya Egypte, bango pe basalaki ndenge moko.)

Bana basala:

Bana nyonso basala bageste lokola bazali kozwa nzete bazali kobeta na mayi. Sima, basala lokola bazali kokamwa po ekomi makila. Yo moniteur loba ete: 'Sima ya tango muke...'

Bongo bana nyonso basala bageste lokola bazali koyoka eloko moko ya solo.

Bana bayemba pe babina:

Aaron abetaki ebale ya Nile Nzambe abongolaki yango makila. Wala! Nzambe akomisi yango makila.

Tangela kaka bana oyo bakoli :

Ba-Egyptien basambelaki banzambe mingi. Bapasi oyo ekweyelaki bango, ekweyelaki pe banzambe na bango moko-moko. Pasi oyo ya liboso ekweyelaki Nzambe na bango 'Hapi', Nzambe ya Nil. Yawe Nzambe ayebisaki bango polele ete Azalaki na nguya likolo na 'Hapi.'

7.2 Pasi ya mibale--Magorodo etondisaki Mokili ya Egypte. Kobima 7:25—8:11

Tangela bana:

25 Mikolo sambo elekaki banda Yawe abebisaki ebale.

26 Sima Yawe alobi na Moïse: "Kende koloba na mokonzi monene ya Egypte 'tè ngai Yawe nalobi boye: 'Tika bato na ngai biikende kokumisa ngai.

27 Soki oboyi, nakotondisa magorodo na mboka na yo mobimba.

28 Ekowuta na ebale Nil, ekoya kokota na ndako na yo, pe na chambre na yo tii na likolo ya mbeto na yo; ekokota na bandako ya bakonzi oyo balandi yo pe na bandako ya bato na yo nyonso, tii na bisika basalelaka mapa, ná basani ya farine.

29 Ekomatela yo ná bakonzi oyo balandi yo, pe bato na yo nyonso.'

Chapitre 8

1 Bongo Yawe alobi lisusu na Moïse: "Tinda Aaron átanda liboko pe atalisa nzete na ye bipai ya bamai ya mike-mike, to oyo elekaka na baterasé to ya maziba, po magorodo étonda na Egypte."

2 Aaron atandi liboko na ye bipai ya bamai ya Egypte. Magorodo ebimi pe etondi na mboka mobimba.

3 Kasi banganga ya Fjipte pe basalaki ndenge moko na bikila-kila na bango; babimisi magorodo na Egypte mobimba.

4 Mokonzi monene ya Egypte abengisi Moïse ná Aaron pe alobi na bango: "Bóbondela Yawe po álongola magorodo oyo epai na ngai pe epai ya bato na ngai pe epai ya bato na ngai. Bongo nakotika ba-Israelite bákende kopesa Yawe mabonza." . . .

6 Mokonzi monene alobi: "Sala yango lobi." Moïse azongisi: "Malamu. Nakosala ndenge yo osengi po oyeba 'tè moto mko té akokani ná Yawe, Nzambe na biso: . . .

8 Bongo Moïse ná Aaron batiki mokonzi monene ya Egypte pe bakei. Moïse abondeli Yawe po na magorodo oyo atindelaki mokonzi monene.

9 Yawe asali ndenge Moïse asengaki: magorodo esili nyonso kokufa, na bandako, na libanda pe na bilanga.

10 Balokoti maboke-maboke, pe mboka ekómi solo.

11 Kasi tango mokonzi monene ya Egypte amoni 'tè bapemi mwa-moke, akomi lisusu motu makasi, aboyi koyokela Moïse ná Aaron, bobele ndenge Yawe alobaki.

Tuna bana:

- Elembo nini ya mibale Nzambe Atindako na Egypte? (Atindaki magorodo ebele, etondaki mokili mobimba.)
- Boni, banganga ya Egypte, bango pe basalaki ndenge moko? (Ee, basalaki.)
- Ndenge nini magorodo ekendeki? (Na losambo ya Moïse)
- Pona nini okanisi ete mbala mibale oyo, Pharaon asengaki kaka Moïse asambela Nzambe ete makambo oyo ya pasi ekosila? (Nzambe azalaki na nguya ya kotinda yango pe kokanga yango. Esengeli ezala ete Pharaon asosolaki ete, ata banganga bazalaki na ndenge kotinda yango, balongaki té kokanga yango.)

Bana basala:

Bana nyonso basala bageste lokola magorodo ezali kotambola likolo na bango pe na bisika nyonso, bazali komeka kolongola bango.

Bana bayemba pe babina:

Nzambe Atindako magorodo

Na bisika yo-onso !

Moïse na losambo na Nzambe
bamekaki Kobimisaka yango !

Tangela kaka bana oyo bakoli :

Na pasi oyo ya magorodo, Yawe Nzambe alakisaki nguya na Ye likolo ya Nzambe na bango 'Heket'. Ekeko yango ezalaki na mutu ya ligorodo pe mutu ya mwasi. Ba-Egyptien basambelaki ye na makambo ya kobota. Bamonaki polele ete nguya na Yawe Nzambe eleki yango oyo ya ye !

7.3 Pasi ya misato—Putulu ya mabele ekomaki bangungi, etondaki na Egypte, pe nguya na Nzambe elongaki oyo ya ba masicien. Kobima 8:12-15

12 Yawe alobi na Moïse: "Tinda Aaron âtombola nzete na ye pe âbeta yango na mabelè. Pousiere nyonso ekobongwana bangungi na Egypte mobimba."

13 Basali pe bongo. Aaron atomboli nzete na ye, abeti yango na pusiere ya mabelè; pe yango ebongwani bangungi, etondi na ndakoto ya bato pe ya banyamà. Na Egypte mobimba, pusiere nyonso ya mabelè ebongwanaki bangungi.

14 Banganga ya Egypte basali bikilakila na bango po na kobimisa bangungi, kasi bakokaki té. Bangungi etondaki kaka na ndakoto ya bato pe ya banyama.

15 Bongo banganga balobi na mokonzi monene ya Egypte: "Nguya ya Nzambe moto ezali kosala boye." Kasi 'mokonzi monene azalaki kaka motu makasi, aboyaki koyokela Moïse nd Aaron, bobele ndenge Yawe alobaki.

Tuna bana:

- Pasi ya 3 nini Nzambe Atindaki na Egypte? (Putulu ya mabele ekomaki bangungi.)
- Boni, banganga ya Egypte bakokaki kosala lolenge wana? (Bongo té. Awa bakonaki na suka ya makasi na bango. Nzambe Alongaki. Bato nyonso bamonaki ete Ye Aleki banzambe ya Egypte na nguya.)

Bana basala:

Bana nyonso basala bageste lokola bangungi mingi ezali koswa bango.

Bana bayemba pe babina:

Nzambe Atindaki bangungi, pe
Banganga ya Egypte bakweyaki !

Tangela kaka bana oyo bakoli:

Na pasi oyo, Yawe Nzambe Alongaki likolo ya nzambe oyo babengaki 'Geb'. Nguya na Nzambe elongaki ye, ná banganga ya Egypte bakweyaki. Bamonaki nguya na bango mokuse, kasi loboko na Nzambe, molai.

7.4 Banzinzi etondaki na Egypte, kasi ekotaki té na bisika oyo ba-Israelite bazalaki kobika. Kobima 8:16-27

16 Yawe Nzambe alobi na Moïse: « Lobi, lamuka na tongo penza, kende epai Mokonzi monene ya Egypte tango akendeke na ebale. Loba na ye 'tè 'ngai Yawe Nzambe nalobi na ye boye: 'Tika bato na ngai, bakende kokumisa ngai.

17 Soki aboyi kotika bango, nakobimisa banzinzi oyo ememelaka bato pasi. . .

18 Kasi mokolo yango, nakolongola bobele mboka Goshen, esika bato na ngai bazali. Kuna ata nzinzi moko té ekozala. . . .

20 Yawe asali pe bongo. Banzinzi etondi ebele na ndako ya mokonzi ya Egypte pe ya kakonzi oyo balandi ye pe na Egypte mobimba. Mboka etondi penza na nzinzi.

21 Mokonzi monene ya Egypte abengisi Moïse ná Aaron pe alobi na bango : « Bókende kopesa Nzambe na bino mabonza, kasi bósala yango bobele awa Egypte. »

22 Moïse azongisi : « Té. Totika kosala boye té ndenge biso tobomelaka Yawe Nzambe na biso banyama, ezali likambo ya somo po na ba-Egyptien. Soki tosali likambo ya somo bpye na miso na bango, bakoboma biso na mabanga. . . .

26 Moïse atiki mokondako monene ya Egypte pe akei kobondela Yawe.

27 Yawe asali kaka ndenge Moïse asegaki, banzinzi esili epai ya mkonzi monene, epai ya bakonzi oyo balandi ye pe epai ya bato na ye nyonso ; ata nzinzi moko té etikalaki. 28 kasi mbala oyo pe mokonzi monene ya Egypte asali bobele motu makasi pe aboyi ba-Israélite bákende.

Tuna bana :

- Mbala ya 4 Nzambe Atindako pasi nini na Egypte ? (Banzinzi na bisika nyonso.)
- Boni, Atindaki yango pe na esika oyo bato na Ye bazalaki kobika? (Bongo té. Bandako na bango emonaki yango té.)

Bana basala:

Tia bana na biteni mibale. Eteni ya liboso basala geste lokola ba-Egyptien, batondi na banzinzi.

Eteni mosusu basala bageste lokola ba-

Israelite, bazali malamumu kozanga ata nzinzi moko.

Bana bayemba pe babina:

Mbala minei Nzambe atalisi Nguya na Ye.

Nzambe Atindako banzinzi, kasi na bato na Ye té.

Tangela kaka bana oyo bakoli:

Na pasi oyo, Nzambe alongaki nzambe oyo babengaka 'Khephri.' Khephri azalaki na mutu ya ngungi, pe bakanisaki 'tè azalaki kotindika moyi na likolo. Nzambe alongaki makasi na ye.

7.5 Kasi ata na ba pasi oyo nyonso, Pharaon andimaka té ete bakende. Kobima 8:28

Tangela bana:

28 Kasi ata mbala oyo pe Mokonzi monene ya Egypte azali bobele mutu-mabanga pe, aboyi ba-Israélite bakende.

Tuna bana:

- Nzambe atalisaki bokasi na ye mbala minei. Pona nini Pharaon andimaki té kobimisa ba-Israélite? (Akómaki mutu-mabanga.)

Bana basala:

Bana nyonso basimba mutu, baloba na lisanga ete, "Pharaon akómai mutu-mabanga.")

Bana bayemba pe babina:

Atako Nzambe atalisaki Bonene na Ye

Pharaon andimaki té,
ye mutu-mabanga.

Kosilisa Leson :

Nzambe ayebisi Pharaon mbala 4 'tè kaka Ye moko azali Nzambe. Ata banganga ya Egypte basalaki ndambu ya mayele na bango na ebandeli, bakokaki té kosala nyonso oyo Nzambe akokaki kosala. Solo Nzambe mosusu azali té, kaka Yawe Nzambe oyo biso tosambelaka.

Devoir pona ba kristu:

Bino bakristu, boni, boyebi moto oyo asambelaka banzambe mosusu? Devoir nazali kopesa bino poso oyo, yang'oyo: botia bango na losambo, bongo koluka tango koyebisa bango ete, "Yawe Nzambe Aleki monene !"

Kobenga bana oyo bayebi Yesu nanu té:

Kasi soki ondimeli Yesu nanu té, ozali nanu té na kati ya bato na Nzambe. Bible ezali koloba 'tè "Nzambe ayebi bato na Ye" (2 Timoté 2:19).

Soki Soki Nzambe atangaka bakombo ya bato na Ye na classe oyo lelo, boni, Akotanga pe kombo na yo ?

Soki oyebi 'tè, okoki kotikala na bakiti oyo awa [*moniteur, lakisa wapi*] sima ya ecodim lel'oyo. Tokosalisa yo na kondimela Yesu Kristu po obika, pe okokoma mwana na Nzambe.

=== SUKA YA LESON 7

LESON 8. TOYOKELA MALOBA NA NZAMBE.

Nzambe Atindako ba pasi mosusu na Egypte.

Kobima 9 & 10

I. Preparation ya moniteur pona Leson oyo -
– (bongisa yango na ndako liboso ya koya kosala yango na classe)

Moniteur, bongisa Tina to mutuya ya Leson:

Na SUKA YA LESON oyo, bana bakososola ete tango toyoki Maloba na Nzambe, tosala mutu-mabanga té, kasi toyokela yango. Yango wana, tokolongwa na ba pasi ebele elingi kokweela biso.

Moniteur, bongisa verse ya koyekola:

Ba-Ebré 3:15

15 Ekómamá boye: "Lelo, soki boyoki maloba ya Nzambe, bozala mitú makasi té ndenge bambuta-muntu na bino basalaka mokolo batombokaki."

Moniteur, bongisa banzembo oyo ezali kokende nzela moko na Leson oyo:

Yoka Bible

Meka ngai

Yesu aza 'Mokonzi

II. Koteya Mikanda ya Bible –

Bana bayemba 'Mikanda ya Moïse'.

Moniteur: Mokanda ya liboso ya Bible?
Bana: Ebandeli.

Moniteur: Mokanda ya mibale ya Bible?
Bana: Kobima.

Moniteur: Mikanda yai mibale ezali na Boyokani ya Kala, to na Boyokani ya Sika?
Bana: Na Boyokani ya Kala.

III. Kosala Revision –

† **Revision ya Leson eleki:**

Na poso eleki, tomonaki ba pasi minei Nzambe Atindako na Egypte. Nani akoki kanisa moko na kati na yango? (Mayi ekomaki makila, magorodo, bangungi, pe banzinzi.)

† Na kati ya ba pasi oyo mibale, pasi nini ozali komona koleka? [*Moniteur, tika bana baloba makanisi na bango kaka tango muke.*]

Kolanda devoir ya Leson eleki:

Na poso eleki, biso pesaka bino bakristu devoir kutula na losambo bandeko ya ke sambaka banzambe mosusu. Nani asalaki yango?

Boni, Apesaki bango bino okasio koyebisa bato yango nde Nzambe eleki makasi? Nani ekolakisa biso ndenge esalemaki?

IV. Koteya bana Leson oyo –

Ebandeli ya Leson:

Ba pasi ya Egypte esili té. Ezali kaka kobanda. Ndenge nini toyebi ete esili nanu té? (Ee, po Pharaon asali mutu-mabanga; apesi bango nzela ya kokende nanu té.)

Developpement--Makambo minene ya Leson oyo na biteni 5:

8.1 Pasi ya 5—Banyama ekufaki na maladi, kasi Pharaon asali kaka mutu-mabanga.

Kobima 9:1-7

Tangela bana sommaire oyo ya baverse 1-5:

Yawe Nzambe ayebisaki Pharaon mokolo moko lisusu kobimisa bato na Ye Israël, kasi Pharaon aboyaki lisusu.

Tangela bana :

6 Na mokolo elandi, Yawe Nzambe asalaki ndenge Alobiki; banyamai nyonso ya ba-Egyptien ekufaki, kasi ata nyama moko ya ba-Israelite ekufaki té.

Kasi Pharaon, kaka mutu-mabanga ; apesaki bango bango nzela ya Kobima té.

Tuna bana:

- Tango banyama ya ba-Egyptien ekufaki na maladi, nini esalemaki na banyamai ya ba-Israelite ? (Eloko té—ata moko ekufaki té.)

Bana basala:

Kabisa bana na biteni mibale. Ndambu ya bana basala bageste lokola bazali ba-Egyptien bazali komona 'tè banyama na bango na bango ekufi.

Ndambu mosusu basala bageste lokola bazali Bana na Israël. Bazo'tala banyama na bango ; bamona ete bango nyonso bazali kaka malamumu.

Bana bayemba pe babina:

Banyama ya Egypte ekufaki na maladi
Kasi banyama ya Israël etikali malamumu !

NB Kotangela bana oyo bakoli to bajeune:

Na kati ya banzambe mingi oyo ba-Egyptien basambelaki ezalaki Ator, Nzambe ya mwasi ya bolingo. Bandimaki 'tè azalaki kobatela

bango. Mbala ebele amonanaki na mutu ya nyama. Sik'oyo, Nzambe atalisaki nguya na Ye likolo ya Ator.

8.2 Pasi ya 6—Bato ná banyama babelaki ba bibon. Kobima 9:8-12

Tangela bana:

Sommaire ya verse 8-9:

Pharaon aboyaki kotosa na Nzambe, yango wana Nzambe ayebisaki Moïse pe Aaron nini kosala lisusu:

10 . . . bazwaki putulu ya moto. . . Moïse abwaki yango likolo, bongo ekomaki babibon oyo ebimisaki bapota na bato nyonso pe na banyama nyonso.

11 Banganga ya Egypte bamoni té ndenge ya kokoma liboso ya Moïse, po bango pe, babelaki babibon . . .

Sommaire ya verse 12 :

Kasi Pharaon azalaki kaka mutu-mabanga; atosaki Yawe Nzambe té.

Tuna bana:

- Na pasi ya mutoba, Nzambe abongolaki putulu ya moto na mupepe, ebimisaki nini na bato pe na banyama? (Babibon oyo esalaka pasi)
- Ndenge nini etalisaki ete nguya na Nzambe elaki nguya ya banganga ya Egypte ? (Bango pe babelaki babibon, bazalaki lisusu té na ndenge ya kotelema liboso ya Pharaon.)

Bana basala:

Bana nyonso basala bageste lokola bazali komona pasi ya babibon oyo ezali kobimbima.

Bana bayemba pe babina :

Babibon ebimaki,
Pe banganga batelemaki lisusu té.

NB Tangela bana oyo bakoli to ba jeune :

Na kati ya banzambe mingi ya bato oyo Egypte basambelaki ezalaki ná moko monene na kombo ya Isis. Bamonaki ye lokola Nzambe ya bakisi, kasi ata kisi moko esalisaki té babibon oyo Nzambe Atindaki. Yango wana, Nzambe alongaki, pe Isis alongaki té.

8.3 Pasi ya 7—Mbula ya mabanga enokaki na bakake.

Kobima 9:13-35

Tangela bana :

Sommaire, verse 13: Nzambe ayebisaki Pharaon lisusu mbala ya 7 na kotosa Ye. Soki té:

14 . . . na kotinda bapasi ndenge na ndenge epai na yo, epai ya bakonzi oyo balandi, pe epai ya bato na yo nyonso, po eyeba 'tè awa na mokili moto té akokani ná ngai. . . .

16 . . . nákolakisa yo nguya na ngai, boyé bato ya mokili mobimba báyeba lokumu na ngai. . .

18 Lobi na ngonga oyo kaka (tongo), nakonokisa mbula moko ya makasi ya mabanga, . . .

19 Boye tinda bábomba na ndako banyama pe biloko na yo nyonso oyo ezali na libanda. Bato nyonso pe banyama nyonso oyo bakozonga na ndako . . .

20 Bakonzi mosusu oyo balandi mokonzi monene ya Egypte babangaki maloba na Yawe. . . .

21 Kasi bamosusu . . . batikaki basali na bango pe banyama na bango na libanda.

Kasi Pharaon batosaki kaka té, yango wana esalemaki kaka ndenge Nzambe alobaki.

. . . 25 Mbula ya mabanga ebomaki biloko nyonso yango vandaka na nganda, ti bato ti banyama. . . . ebebisaki bilanga nyonso pe ebukaki banzete nyonso.

26 Bobele na mboka Goshen esika ba-Israelite bazalaki nde mbula ya mabanga enokaki té.

27 Mokonzi monene ya Egypte abengisi Moïse ná Aaron pe alobi na bango: “Na mbala oyo, ngai namemi ngambo, Yawe azali kosala na bosembo, ngai ná bato na ngai tosali mabe.

28 Bóbondela Yawe po bakake ná mbula ya mabanga esila. Nakotika bino Bókende. . .” . .

33 Moïse alongwe epai ya mokonzi monene ya Egypte pe abimi na ville. Atomboli maboko epai ya Yawe pe abondeli. Bakake ná mbula ya mabanga etiki kobeta, pe mbula esili.

34 Tango Mokonzi ya Egypte monaka nde mbula ya mabanga me zengana . . . ye salaka lisusu mabe ndenge moko. . .

35 . . . azongeli lisusu na ye . . . baboyi kaka kotosa.

Tuna bana:

- Tango Nzambe alingaki kotinda mbula ya mabanga, ndenge nini Asalisaki bato oyo bandimaki kotosa Ye? (Ayebisaki bango

kotiya banyama na bango na kati ya ndako, po ekufa té.)

- Boni, sima, Pharaon atosaki na Nzambe? (Bongo té. Apesaki ba-Israelite nzela ya kokende té.)

Bana basala :

Kabola bana na biteni mibale. Eteni ya liboso bayoka Nzambe, Batiya banyama na kati ya ndako.

Eteni ya mibale baloba 'té bakoyokela Nzambe té. Batika banyama libanda.

Sima, mbula ya mabanga ebandi konoka. Bana oyo bayokeli Nzambe té, bakolela kufa ya banyama na bango.

Baoyo bayokeli Nzambe pe batiee banyama na ndako, bazali koyoka mbula ya mabanga libanda, kasi balala pongi malamu ná banyama na bango.

Bana bayemba pe babina:

Banyama nyonso bakufaka

Oyo etikalaki libanda.

Banyama nyonso bakufaki,

Po bato bayokelaki tè Nzambe.

NB: Kotangela bana oyo bakoli to ba jeune :

Na kati na ebele na banzambe oyo ba-Egyptien bazaki kosambela ezalaki Nuti. Bakanisaki 'tè Nuti okonzaki likolo oyo tozali komona likolo na biso. Kasi Nuti azalaki na nguya té kokanga kake pé mbula ya mabanga. Kaka Yawe Nzambe nalongaki kosala yango.

8.4 Pasi ya 8—Bapasi etondaki na Egypte. Kobima 10:1-20

Tangela bana :

Bongo Nzambe Atindako Moïse ná Aaron na Pharaon mbala ya 8.

3 Moïse ná Aaron ...balobi na ye: "Yawe Nzambe... alobi boye: 'Okosalela ngai lolendo boye tii to tango nini? Tika bana na ngai bákende kokumisa ngai."

4 Soki oboyi, lobi nakotinda mankonko na moboka na mboka na mboka na yo.

5 Ekotonda na mabele té ; ekolia bilanga oyo ekufaki té ya elanga.

7 Bakonzi oyo balandi mokonzi monene ya Egypte balobi na ye: "Moto oyo akomonisa biso pasi boye tii tango nini? Tika ba-Israelite bakende kokumisa Yawe Nzambe na bango ! Ozali komona té 'tè Egypte ezali kokufa?"

Sommaire, vs 8-11: Bongo Pharaon abandaki koluka ndenge ba-Israelite bakokende, kasi kaka ndenge alobika. Nanu alobaki kaka mibali bakende. Moïse aboyaki. Esengeli babima ndenge Nzambe alobaki.

12 Bongo Yawe alobi na Moïse: "Tanda loboko na yo likolo ya Egypte pona kobimisa mankonko..."

13 Moïse atandi nzete na ye likolo ya Egypte...

14 Epanzanaki Egypte mobimba. . .

15 Ezipi mabelé nyonso pe eyindisi yango. Elei matiti nyonso pe bambuma nyonso oyo ekufaki té na mbula ya mabanga. . .

16 Mokonzi monene ya Egypte abengisi Moïse ná Aaron noki pe alobi : "Namemi ngambo epai ya Yawe Nzambe na bino, pe epai na bino.

17 Kasi bólimbisa ngai lisusu mbala oyo pe bóbondela Yawe, Nzambe na bino, álongola

liwa oyo epai na ngai."

18 Moïse . . . akei kobondela Yawe.

19 Yawe Nzambe . . . Ata linkonko moko té etikalaki lisusu na Egypte.

Tuna bana:

- Kasi bana, bokanisi? Boni, Pharaon apesaki Bana na Israël nzela ya Kobima? (Bongo té.)
- Pona nini Moïse andimaki té ete kaka mibali bakende? (Po Nzambe alobi ete bango nyonso bakokende. Alingaki té koyoka Maloba na Nzambe.)

Bana basala:

Bana nyonso basala mwa scenette lokola bazali makonko oyo Nzambe atindi, ezali kolia eloko nyonso oyo bamoni.

Bana bayemba pe babina:

Makonko eyaki mingi mingi

Eliaki biloko nyonso.

Po Pharaon ayokeleki Nzambe té.

NB Kotangela bana oyo bakoli to bajeune :

Na kati ya banzambe ebele ya ba-Egyptien basambelaki ezalaki Set. Bakanisaki 'tè mopepe nyonso oyo makasi ezalaki na loboko ya Set, kasi Set azalaki té na nguya ya kosalisa bango na pasi lokola oyo.

8.5 Pasi ya 9—Molili ya makasi ekweyaki. Kobima 10:21-29

Tangela bana:

21 Yawe alobi na Moïse: "Tombola loboko . . . molili moko ya makasi pe ya somo na Egypte. "

22 Moïse atomboli loboko . . . bongo mikolo

misatu mobimba molili makasi ekoti na Egypte mobimba.

23 Mikolo wana misatu moto moko té akokaki komona moninga na ye, moto na moto afandaki kaka epai na ye. Kasi epai ya ba-Israélite, moi ezalaki.

24 Mokonzi monene ya Egypte abengi Moïse pe alobi na ye: "Bókende bokumisa Yawe. Bókende ná bana na bino, Kasi bantaba, bamameme pe bangombe na bino ekotikala awa."

Kasi ezali té ndenge Nzambe ayebisaki Moïse kosala. Yango wana, aboyaki. Yango wana pe Pharaon aboyaki bakende. Kasi na kanda nyonso,

28 Alobika na Moïse: "Bima na ndako na ngai! Keba na yo! Nalingi komona yo lisusu té na miso na ngai. Mokolo na komona yon a koboma yo."

29 Moïse azongisi: "Ndenge yo moko olobi, nakoya lisusu epai na yo té."

Tuna bana :

- Likambo nini ekweyaki na Egypte ? (Molili ya makasi, ndenge ya komona ezalaki té.)
- Nini ekweelaki ba-Isaraelitel? (Ata eloko moko té. Pole ezalaki epai na bango.)
- Pharaon apesaki bango nzela bakende soki nini etikalaka? (Banyama na bango.)
- Pona nini bandimaki té? (Nzambe ayebisi bango bakende ná banyama na bango.)

Bana basala:

Tiya bana na bandambo mibale. Ndambo ya liboso ezali ba-Egyptien. Bamona ete eloko

moko esalemi po molili makasi ekweya. Basala bageste ya koyebisa yango na bato mosusu.

Ndambu ya mibale ezali ba-Israelite. Bazali kolamba, kolia na bandako na bango kozanda pasi, po moyi to polo ezali kati na bango. Basala bageste pe baloba yango.

Bana bayemba pe babina :

Na pasi ya libwa,
Molili ekwei.

NB Kutangela bana oyo bakoli to bajeune :

Na kati ya banzambe ebele oyo ba-Egyptien basambelaka ezalaki ná moko ya monene oyo babengaki Ra. Bandimaki ete moyi likolo etosaka ye. Kasi Ra akweyaki, pe bato nyonso bamonaki ete nguya na Nzambe eleki oyo ya Ra.

Kosilisa Leson:

Nzambe Atindaki makambo nyonso oyo ya kokamwa. Atalisaki bango ete nguya na Ye eleki oyo ya banzambe na bango nyonso ya mike-mike. Kasi na oyo nyonso, Pharaon atikalaki kaka mutu-mabanga. Aboyaki kaka kotosa Yawe Nzambe. Pona yango, ye ná bato na ye bamonaki pasi likolo ya pasi ya makasi.

Bongo yo, soki oyoki Maloba na Nzambe, kozala mutu-mabanga té lokola Pharaon. Ndimba Maloba na Nzambe na motema na yo po Nzambe Asepela na yo.

Devoir pona ba kristu:

Bino bakristu, nazali kopesa bino devoir oyo: Tango nyonso bokoyoka Maloba na Nzambe na poso ekoya, sala makasi kotosa yango. Senga Nzambe ete asunga yo ekota malamumu na motema na yo.

Kobenga bana oyo bayebi Yesu nanu té:

Kasi Mbala mosusu na kati ya bino bana bozali lolenge moko to mibale oyo boyamba Yesu nanu té. Etumbu to pasi monene ezali kozela bino soki boyambi Yesu té. Kasi okoki kobongola makanisi, okoki kotya motema na Yesu kaka lel'oyo. Soki olingi koyamba Yesu lokola Mwana-na Nzambe pe Mobikisi na yo, sima ya ecodim, yaka kofanda awa [*moniteur, lakisa esika yango*]. Tokosalisa bino.

===SUKA LESON 8

LESON 9. TOTIYA MOTEMA NA YESU PO TOBIKA.

Ba-Israelite bamilengeli pona Pâque (Koleka).

Kobima 11:1 & 12:1-12:28

**I. Preparation ya moniteur pona Leson oyo -
– (bongisa yango na ndako liboso ya koya kosala yango na classe)**

Moniteur, bongisa Tina to mutuya ya Leson:

Na SUKA YA LESON oyo, bana bakososola ete lokola ba-Israelite babikaki kaka kaka soki Batikaka makila na ekuke ya ndako, ndenge moko biso pe tokobika kaka soki totie motema na makila oyo Yesu asoPâque po na biso.

Moniteur, bongisa verse ya koyekola :

Makila oyo bokopakola na bandako esika bosangani, ekozala elembo oyo ekolakisa bandako na bino. Tango nakomona makila, nakoleka, na kosala bino eloko té. Boye liwa ekozwa bino té ; tanga nakopesa mboka ya Egypte etumbu. Kobima 12:13.

Moniteur, bongisa banzembo oyo ezali kokende nzela moko na Leson oyo:

Soki Nak' Mona Makila
Yaka na Yesu Kristu
O, Makila na Yesu

II. Koteya Mikanda ya Bible –

Mikanda ya Boyokani ya Sika tokoki kokabola na biteni oyo : Mikanda ya Moïse, Mikanda ya Histoire ya Bayuda, Mikanda ya Poesie, ná Mikanda ya Basakoli to Prophetie. Kobima ezali mokanda ya mibale na Mikanda ya Moïse.

III. Kosala Revision –

Revision ya Leson eleki :

† Nzambe Atindeki bapasi ebele na Egypte po basosola ete banzambe na bango bazalaki na nguya té, kasi Yawe Nzambe Azalaki Nzambe ya solo-solo. Sik'oyo booloba bapasi yango ezalaki nini ? (Mayi ekomaki makila, magorodo, banzinsi, bangungi, bambisi fwaka na maladi, bivimbu na bambisi ti na bato, mvula ya mabanga, butu ya makasi.)

Kolanda devoir ya Leson eleki:

Tosengaki bino bakristu, bozala mutu-mabanga té lokola Pharaon, kasi bosala makasi, tango bozali koyoka Maloba na Nzambe, botosa na yango. Nani asalaki makasi kosala yango na poso eleki ? Nani akoki koyebisa biso likambo moko oyo asalaki makasi na kotosa ?

IV. Koteya Makambo oyo –

Ebandeli ya Leson:

Ata Pharaon andimi nanu té, tango ekoki oyo akopesa pesa Ba-Israelite nzela bakende. Atako liboso esalemaki té, Nzambe ayebisaki bango ndenge esengelaki bamilengela.

Developpement--Makambo minene ya Leson oyo na biteni 8:

9.1 Nzambe ayebisaki Moïse ete pasi etikali kaka moko, sima Pharaon akobimisa bango. Ebandeli 11:1

Tangela bana :

v1. *Yawe Nzambe alobi na Moïse: «Nakotindela mokonzi monene ya Egypte pe Egypte mobimba etumbu ya sika. Sima na yango, akotika bino bókende. Kutu akobengana bino libela.*

Tuna bana :

- Nzambe apesi etumbu deja mbala 9 na Pharaon. Sik'oyo, etikali boni? (Kaka moko mpamba. Sima, akopesa bango nzela kokende.)

Bana basala:

Bana nyonso balakisa mosapi pe baloba ete,
« Etumbu kaka moko etikali.”

Bana bayemba pe babina:

Mbala kaka moko lisusu
Etumbu moko ekokweya.

9.2 Nzambe ayebisaki bango kotiya makila ya mwana-mèmè na ekuke ya ndako po bana na bango bakufa té. Kobima 12 :1-7

Tangela bana :

1 *Na Egypte, Yawe alobi boyé na Moïse ná Aaron : . . .*

3 *Bóloba ná lisanga mobimba ya Israel boye : . libota moko moko to na ndako moko moko, baluka mwana-mèmè moko to mwana-taba.*

4 *Soki na famille bato baleki muke po basilisa nyama mobimba, básangana na famille mosusu ya pembeni . . .*

5 *Nyama yango esengeli ezala ya mobali, ya mbula moko, oyo ebeba ata esika moko tè. Bokoona yango na kati ya bameme to bataba.*

7 *Bakokamata makila na yang ope bakopakola na makonzi mibale pe na libaya ya likolo oyo esimbaka porte ya bandako esika bokolia.*

Tuna bana :

- Famille ezalaki kopona nini ? (Mwana-mèmè moko.)
- Pona nini bato mosusu bakosangana na famille mosusu na mwana-mèmè na bango? (Soki bato bazali muke pona kolia nyama moko.)
- Boni, bakoki kopona mwana-mèmè oyo azali na mbeba to pota? (Bongo té. Esengeli ezala malamumu.)
- Boni, bakoki kopona mwana-mèmè ya bambula ebele, oyo ezali pembeni ya kokufa ? (Bongo té. Mwana-mèmè ya mbula moko.)
- Esengeli ezala mwasi to mobali? (Mobali)
- Soki babomi yango, esengeli basala nini ná makila na yango ? (Kopakola yango na bikuke ya bandako na bango)

Tuna bana oyo bakoli:

- Soki tokanisa ete mwana-mèmè oyo ezali elembo ya Yesu, pona nini ekoki kozala ná pota té? (Yesu azalaki ná masumu té, kasi ezala kitoko na miso na Nzambe)
- Pona nini esengeli ezala mobali? (Nzambe Atindaki mwana na ye ya mobali po Akufa pona masumu na biso.)
- Pona nini esengeli ezala ya mbula moko? (Mwana muke té, kasi mpaka pe té. Yesu)

akufaki na age ya 33, lokola jeune oyo akoli.)

Bana basala:

Bana nyonso basala bageste lokola bazali koluka mwana-mèmè ya kitoko.

Bana bayemba pe babina :

Famille nyonso eponaki
Mwana-mèmè ya kitoko.
Makila na yango, Batiyaki
Na ekuke ya bandako.

9.3 Nzambe ayebisaki bango ndenge nini bakolia mwana-mèmè yango. Kobima 12:8-11

Tangela bana :

8 Bakotumba yango na moto yango na móto, pe kaka na butu wana bakolia yango, ná mapa ya kovimba té pe ndunda ya bololo.

10 Bóbomba tata ndambo té pona lobi. Soki mwa-ndambu etikali, lobi na tonge esengeli kozikisa yango ná móto.

11 Bokolia yango boye: “Bosengeli kokanga mokabà na loketo, kolata basandale na makolo, pe kosimba nzete na maboko. Bokolia yango mbangu-mbangu. Wana ekozala fete na bino ya koleka po na kokumisa Yawe.”

Tuna bana :

- Bakolamba mwana-mèmè ndenge nini ? (Kotumba yango na moto)
- Nini mosusu bakolia ná yango ? (Mapa oyo evimba té)
- Esengeli balia yango boni ? (Nyonso)

- Esengeli balata ndenge nini? (Basandale na makolo, komibongisa pona kokende)

Bana basala:

Bana basala lokola bazali kolata basandale, bazali kobongisa mapa oyo evimba té.

Bana bayemba pe babina:

Baliaki meme
Basandale na makolo
‘Tango Pharaon abimisi bango
Bakokenda na lombangu.

9.4 Nzambe alakaki ‘tè tango Akomona makila na ekuke, Akoleka po aboma té. Kobima 12:12-13.

Tangela bana :

12 Bongo Yawe abakisi: “Na butu yango na koleka na Egypte, pe nakoboma bana ya liboso nyonso ya ba-Egyptien, ezala oyo ya bato to ya banyama. Ngai Yawe nakopesa banzambe nyonso ya Egypte etumbu.

13 Makila oyo bokopakola na bandako esika bosangani, ekozala elembo oyo ekolakisa bandako na bino. Tango nakomona makila, nakoleka, nakosala bino eloko té Boye liwa ekozwa bino té, tango nakopesa mboka ya Egypte etumbu.

Tuna bana:

- Makambo minene nini ekosalema na Egypte ?
(Nzambe akoleka na butu, Akoboma bana ya liboso ya mibali na ndako nyonso, ata ya banyama, ata ya bato.)
- Nini ekokanga Nzambe nzela po Aboma ba-Israelite ?

(Soki Bapakoli makila ya mèmè likolo ya ekuke, Akoleka, Akoboma móto tè.)

Tuna bana oyo bakoli:

- Makila ya mwana- mèmè elakisi nini ?
(Yesu Messie akosopa makila na Ye po na masumu na biso.)
- Soki Nzambe amoni ete totie motema na Yesu, Akosala nini pona biso?
(Akoleka biso na mambu etali etumbu. Etumbu na ye ekokweya likolo na biso té.)

Bana basala:

Bana nyonso basala lokola bazali kopakola makila ya mèmè likolo ya bikuke ya bandako.

Bana bayemba pe babina:

Soki Nzambe amoni makila Akoleka.
Etumbu ekokweela biso té.

9.5 Nzambe ayebisaki bango ndenge ya kokanisa butu yango na fete monene na kombo ya Pâque. Kobima 12:14-20

Tangela bana:

14 *Mbula na mbula bokobanda kokanisa mokolo wana, bokobanda kosala fete po na kokumisa ngai Yawe. Ekozala mobeko ya seko po na bino ná bana na bino.” . . .*

16 *Mokolo ya liboso pe ya sambo bokosangana na kombo na ngai. Na mikolo yango mibale, bokosala mosala moko té. Bobele kolamba bilei ya moto moko – moko.*

17 *Bosengeli kosala fete ya mapa oyo ezali na kisi ya kovimba té, po yango ezali mokolo nabimisaki bino na Egypte, libota na molongo*

na yango. Bokobanda kosala fete yango mbula na mbula ; Ezali mobeko ya seko.

20 *Moto té alia mapa ya kovimba, soki moto ameki kobuka mobeko yango, ézala mopaya to Israelite, bálongola ye na molongo ya bato ya Israel. Esika nyonso bokozala kaka mapa ya kovimba té.*

Tuna bana:

- † Na eleko ya kokanisa nini Nzambe asalà, bakokanisa nani ?
(Yawe Nzambe)
- † Bakokanisa nini ?
(Ndenge Nzambe abimisaki bango na Egypte)

Bana basala:

Bana nyonso basimba mitu na bango, baloba 'tè “Tozali kokanisa Yawe Nzambe. Oyo ezali eleko na Ye. »

Bana bayemba pe babina :

Na eleko ya Pâque,
Bayuda basambelaki Nzambe.
Na eleko ya Pâque,
Bakanisaki Ye.

9.6 Moïse ayebisaki bakoko ya Israël ndenge Nzambe ayebisi ye. Kobima 12:21-25

Tangela bana:

21 *Moïse abengisi bambuta-muntu nyonso ya Israël, pe alobi na bango: « Bakende kopona mwana-mèmè to mwana-tabá, pe koboma yango po bolia fete ya Pâque (Koleka).*

22 *Sima, bosala liboke ya matiti ya isope, bókotisa songe na yango na sani oyo ezali na makila ya nyama, pe bopakola makila na*

makonzi mibale pen a libaya ya likolo , oyo esimbaka porte ya ndako. Bongo tii na tongo moto moko té ámeke kobima libanda.

23 Yawe akokatisa mboka mobimba po aboma ba-Egyptien, kasi esika akomona makila na mabaya oyo esimbaka porte akoleka pe akopekisa Anjelu na ye oyo abomaka , akota na ndako yango té po na koboma. . . .

25 Tango bokofanda mboka oyo Yawe Nzambe alakaki 'tè akopesa bino, bokozala kaka kosala ndenge wana.

Tuna bana:

- † Tango Anjelu na Nzambe amoni makila ya mèmè, oyo ekokanga ye nzela kosala nini ?
(Ekokanga Ye nzela ya koboma bango, lokola Ye akoboma ba-Egyptien.)
- † Esengeli bakanisa eleko oyo na tango nini ?
(Tango bakokota na mboka oyo Nzambe alakaki kopesa bango.)

Bana basala:

Bango nyonso basala lokola bazali ba Anjelu na Nzambe. Baleka na bandako. Soki bamoni ndako ezangi makila, esengeli baboma moto na kati. Soki bamoni ndako ná makila na ekuke, bakoleka na esengo, po esengeli baboma moto té.

Bana bayemba pe babina:

Soki makila emonanaki,
Anjelu akoleka.

9.7 Basengeli kolakisa bana ndimbola ya nynso oyo. Kobima 12:26-27

Tangela bana :

*26 Bongo, soki bana na bino batuni bino :
"Bozali kosala boye po na nini ?"*

27 Bokoloba na bango : "Oyo ezali mabonza ya fete ya 'Koleke' ya kokumisa Yawe. Pamba té, na Egypte Yawe alekaki bandako na ba-Israelite pe asalaki yango mabe té, tango abomaki ba-Egyptien. Bongo ba-Israelite nyonso bafukamaki pe bangumbamaaki mitu na sé."

Tuna bana:

- † Nini ekosala ete balakisa pe kopesa bango occasion ya koyebisa bana ndimbola ya eleko ya Pâque ?
(Bana baktuna soki ezali nini.)

Bana basala :

Ndambu ya bana basala lokola bana bazali kotuna baboti ndimbola ya Pâque. Ndambu mosusu ya bana bazala baboti pe balakisa bango ndimbola na yango.

Bana bayemba pe babina:

Bolakisa bana
Makambo minene
oyo Nzambe asala !

9.8 Bato nyonso batosaki maloba oyo Moïse apesaki na bango. Kobima 12:28

Tangela bana:

28 Sima bakei pe basali makambo nyonso oyo Yawe Ayebisaki Moïse pe Aaron.

Kosilisa Leson :

Soki ba-Israelite, to ata ba-Egyptien bandimaki Maloba oyo Nzambe ayebisaki bango, balakisaki yango na botosi na bango. Soki bandimalaki Maloba na Nzambe, Batiyaki na bikuke na bango. Famille oyo epakolaki makila, bato bakufaki té na ndako yango.

Makila yango ezali kolakisa ete Nzambe akotinda Mwana na Ye, Akokufa po na masumu na biso. Yesu Kristu akufaki, asekwaki na kufa, nyonso oyo po na biso. Lel'oyo, moto nyonso akotiya motema na ye, akobika.

Devoir pona ba kristu :

Devoir nazali kopesa bino bakristu ezali koyebisa histoire oyo na famille pe baninga na yo na poso oyo. Soki bato yango batià motema na Yesu nanu té, sambela Nzambe ete Molimo na Ye Abenda yo kotiela Ye motema.

Kobenga bana oyo bayebi Yesu nanu té :

Kasi, boni yo moko, Otie motema na Yesu? Boni, ondimeli ete makila na Ye esopanaki, ezalaki po na masumu na yo ?

Soki oyebi yo malamumu-malamumu té, lel'oyo okoki kotiela Ye motema. Okoki kobenga kombo na Ye na tango nyonso. Okoki senga Ye Abikisa yo.

Soki ozali na bosenga ya lisungi na likambo yango, sima ya ecodim, yaka kofanda na bakiti oyo awa [*moniteur, lakisa wapi*]. Tokozala na na esengo na kosalisa yo.

===SUKA YA LESON 9

LESON 10 TOTIYA MOTEMA NA YESU PO NZAMBE ASAMBISA BISO TÉ.

Mwana ya liboso akufaki na famille nyonso, bongo Pharaon atindikaki bango Kobima. Kobima 12:29-51

**I. Preparation ya moniteur pona Leson oyo -
– (bongisa yango na ndako liboso ya koya kosala yango na classe)**

Moniteur, bongisa Tina to mutuya ya Leson:

Na SUKA YA LESON oyo, bana bakososola ete ata Nzambe akangaka motema mingi pona mabe bato basalaka, Na suka esengeli asambisa bango. Ndenge ya Kobima na esambiselo na Ye, Ye moko apesi biso: makila ya mwana-mèmè ya kitoko, Yesu Mobikisi na biso.

Moniteur, bongisa verse ya koyekola : Ba-Ebré 9:13a,14a

13 . . . bazalaká kobwakela bwakela ye makila ya taba to ya ngombe, . . .

14. . .awa Kristo amipesaki ye moko na nguya ya Molimo ya seko, apesaki Nzambe libonza oyo ebebá ata esika moko té. Boye makila na ye ekómisaka mitema na biso pembe, pe elongolaka biso mbindo ya misala oyo ememaka liwa, po tósalela Nzambe ya bomoi.

Moniteur, bongisa banzembo oyo ezali kokende nzela moko na Leson oyo :

Soki Na 'Moni Makila
Yaka na Yesu Kristu
O, Makila na Yesu

II. Koteya Mikanda ya Bible –

Bakombo to ba-titre ya mokanda nyonso ezali kolakisa na mokuse makambo minene oyo ezali kati.

Nini ezali na Ebandeli? (Ebandeli ya biloko nyonso)

Nini ezali na Kobima? (Kobima ya libota na Israël na bowumbu na Egypte) Tomoni nde Moïse asengi yango na Pharaon mingi. Na Leson oyo pe na poso ezali koya, tokomona ndenge oyo Nzambe akokisaki yango.

Bana bayemba nzembo, "Mikanda ya Moïse »

III. Kosala Revision –

Revision ya Leson eleki:

Tomoni ete Nzambe ayebisi ba-Israelite ete Akotinda Anjelu na Ye akoleka na bandako ya Egypte na butu.

- ‡ Nzambe akosala nini ?
(Akoboma Mwana ya liboso ya mobali na famille nyonso, bato na banyama.)
- ‡ Bato esengeli basala nini po babima na etumbu oyo monene?
(Esengeli baboma mwana-mèmè, bapakola makila na yango na bikuke na bango.)
- ‡ Tango Nzambe amoni makila ya mwana-mèmè, Akosala nini?
(Akoleka na ndako nyonso, po moto moko akufa té na kati.)

Kolanda devoir ya Leson eleki:

Na poso eleki, topesaki bino bakristu devoir ya kosala makambo mibale. Nani akanisaki yango ? (Histoire ya Bible bayokaki na ecodim, koyebisa yango na bato mosusu, pe kotiya na

losambo bato oyo bayebi ete bayambi Yesu nanu té.)

Nani akoyebisa biso histoire toyekolaki na moto mosusu? Na nani? Ndenge nini bayokaki yango?

Nani atiyaki bato na losambo po bayamba Yesu? Oyo ezali malamu. Napesi bino encouragement kokoba kaka na losambo wana.

IV. Koteya makamb'oyo –

Ebandeli ya Leson :

Nzambe ayebisi bango ete na butu, esengeli aboma Mwana ya liboso ya mobali na famille nyonso, ezala bato, ezala banyama. Ye pe ayokeli bango mawa. Ayebisi bango ndenge bakoki kobima na etumbu yango. Kaka bandimela maloba na Ye, batosa na kopakola makila ya mwana-mèmè na ekuke ya bandako na bango. Tango nyonso, esengeli makambo esalema kaka na ndenge ya Nzambe alobi yango. Yango wana---

Developpement--Makambo minene ya Leson oyo na biteni 6 :

10.1 Na zero heure na butu, Nzambe abomi bana ya liboso ya mibali nyonso na ndenge alobaka. Kobima 12:29-30

Tangela bana :

29 Na midi ya butu, Yawe Nzambe abomi bana ya liboso nyonso ya mibali ya Egypte, ezala mwana ya liboso ya Mokonzi monene ya Egypte oyo asengelaki kozwa bokonzi na esika ne ye ; ezala mwana ya liboso ya bato ya boloko, ná pe mwana liboso nyonso ya nyama.

30 Na butu Mokonzi monene ya Egypte ná bokonzi oyo balandi ye, pe bato nyonso ya Egypte balamukaki na pongi, Egypte mobimba elelaki mingi, po ata ndako moko té ezangaki ebembe.

Tuna bana :

- Pona nini bileli ezalaki mingi na Egypte? (Po na ndako nyonso, Mwana ya liboso ya mobali akufaki.)
- Oyo ezali pasi mingi, kasi kanisa ! Nzambe ayebisi bango liboso nini Ako sala, pe Apesi bango nzela ete Aleka bango. Nzela yango ezali nini? (Batiya makila ya mwana-mèmè na ekuke ya ndako, bongo Akoleka ndako na bango.)

Bana basala:

Bana nyonso balela lokola moto akufi. Baloba ete, “Ai-yai ! Pona nini toyolaki Maloba na Nzambe té ?”

Bana bayemba pe babina:

Nzembo, “Soki Na’ Moni Makila”

10.2 Yango wana, Pharaon ná bato nyonso ya Egypte batindikaki bato na Israël Kobima na lombangu. Kobima 12:31-33

Tangela bana:

31 Bobele nab utu wana, mokonzi monene ya Egypte abengi Moïse ná Aaron pe alobi na bango: “Bino ná ba-Israélite nyonso, Bókende, bolongwa kati na baton a ngai. Bókende kokumisa Yawe ndenge bolobaki.

32 *Bokamata bamèmè, bataba ná bangombe na bino nyonso ndenge bosengaki, pe Bókende! Bosenga na Yawe abenisa pe ngai .”*

33 *Ba-Egyptien bazalaki kotindika ba-Israelite na makasi, bábima mbangu na mboka na bango, pamba té bazalaki koloba ‘tè: “Bokende, soki té biso nyonso tokokufa.”*

<

Tuna:

- Mbala miiiingi Pharaon aboyi ete ba-Israelite bakende. Nini ebalusi Sik’oyo ? (Ye me pusa bo kokende lombangu.)
- Pona nini ba-Egyptien pusaka bo kokende lombangu ? (Po bo monaka nde soki té, bango nyonso fweti kufwa na etumbu ya Nzambe.)

10.3 Bato na Israël babimaki na lombangu, pe ba-Egyptien bapesaki bango biloko ya wolo. Kobima 12:34-36

... 35 *Balandaki pe ndenge Moïse alobaki na bango, basengaki ba-Egyptien bilok’oyo basalà argent to na or, pe bilamba.*

36 *Yawe asalaki ‘tè ba-Israelite bázwa bolamu epai y aba-Egyptien, bongo bango pe bapesaki biloko oyo basengaki. Boye, ba-Israelite bazwaki bomengo ya ba-Egyptien.*

Tuna :

- Nzambe ayebisaki bango kosala nini ? (Kosenga biloko ya ba- Egyptien)
- Pona nini ba-Egyptien bandimaki kopesa biloko yango ? (Po Apesaki bango bango motema malam.)

Bana basala:

Ndambu ya bana basala bageste lokola bazali kosenga biloko ya bato na Egypte.

Ndambu ya bana basala bageste lokola bazali kopesa bango na esengo biloko oyo basengi.

Bana bayemba pe babina :

Apesaki bango bato na motema ya Kopesa bango wolo.

10.4 Babimaki kaka bato mingi ; babimaki na lombangu. Kobima 12:37-39

37 *Ba-Israelite balongwe na ville ya Ramses, balei na mboka Sukot. Bazalaki mobali penepene kama mutoba (600,000), kozanga kotanga basi ná bana.*

38 *Bato ebele ya bikolo mosusu bakendeki nzela moko ná bango ; pe bamemaki ebele ya bamamèmè, bataba ná bangombe.*

39 *Bakamati potopoto ya farine oyo babetaki na Egypte pe basali na yango mapa ya kovimba té, pamba té bzwaki tango ya kotia kisi na farine. Lokola ba-Egyptien babenganakibango na mangu-mbangu, tango ya kobongisa bilei po na mobembo ezlaki té.*

Tuna bana :

- Bana na Israël babimaki mibali 600,000, plus basi ná bana. Oyo ezali ebele to muke? (Ebele-bele. Ná basi ná bana, esengeli balaka bato million.)
- Kaka bango moko té, kasi bato mosusu bakendeki ná bango. Bato yango bakoki kozala banani? (Moto nyonso, ata ya Egypte to ya wapi, soki bandimeli Nzambe, baitie makila ya mwana-mèmè na ekuke. Nzambe akoleka bango, ata bango banani, soki bandimela Nzambe, bongo bango pe bakobima.

Bana basala:

Bango nyonso sala lokola bo ke kanga bima lombangu-lombangu, bo ke basika.

Bana bayemba pe babina :

Bato miiiiiingi babimaki
Bango nyonso oyo bandimelaki Nzambe.

10.5 Bato na Israël me babikaki na Egypte bambula 430, kasi na butu yango, bango nyonso babimaki. Kobima 12:40

40 Ba-Israelite bafandaki na Egypte bambula 430.

Tuna bana oyo bakoli :

- Nzambe ayebisaki liboso nde yai ta salama. Nani akoki kanisa Nzambe ayebisaki yo na nani ?
(Nzambe ayebisaki yo na nkaka na bango Abraham. Ebandeli 15 :13. Esalemaki kaka mutindu Nzambe ayebisaki bango.)

Bana basala :

Bana batanga na misapi na bango :
bambula kama moko, kama mibale, kama misato, kama minei.

Bana bayemba pe babina:

Nzambe alobaki yango kala
Sik'oyo nyonso esalemi.

10.6 Nzambe ayebisaki bango kokanisa nini Asali kino libela. Kobima 13:1-12

Tangela bana:

3 Moïse alobi na bato: "Esengeli mbula na mbula bosalaka feti po na kokanisaka mokolo oyo. Na nguya na ye, Yawe abimisi bino na Egypte epai bozalaki na bowumbu. Tango

bokobanda kokanisa feti yango, bokoki kolia mapa ya kovimba ata moke té. . . .

5 Bongo bokabanda kosepela na moko ya sanza oyo mbula na mbula, tango Yawe akokotisa bino na y aba-Canaanite, ... Yango ezali mboka oyo akatelaki bakoko na bina seleka tè akopesa bino yango, esika etonda miliki ná mafuta na ndakoi ndenge motema elingi. . . .

8 Mokolo yango bokoyebisa bana na bino: "Tozali kosala boye po na kokanisa makambo Yawe asalaki po na biso tango tobimaki na Egypte."

Tuna bana oyo bakoli:

- Ndenge nini bakokanisaki ndenge Nzambe abimisaki bango, soki baleki , bakomi na mokili oyo Nzambe alakaki bango?
(Bo ta sala nkinsi konso mvula po na kokanisa yo.)

Bana basala:

Bana yangalala lokola na nkinsi.

Bana bayemba pe babina:

Na esengo nyonso, bayemba nzembo, "Soki Na' Moni Makila."

Kosilisa Leson:

Bongo Bana na Israël babimaki na Egypte. Pharaon ná bato nyonso ya Egypte bazalaki kotindika bango koloba: "Bókende kaka na lombangu." Bazalaki kokende ná bana na bango nyonso. Bana ya liboso oyo babomaki té, po Nzambe amonaki makila ya mwana-mèmème na bikuke na bango. Ata bato mosusu ya Egypte, soki bandimeli Nzambe, soki basali ndenge Alobaki, bango pe

bakobika. Bango pe bakobima, pe Nzambe akozala kobatelaka bango.

Ndenge moko na biso lel'oyo, moto nyonso oyo atie motema na makila na Yesu Kristu, Akobima na boloko ya Satana, na bowumbu ya Satana. Akobika.

Devoir pona ba kristu:

Bino bakristu, Devoir nazali kopesa bino na poso oyo ezali kokanisa bato oyo bayebi nanu té kotia motema na Yesu. Banda kotanga bakombo na bango liboso na Yesu po Abenda bango, bakoka kobika.

Kobenga bana oyo bayebi Yesu nanu té:

Mbala mosusu yo moko oyebi Yesu nanu té. Oyoki ete Yesu asopaki makila na Ye po na kufuta nyongo ya masumu na yo. Kasi otieli Ye motema nanu té. Ozali pe té na kati ya

bato oyo babimi na nzela ya masumu. Kasi okoki pe kozala na kati. Yesu alaka ete Akoboya moto té oyo alingi koya na Ye (Jean 6:37b).

Kaka ndimela lel'oyo ete Yesu Mwana-Nzambe akufaki na ekulusu po na mabe na yo, ndima ete Asekwaki na liwa, bongo benga Ye Akota na bomoi pe na motema na yo. Kata ete okolanda Ye. Okosala yango na nzela ya koloba (Iosambo).

Akobikisa yo lel'oyo. Soki olingi tosalisa yo na makambo yango, yaka kofanda awa na bakati oyo [*moniteur, lakisa esika yango soki ezali wapi*] sima ya ecodim.

===SUKA YA LESON 10

LESON 11. TOTIYA MOTEMA NA NZAMBE NA TANGO YA PASI.

Nzambe atambwisaki ba-Israelite na nzela, pe afongolaki Ebale ya Motane po bakatisa. Kobima 13:17-22-14:1-31

**I. Preparation ya moniteur pona Leson oyo -
– (bongisa yango na ndako liboso ya koya kosala yango na classe)**

Moniteur, bongama na biloko oyo ekozala na bosenga na kati ya Leson :

Soki okoki kozwa ba drap mibale, okosalela yango na Leson. Bana bakosalela yango na 11.6, Bana basala Scenette ya bana oyo bakosala na 11.6 ezali mwa compliqué, kasi yango pe ezali motema ya Leson oyo. Tanga 11.6 malamu liboso, pe bongisa mokano ndenge nini bana bakoki kosala yango.

Na 1.1 po Bana basala, okozala na bosenga ya carte géographique. Na Bible ya Lingala, carte ya liboso Na mibale oyo ya suka na Bible ezali kolakisa makambo oyo ezali na bosenga. Soki classe ezali monene, okoki kosala carte ya monene na maboko. Tiya kaka ba titre oyo ezali na bosenga: Egypte pe Ebale ya Motane.

Moniteur, bongisa Tina to mutuya ya Leson :

Na SUKA YA LESON oyo, bana bakososola ete Nzambe azali na ndenge ya kosalisa biso atako tokomi na suka na biso. Yango wana, bakotiya motema na ye na esika ya kotiya na bapasi na bango.

Moniteur, bongisa verse ya koyekola:

Kobima 14:13a

Moïse azongiseli bango: “Bóbanga té !. Bózala na molende pe bokomona ndenge Yawe akobikisa bino lelo. . .

Moniteur, bongisa banzembo oyo ezali kokende nzela moko na Leson oyo:

Landa, Na k’ Landa yo, Nkolo
Nkolo ayebi nzela na Ngai
Ndenge nini Moïse akatisaki Ebale ya
Motane ?

II. Koteya Mikanda ya Bible –

Niveau Primaire:

Bible ezali koyebisa biso histoire ya solo. Ezali té kaka makambo oyo bato bazali kokanisa. Ezali makambo oyo esalemaki ya solo na mokili oyo.

Bana baloba na lisanga mikanda ya Moïse.

Niveau Secondaire :

Mokanda ya Ebandeli eyebisi biso histoire ya solo wuta na ebandeli pene ya bambula 4,000 liboso na Yesu. Ezali kolakisa biso elaka na Nzambe pona Messie esengeli koya. Elakisi biso ebandeli ya libota oyo ekopesa biso Messie, libota na Abraham. Elakisi ndenge libota yango ekolaki na ba tribu 12, pe ndenge bakendeki na Egypte. Bakendeki na esengo, kasi sima, bakómaki bawumbu na pasi.

Mokanda ya Kobima ebandi pene ya bambula 1400 liboso ya mbotama na Yesu. Mokanda ya Kobima ezali kolakisa ndenge babimaki na bowumbu yango.

Bana baloba na lisanga mikanda ya Moïse.

III. Kosala Revision –

Revision ya Leson eleki :

- † Na Leson eleki, tomonaki ete na suka-suka, Pharaon apesaki ba-Israelite nzela 'tè babima na Egypte. Ee, Atindikaki bakende mbangu, pe bato nyonso ya Egypte basalaki ndenge moko. Tomonaki 'tè ndambu ya bato mosusu oyo bandimelaki Nzambe, bakendeki nzela moko ná bango.

Kolanda devoir ya Leson eleki:

Na poso eleki, topesaki bino bakristu devoir ya kotanga Ebandeli liboso na Nzambe bakombo ya bato oyo oyebi 'tè bayamba Yesu nanu té na bomoi na bango. Nani asalaki yango? Bosambelaka pona bato pene ya boni? Oyo ezali malamu. Nasenga bino kolanda kosala yango, pe koluka ndenge ya koyebisa bango sangu na Yesu.

IV. Koteya oyo –

Ebandeli ya Leson:

Tomoni ndenge esengo ekoki mokolo moko kokoma mawa mokolo na sima. Bana na Israël bakendeki na Egypte na esengo, pe Pharaon ayambaki bango. Kasi sima na tango, Pharaon mosusu akomisaki bango bawumbu. Esengo ekomaki mawa.

Na Leson ya lel'oyo, ba-Israelitel babandaki na esengo, po Pharaon apesi bango nzela ya Kobima na bowumbu. Boni, ekosuka na esengo? Boni, bakotiela Nzambe motema, ata na tango na esengo to na mawa? Tolanda histoire ya Bible lisusu. Kobima mokapo 13.

Developpement--Makambo minene ya Leson oyo na biteni 8 :

11.1 Nzambe atambwisaki ba-Israelite na nzela ya Ebale ya Motane.

Kobima 13:17-18

Tangela bana:

17 Mokonzi monene ya Egypte atikaki ba-Israelite bakende, Nzambe aboyaki komema bango na nzela oyo elekà na moboka ya ba-Philistien atako yango ezali mokuse. Pamba té azalaki kobanga 'tè ba-Israelite bakima bitumba oyo ekoya, babongola makanisi pe bázonga na Egypte.

18 Yango wana amemi bango mosika na nzela ya esobe ya zelo, na pembeni ya Ebale ya Motane. . .

Tuna bana :

- Na Kobima na Egypte, Nzambe amemaki bango wapi ?
(Na nzela ya Ebale ya Motane)

Bana basala:

[Moniteur, lakisa bango Egypte pe Ebale ya Motane na carte géographique.]

Bana batambola lokola bazali kolanda Nzambe.

Bana bayemba pe babina :

Nzambe ye moko atambwisaki bango
Na nzela ya Ebale ya Motane.

11.2 Bamemi mikwa ya Joseph, ndenge balakaki ye wuta kala. Kobima 13:19

Tangela bana:

19 Moïse amemi mikwa ya Joseph, pamba té Joseph alobaki na ba-Israelite boye: "Nzambe akozanga té kosalisa bino. Bókatela ngai seleka 'tè bokomema mikwa na ngai tango bokokende."

(Kanisa Ebandeli 50:25: Bongo Joseph alobi na bana ya Israel: "Bókata seleka 'tè tango Nzambe akozongisa bino na mboka na bino, bokomema ndakoto na ngai.")

Tuna bana:

- Tango Bana na Israël babimaki, bamemaki mikwa ya nani ? (Joseph, kaka na bango.)
- Pona na nini basalaki yango ? (Po balakaki ye kosala yango.)

Bana basala:

Bana basala lokola bazali komema ebembe ya Joseph na mapeka na bango pe bazali kotambola.

Bana bayemba pe babina:

Tozali kokende na mikwa mosusu na biso Ndenge tokataki seleka epai na ye.

11.3 Nzambe akambaki bango na lipata monene na mokolo, pe na moto ya makasi na butu. Kobima 13:20-22

Tangela bana:

20 Ba-Israelite balongwe na mboka Sukot pe bakei kopika bandako na bango ya capot na Etam, na ndelo ya esobe ya zelo.

21 Yawe ye moko azalaki kokende liboso na bango. Na moi azalaki na kati ya likonzi ya mapata po na kolakisa bango nzela, pen a butu azalaki na kati ya likonzi ya móto po bámona malamumu. Boye ba-Israelite bakokaki kotambola butu moi.

22 Na moi likonzi ya mapata ezalaki ya mapata ezalaki tango nyonso kokende liboso na bango; ezalaki ndenge moko pe po na likonzi ya móto na bubu.

Tuna bana:

- Na mokolo, ndenge nini Nzambe atambwisaki bango? (Na lipata na Ye)
- Na butu, ndenge nini Nzambe atambwisaki bango? (Na móto ya makasi)

Bana basala:

Bana basala bageste lokola bazali kolanda lipata na Nzambe.

Bana bayemba pe babina:

Nzambe ye moko atambwisaki bango, Na lipata monene.

11.4 Pharaon abongolaki makanisi pe alandaki bango na ba soldat po na kozongisa bango na bowumbu. Kobima 14:1-9.

Tangela bana:

1 Yawe olobi na Moïse:

2 "Loba na ba-Israelite bázonga pembeni ya moboka Pi-Hayirof, na kati-kati ya moka Migdol pe ebale monene. Bokopika bandako na bino ya Capot wana, étalana na mboka Baal-Sepnon, pembeni ya ebale. . . .

4 Ngai nakokómisa ye motú makasi pe akolanda bino. Na ndenge wana nakolakisa lokumu na ngai, tango nakonyata ye ná ba soldat na ye nyonso. Boye ba-Egyptien bakoyeba 'tè ngai nazali Yawe." Ba-Israelite pe basali bongo. . . .

5 *Tango Mokonzi monene ya Egypte ayoki 'tè bato ya Israël bakimi, ye ná bakonzi oyo balandi ye babongoli makanisi pe bamituni : "Likambo nini oyo tosali ? Ndenge oyo tosali ? Ndenge nini topesi ba-Israelite nzela bákende pe bálongwa na bowumbu ?" . . .*

7 *akamataki ba Char ya bitumba 600, ná pe ba Char mosusu nyonso ya Egypte. Char moko moko ezalaki ná basoda na yango. . . .*

9 *Ba soldat ya Egypte, ná bapunda na bango, ná ba Char ya bitumba pe batambwisaki yango, balandaki bato ya Israël, balandaki bato ya Israël, pe bakendeki kokuta bango na esika bapikaki bandako ya Capot penepene ya ebale monene, na mboka Pi-Hayarot oyo etalaná na Baal-Sepnon.*

Tuna bana:

- Nani ayaki kolanda bango?
(Pharaon ná ba soldat na ye pe ba pusu-pusu na ye)
- Pona nini balandaki Bana na Israël ?
(Po na kozongisa bango na bowumbu po basala lisusu mosala.)

Bana basala:

Bana baluka po na koyebisa ndenge oyo Pharaon alulaki lisusu makanisi na ye.

Bana bayemba pe babina:

Pharaon alulaki lisusu, pe alandaki bango.
Ye zolaka kaka kuvutula bo na bowumbu.

11.5 Ba-Israelite vazalaki kobanga mingi, kasi Moïse apesaki bango kondako. Kobima 14:10-18

Tangela bana:

10 *Tango mokonzi monene ya Egypte akómi penepene, bato ya Iraelite batali pe bamoni ba-Egyptien bazali kolanda bango na sima. Bongo babangi penza pe babandi kobeleva Yawe.*

11 *Balobi na Moïse: "Cimetiere ezali té na Egypte?" Omemi bison na kati ya esobe po tókufa ? Osali biso mabe, ndenge obimisi biso na Egypte.*

12 *Makambo toyebisaki yo tango tozalaki kuna, yango oyo té? Tolobaká boye : Tika biso tózala kaka bawumbu ya ba-Egyptien. Ebongi malamumu tótikala kaka bawumbu na bango, kasi tókendekokufa na kati ya esobe té."*

13 *Moïse azongiseli bango: "Bóbanga té ! Bózala na molende, pe bokomona ndenge Yawe akobikisa bino lelo. Ba-Egyptien oyo bozali komona lelo, bokomona bango lisusu té.*

14 *Yawe akobundela bino etumba ; bino bófanda kaka kimia."*

15 *Yawe alobi na Moïse nde: "Po na nini ozali kobeleva ngai ? Loba na bato ya Israël bálongwa aw ape bakende.*

16 *Bongo yo, simba nzete na loboko pe tombola yango likolo ya ebale monene. "Mai ekokabwana na kati, nzela ekokauka, pe ba-Israelite bakokatisa yango na makolo.*

17-18 *Ngai nakokómisa ba-Egyptien mitú makasi penza po bálanda bino. Nakomonisa bango lokumu na ngai, boye baEgyptien bakoyeba 'tè ngai nazali Yawe na ndenge nakolonga mokonzi monene ná ba soldat na ye nyonso, ba Char na ye pe bato oyo batambwisaka yango."*

Tuna bana:

- Nzambe ayebisaki Moïse kosala nini ?
(Kotombola nzete na ye likolo ya mayi)
- Na suka, ba-Egyptien bakoyeba nini ?
(‘te Nzambe azali Yawe Nzambe.)

Bana basala:

Bango nyonso basala lokola bazali Moïse,
bazwa nzete, batombola loboko.

Bana bayemba pe babina:

Bana bayemba nzembo ‘Ndenge nini Moïse
akatisaki Ebale ya Motane?’ , Eteni ya liboso.

**11.6 Nzambe akatisaki bango na Ebale ya
Motane. Kobima 14:19-22**

Tangela bana:

*19 Anjelu na Nzambe (na lipata) oyo azalaki
kokende liboso ya ba-Israelite, akei kofanda
na sima na bango. Bamoni likonzi ya lipata
oyo ezalaki liboso na bango eyei sima na
bango.*

*20 pe ekaboli ba-Israelite ná ba-Egyptien ;
boye butu mobimba bakutanaki té. Pamba té
likonzi ezalaki kongengisa epai ya ba-Israelite,
kasi epai ya ba-Egyptien ezalaki molili.*

*21 Moïse atombili loboko likolo ya ebale
monene, bongo butu mobimba Yawe atindi
mupepe ya makasi eutaki epai ya esobe ya
zelo. Yango efongoli nzela na kati ya mayi pe
ekusi mabele esika mayi elongwaki.*

*22 Mayi eteleme ngambo na ngambo lokola ba
mur, bongo ba-Israelite babandi kokatisa
ebale monene na makolo.*

Tuna bana :

- Ata ba soldat ya Pharaon bazalaki kaka
penepene na ba-Israelite, ndenge nini
Nzambe abombaki bango?
(Lipapta na Nzambe etambolisaki Israël,
bakendeki kozala sima na bango, na
ndenge ‘tè Pharaon ná ba soldat na ye,
bamonaki bango té.)

Bana basala :

*[Molakisi, liboso ya kobanda scenette oyo, tiya
ba drap mibale na mabele. Ba drap oyo
mibale ezali kolakisa ba mayi ya Ebale ya
Motane.]*

Bana basala mwa scenette. Bana bazala na
biteni 3. Ndambu ya bana basala bageste
lokola Bana na Israël, ndambu bazala lipatai
na Nzambe, ndambu bazala lokola ba soldat
ya Pharaon.

Na ebandeli, lipata ezali liboso ya Bana na
Israël. Ba drap mibale ya ezali kolakisa mayi
ya Ebale ya Motane, ezali lokola yango pe
ezali liboso na bango. Bana ya Israël balakisa
kobanga, pe bana ya Pharaon baloba na
ndenge rythmique ete, “Tokokanga bango;
bazali bawumbu na biso. »

Lipata ételeme, bazongi kofanda na kati ya
Bana na Israël ná basoldat ya Pharaon. Bana
oyo bazali lipata baningisa ningisa maboko na
bango po ba soldat ya Pharaon bazali komona
Israël té. Tango yango, ba soldat ya Pharaon
baloba : “Tomoni bango lisusu té. Bakei
wapi?”

Sik’oyo, mwana moko asala lokola Moïse.
Asala lokola azali kosimba nzete, atombola
yango likolo ya mayi. Ba drap elali na mabele
lokola mayi. Bana minei basimba yango,
mibale na elamba nyonso, batelemisa yango

lokola bitutu ya ndako. Bana nyonso ya Israël balanda nzela yango, bakatisa.

Bana bayemba pe babina :

Bana bayemba nzembo “Ndenge nini Moïse akatisaki Ebale ya Motane ?” ba verse nyonso mibale.

11.7 Nzambe asilisaki Pharaon ná basoldat na ye. Kobima 14:23-28

Tangela bana:

23 Ba-Egyptien balandaki bango, bakoti na ebale sima na bango, ná bapunda nyonso ya mokonzi monene ya Egypte ná ba Char na ye, pe bato oyo batambwisaka yango.

24 Ndakokande tango tongo elingaki kotana, Yawe, na kati ya likonzi ya moto pe ya mapata, atali basoldat ya Egypte pea tie mobulu na kati na bango.

25 Asali ‘tè makolo y aba Char na bango èkangama makasi pe yango ékomaki kilo po na kotambola. Bongo Ba-Egyptien balobi: “Tókima ba-Isrelite, pamba té Yawe azali kobundela bango.”

26 Yawe alobi na Moïse: “Tombola likolo ya ebale monene, po mayi ézongela ba-Egyptien, ná ba Char na bango pe bato oyo batambwisaka yango.

27 Moïse atomboli loboko likolo ya ebale ; bongo na tongo penza ebale ezongi ndenge ezalaki liboso. Ba-Egyptien balingaki kokima, kasi bakutani na mayi. Yawe asilisi bango kuna, na kaki ya ebale.

28 Mayi ezongi ezipi ba Char, ná bato oyo batambwisaka yango, pe basoldat nyonso ya mokonzi monene ya Egypte oyo balandaki ba-

Israelite na kati ya ebale monene. Ata mot té abikaki.

Tuna bana:

- Ndenge nini Nzambe asukisaki basoldat ya Pharaon ?
(Akomisaki bango buluyeke, Akangaki makolo ya ba pusu-pusu na bango, tii na suka, azongisaki mayi ya Ebale ya Motane likolo na bango ; yango wana, bango nyonso bakufaki.)

Bana basala:

Bana basala bageste lokola bazali basoldat ya Pharaon, pe bazali komona mayi ezali kotiola likolo na bango. Bayebi ete boye bakokufa.

Bana bayemba pe babina:

Bana bayemba nzembo, “Ndenge nini Moïse akatisaki ebale ya Motane? »

11.8 Ba-Israelite basosolaki monene na Nzambe. Kobima 14:29-31

Tangela bana :

29 Kasi ba-Israelite bakatisaki ebale na makolo; mayi etalemaki ngambo na ngambo.

30 Boye mokolo wana Yawe abikisaki baton a ye na maboko y aba-Egyptien. Ba-Israelite bamoni bibende na bango pembeni ya ebale.

31 Awa bamoni ndenge nguya ya Yawe esalaki ba-Egyptien, bayei kobanga ye, batie mitema na ye pe mosali na ye Moïse.

Tuna bana:

- Suka ya makambo oyo pona ba-Israelite ezalaki nini?

(Nzambe abikisaki bango, pe babangaki
Ye, batosaki Moïse pe lokola moto na
Nzambe.)

Bana basala:

Bana basambela Nzambe po bamona monene
na Ye.

Bana bayemba pe babina :

Nzambe abikisi biso !
Lokumu na Ye !

Kosilisa Leson:

Tango oyo ba-Israelite bamonaki 'tè Pharaon
azalaki kolanda bango lisusu, bamonaki
ndenge ya kobima té. Mayi monene ya Ebale
ya Motane ezalaki liboso na bango. Wapi epai
bakokaki kokende? Bamonaki té ndenge ya
kosala. Emonanaki kaka imposible. Kasi
loboko na Nzambe ezali mokuse té. Nakoki
kokanga Ye té. Makambo oyo esalemi ekoki
kokanga Ye ata muke té. Azali Yawe Nzambe.

Devoir pona ba kristu :

Na bomoi na biso pe, tokoki komona lokola
bapasi elekeli biso, ndenge ya Kobima ezali té.
Kasi kanisa ete Nzambe oyo akatisaki Moïse
ná ba-Israelite, Azali Nzambe na biso pe.
Akoki kosalisa biso, ata nzela ezali komonana
té.

Devoir nazali kopesa bino bakristu poso yai,
yang'oyo: Mikolo nyonso, bokanisa ba pasi
nini oyo bozali komona. Ata omoni té ndenge
ya kobima na bapasi yango, tiya yango nyonso
kaka na maboko na Nzambe. Azali makasi!

Kobenga bana oyo bayebi Yesu nanu té :

Boni, oyambà Yesu Kristu na motema pe na
bomoi na yo? Bisu nyonso bato, tozali na
likambo moko oyo ezali na ndenge té ya
kobima na kati na yango biso moko. Tozali
bato mabe. Tosalà masumu na miso na
Nzambe. Tozali na likambo ná Ye po na
masumu na biso. Tokoki té kosala ata eloko
moko oyo ekosala ete tozala malamumu liboso
Ye.

Kasi, lokola Nzambe afongolaki nzela po na
ba-Israelite, ndenge moko Nzambe afongoli
nzela ete biso bato na masumu tokoka koya
na Ye. Nzela yango eazali Yesu Kristu, Mwana
na Nzambe. Yesu Ye moko alobaki : *"Nazali
nzela,"* (Jean 14:6).

Nzela mosusu azali bongo té pona kokoma na
Nzambe. Toma Pierre alobaki : *"Bato bakoki
kobika kaka na nzela na Ye, po Nzambe apesa
bato kombo ya moto mosusu té awa na mokili
oyo oyo ekoki kobikisa bango"* (Misala 4:12).

Yindula ndenge Nzambe afongolaki nzela na
Ebale ya Motane. Soki ba-Israelite baboyaki
nzela oyo Nzambe afongolaki, bakendeki
koluka nzela mosusu, ete bamonaka moko,
okanisi ete balingaki kobika? Bongo té.

Soki oyebi té malamumu-malamumu nde oyambà
Yesu Kristu, tolingi kosalisa yo. Soki obongami
koyamba Ye, sima ya classe, yaka kofanda awa
na bakiti oyo. Tokozala na esengo ya kosalisa
yo.

===SUKA YA LESON 11

LESON 12 TOKUMISA NZAMBE !

Ba-Israelite bakumisaki Nzambe na banzembo. Kobima 15:1-21

I. Preparation ya moniteur pona Leson oyo - – (bongisa yango na ndako liboso ya koya kosala yango na classe)

Moniteur, bongisa Tina to mutu ya Leson :

Na SUKA YA LESON oyo, bana bakozala na posa ya kokumisa Nzambe na makambo nyonso ya malamumu Asalá po na biso.

Moniteur, bongisa verse ya koyekola: Kobima 15:2

Yawe azali makasi na ngai pe lokumu ngai; ye moto abikisi ngai. Azali Nzambe na ngai, tómisa ye; azali Nzambe ya bankoko na ngai, toyembela ye.

Moniteur, bongisa banzembo oyo ezali kokende nzela moko na Leson oyo:

Bandeke bazali koyemba

Kumisa Nzambe !

Mokonzi ya Bakonzi Nyonso

Nkembo, Nkembo

II. Koteya Mikanda ya Bible –

📖 Bato minene na mokanda ya Ebandeli ezali banani ?

(Nzambe, Adami, Eva, Abele, Noa, Abraham, Isaac, Jacob, Joseph)

📖 Bato minene na mokanda ya Kobima ezali banani ?

(Moïse pe Aaron, Pharaon. Moïse pe Aaron bakozala bato minene na mikanda

nyonso 5 ya Moïse.)

📖 Mokanda ya misato ya Bible, sima ya Ebandeli pe Kobima, ezali nini ?
[Moniteur, soki bana bakani té, bayemba nzembo, « Mikanda ya Moïse » po na kokanisa.]

(Ee, ezali mokanda ya Levi.) Levi azalaki moko ya mabota to tribu 12 ya Israel, Levi, mwana ya Jacob, tata ya libota yango. Moïse pe Aaron bazalaki bato ya libota ya Levi. Nzambe aponaki libota Levitique kosala misalu oyo etalaki losambo na Ye. Yango wana, mokanda ya Levi ezali mibeko Apesaki bango Bayuda ndenge nini basengeli kosambela Ye.

III. Kosala Revision –

Revision ya Leson eleki:

Tolobi ete Pharaon azalaki moto monene na mokanda ya Kobima.

† Ndenge nini Nzambe asilisaki Pharaon ná basoldat nyonso na ye ?

(Balandaki ba-Israelite na nzela Nzambe afongolaki na Ebale ya Motane. Sima ya kokatisa ya ba-Israelite, Nzambe ayebisaki Moïse kokitisa loboko pe nzete na ye, bongo mayi ezongaki. Bango nyonso bakufaki na mayi.

Kolanda devoir ya Leson eleki :

Na poso eleki, tosengaki bino bakristu kotiya bapasi nyonso oyo bino bozali komona mikolo nyonso na maboko na Nzambe. Nani amekaki

kosala yango? Botiaki bapasi nini na maboko na Nzambe? Nani akoki koyebisa ndenge Nzambe asalisaki?

➔ IV. Koteya oyo – ⦿

Ebandeli ya Leson:

Esengeli tosa nini soki Nzambe Asalisi biso na tango ya pasi? Esengeli batonda Ye pe kokumisa kombo na Ye. Nzambe Asalisi ba-Israelite na bapasi nini?

(Alongoli bango na bowumbu.

Abikisi bango na ba soldat ya Pharaon oyo bazalaki kolanda bango po na kokangisa bango lisusu.
Ye me manisa banguna ya me pesa bo pasi.)

Sik'oyo ba-Israelite bazali na banguna oyo bazali kolanda bango lisusu té. Bazali bawumbu lisusu té. Bazali libre. Bakosala nini?

Developpement--Makambo minene ya Leson oyo na biteni 3 :

12.1 Moïse ná ba-Israelite bayembaki nzembo na Yawe. Kobima 15:1-2

Tangela bana :

1 Mokolo wana Moïse ná ba-Israelite nyonso bayembaki nzembo oyo : Nalingi nayembela Yawe ; alongi likambo moko ya monene. Abwaki bapunda na ebale monene ; ná bato oyo bamataka yango.

2 Yawe azali makasi na ngai pe lokumu ngai; ye moto abikisi ngai. Azali Nzambe na ngai, tómisa ye; azali Nzambe ya bankoko na ngai, toyembela ye.

Tuna bana :

- Nani akumisaki Yawe ?
(Moïse ná ba-Israelite)
- Ndenge nini bakumisaki Ye?
(Na banzembo)
- Pona nini bayembelaki Ye?
(Po abikisi bango. Ba soldat ya Pharaon oyo balingaki kokanga bango, Nzambe abomaki bango nyonso na mayi.)

Bana basala:

Mwana moko aloba makambo ya malamau Nzambe asaleli ye. Bana nyonso bayembela Ye na likambo yango na ndenge na ye.

Bana bayemba pe babina:

Yemba moko ya banzembo oyo ekoloba po na Leson oyo.

12.2 Batanga na nzembo makambo minene oyo Nzambe asali po na bango—makambo koleka yango na banzambe mosusu ekoki kosala. Kobima 15:3-19.

Tangela bana:

3 Yawe azali elombe ya bitumba. Kombo na ye penza Yawe. . . .

6 Yawe, loboko na yo ya mobali ezali na nguya; yango moto epanzaka banguna na yo. . . .

7 Monene na yo ezali ya koloba té; osilisaka baoyo babundisaka yo. Soki kanda na yo epeli, ezikisaka bango lokola matiti pamba. . . .

11 Yawe, na kati ya banzambe, nani akokani na yo? Nzambe ya sukisa, osalaka makambo ya kokamwa.

13 Okómisi biso eloko na yo penza. Ozali kotambwisa biso na bolingo na yo. Ozali komema biso na nguya na yo, epai ya mboka na yo ya bosantu.

14 Bikolo ya bapaya bakoyoki, bongo bakamwe; ba-Philistin babandi kobanga.

16 Somo pe kobanga ezwi bango. Yawe tango bamoni nguya na yo, bango nyonso bakómi lokola bikeko. Boye afungoli bato na yo nzela, baoyo okómisi bango bato ya ekolo na yo penza.

18 Yawe, ozali mokonzi libel ape seko.

Tuna bana:

- Bayembelaki Nzambe pe bakumisaki Ye po Asali nani?
(Alongi banguna na bango, Atalisi bango nzela, pe alongoli bango na bowumbu.)
- Boni, bamonaki ete moto mosusu to Nzambe mosusu akoki kosala biloko yango ya kokamwa?
(Bongo té. Kaka Yawe Ye moko akoki kosala yango.)
- Pona nini okanisi ete bato ya Canaan bakolenga tango bakoyoka makambo oyo Nzambe asalaka na Ebale ya Motane ?
(Po Nzambe alakaki kopesa ba-Israelite mokili yango ya Canaan, pe Nzambe azalaki kobunda bitumba po na bango.)

Bana basala:

Bana batanga biloko ya malamumu Asali kosalela bango, bayembelaki Ye pona malamumu yango.

Bana bayemba pe babina:

Bana bayemba nzembo mosusu oyo totie po na Leson oyo.

12.3 Miriam atambwisaki basi koyembela Nzambe na mwa-bambunda. Kobima 15:20-21

Tangela bana:

20 Bongo prophete Miriam, ndeko ya Aaron ya mwasi, akamati mbunda pe ákomi kobeta; bongo basi nyonso ya Israël balandi ye na sima, bakómi kobina pe kobeta mbunda.

21 Miriam azalaki koyemba boye: “Boyembela Yawe; alongi likambo moko menene. Abwaki bapunda na ebale; ná Mirisam vandaka liboso na bango ezali kokende kuyemba nde : « Bino yemba na kukumisa Yawe Nzambe po Ye ayebisi lokumu na Ye monene-monene . . .

Tuna bana :

- Sima na Moïse, nani mosusu atambwisaki banzembo?
(Miriam)
- Toyebi nini po na Mirisam?
(Azalaki prophete ya mwasi, ndeko ya Aaron, ndeko ya mwasi ya Moïse. Ezali ye oyo azalaki kokengela Moïse tango mama na ye atiaki ye na kati ya matiti na ebale ya Nile, akendeki kotuna mwana-mwasi ya Pharaon soki akoki koluka mama na kati ya Ba-Ebreu po na kopesa ye mabele.)
- Babetaki nini na banzembo na bango?
(Mwa-bambunda)
- Bazalaki na esengo po Nzambe atalisaki nini?
(Lokumu na ye ya monene-monene)

Bana basala:

Bana nyonso baluka eloko oyo bakoki lobeta lokola mwa-mbunda, to soki ezali té, babeta maboko. Mwana mwasi moko atambwisa bango na koyembela Nzambe nzembo moko. Bana mosusu balanda ye na molongo, Kobima

na esika na banc pe kokota na molongo na couloir na kati classe, pe lisusu kozonga na esika ya kofanda.

Bana bayemba pe babina:

Mwana mwasi mosusu apona moko ya banzembo toyembi, to nzembo mosusu oyo ezali kokumisa Nzambe, pe atambwisa bana na koyemba yango pe kobina.

Kosilisa Leson:

Bana na Israël bayembelaki Nzambe po na esengo na ndenge Abikisaki bango. Biso pe tokoki kokanisa makambo nyonso ya malamuz Nzambe Asalà po na biso. Tokoki koyembela Ye na nyonso ya malamuz Asali.

Bana bayemba: Nzembo ndenge nini Moïse akatisaki Ebale ya Motane?

Devoir pona ba kristu:

Devoir oyo nazali kopesa bino bakristu na poso oyo, yang'oyo: Kotanga mikolo nyonso makambo ya malamuz oyo Nzambe Asaleli yo, pe kokmisa Ye na maloba na yo pe na banzembo.

Kobenga bana oyo bayebi Yesu nanu té:

Nzambe abikisaki ba-Israelite na bowumbu. Bible ezali koloba ete biso nyonso tozalaki

bawumbu ya masumu. Na Jean 8:34, totangi oyo Yesu alobaki, *“Nazali koloba na bino, ya solo: moto nyonso oyo asalaka masumu azali moumbu ya masumu.”* Rome 3:23 elobi: *“bango nyonso basali masumu pe bazangi nkembo ya Nzambe na kati na bango.”* Yango wana, kozanga Yesu, biso nyonso tozali bawumbu ya masumu.

Kasi Yesu, Mwana na Nzambe, Ayaki po na kolongola biso na bowumbu ya masumu na ndenge ete tosalela Nzambe.

Boni, Yesu Alongoli yo na bowumbu ya masumu? Boni, oyebi yango malamuz-malamuz? Boni, okoki kokanisa tango oyo Asalaki yango?

Soki ozali na boni-boni, na likambo yango, yaka kofanda awa na bakiti oyo sima ya ecodim. *[Moniteur, lakisa wapi.]* Tokoya kosalisa yo na kokata likambo yango malamuz-malamuz po ozala pe mukristu.

==SUKA YA LESON 12

LESON 13 TOSENGA NZAMBE APESA BISO BILOKO YA MUTUYA.

Nzambe kosalisaka bato na Ye lisusu ti lisusu.

Kobima 15:22-27, 16 kino na 17:1-7

I. Preparation ya moniteur pona Leson oyo - – (bongisa yango na ndako liboso ya koya kosala yango na classe)

Moniteur, bongisa Tina to mutu ya Leson:

Na SUKA YA LESON oyo, bana bakososola ete soki tozali kozanga oyo tozali na yango bosenga, tozali kokoka lisusu té, kasi tosenga Nzambe akopesa biso, po Nzambe alingi kosalisa bato na Ye.

Moniteur, bongisa verse ya koyekola:

Filipe 4: Bómitungisaka ata moke té, kasi bóbondelaka Nzambe po na kosenga ye nyonso oyo bozali na yango posa; pe bópesaka ye merci.




Moniteur, bongisa banzembo oyo ezali kokende nzela moko na Leson oyo:

Senga na Nzambe Kaka
Nzambe Akoyoka na Suka
Nzambe Akoyoka yo



II. Koteya Mikanda ya Bible—

Bana bayemba « Mikanda ya Moïse » pe baloba mikanda 5 ya Moïse.

Niveau Primaire :

-  Bana, bakanisa : Bible mobimba ezali kolakisa nani ?
(Yesu Messie Mobikisi).
-  Mikanda 37 ya liboso ya Bible, Ebandeli kino na Malachie, bazala na Boyokani ya Kala. Mikanda oyo ezali kolakisa biso nini ekosalema po na Yesu?
(Ye Akoya.)
-  Mikanda ya Boyokani ya Kala, boni, bakómaki yango liboso ete Yesu aya, to sima?
(Liboso)

Niveau secondaire :

-  Mokanda ya liboso, Ebandeli, elakisi biso nini po na Messie oyo akoya?
(Biyano possible—
--Ebandeli 3:15 elakisaki biso ete Messie akobotama kaka ya mwasi, kozanga mobali.
--Akobotoma na famille ya Abraham, pe Nzambe akopambola mabota nyonso kati na Ye. Ebandeli 12:2)
-  Mokanda ya mibale, Kobima, elakisi biso pe po na Messie oyo akoya?
(Biyano possible—
--Akopesa makila na Ye lokola makabo po Nzambe aleka masumu na biso. Kobima 12:13.
--Lokola mwana-mémè esengeli ezala kitoko kozanga mbeba, Messie akozanga masumu. Kobima 12:5a)

III. Kosala Revision –

↑ Revision ya Leson eleki :

Na ba Leson eleki, tomonaki ete Nzambe asalisaki ba-Israelite ndenge nini?

(Abimisaki bango na bowumbu na Egypte, pe alongaki banguna na bango oyo balingaki kokanga bango.)

- † Basalaki nini sima ete Nzambe abikisaki bango?
(Bakumisaki Ye na banzembo pe na kobina.)

Kolanda devoir ya Leson eleki:

Na poso eleki, tosengaki bino bakristu kotanga mikolo nyonso bolamu oyo Nzambe asali yo, pe kokumisa Ye na nyonso Asali. Nani asalaki yango? Nani akoki koyebisa biso na likambo nini akumisaki Nzambe? *[Moniteur, tango nyonso okotuna question lokola oyo, zela muke po na kopesa bana tango ya koyanola.]* Matondo na bino oyo bozali kosala makasi na kokokisa ba devoir oyo biso tozali kopesa bino. Soki bosali yango na motema ya solo, ekosalisa bino mingi na kikristu na bino.

IV. Koteya bana Leson oyo –

Ebandeli ya Leson:

Mikolo nyonso tozali na makambo oyo tozali na yango bosenga na bomoi na biso. Atako Nzambe Akosalisaki biso lobi, tozali na bosenga ya biloko mosusu lel'oyo. Mikolo nyonso, tozali na bosenga ya mupepe, ya mayi, ya bilei, ti ya biloko mosusu.

Nzambe asalisaki ba-Israelite makasi. Abimisi bango na pasi ya bowumbu na Egypte. Kasi sima, bazalaki na bosenga ya biloko mosusu. Totala lel'oyo ndenge nini Nzambe akosalisa bango na biloko oyo pe. Ekolakisa biso pe

ndenge nini tosengeli kosala tango oyo tozali na bosenga ya biloko na bomoi na biso.

Developpement--Makambo minene ya Leson oyo na biteni 3:

13.1 Nzambe Asalisaki bango tango bazangaki mayi ya malamumu ya komela. Kobima 15:22-27

Tangela bana:

22 Moïse alongoli ba-Israelite penepene ya ebale ya Motane pa bakei na esobe ya zelo ya Schur. Batamboli mikolo misato na esobe yango, pe bamoni ata mayi té.

23 Tango bakomi esika mayi ezali, bakokaki komela yango té po ezalaki bololo. Yango wana bapesá yango esika yango kombo Mara.

24 Bato babandi koyima-yima po na Moïse, bakómi koloba : "Sik'oyo tokomela nini ?"

25 Moïse abondeli Yawe pe ye alakisi ye nzete moko, Bongo Moïse abuki mwa-ndambo, abwaki yango na mayi, pe mayi ekómi malamumu. Kaka na esika yango Yawe apesaki ba-Israelite mibeko pe bizaleli oyo basengeli kobatela ; amekaki bango wana. . . .

27 Sima ba-Israelite bakomi na Elim, kuna, mayi ezalaki kobima na mabele na bisika zomi na mibale, pe banzete ya mabela ezalaki tuku sambo (70). Bapikaki bandako na bango ya Capot wana penepene na mayi.

Tuna bana:

- Pasi nini ba-Israelite bamonaki na esika ya zelo - zelo?
(Posa ya mayi ya malamumu ya komela)

- Tango bamonaki mayi, bapasi nini oyo bamonaki?
(Ezalaki bololo mingi, ndenge ya komela yango ezalaki té.)
- Posa ya mayi ya komela ezali pasi ya makasi to ya muke?
(Ya makasi. Biso nyonso tozali na bosenga ya mayi ya komela.)
- Ata ba-Israelite bamonaki nguya na Nzambe na Ebale ya Mayi ya motane, basengaki Ye té kosalisa bango mbala oyo. Basalaki makambo ya mabe ?
(Basalaki koyima-yima na Moïse.)
- Nzambe ayebisaki Moïse nini esengelaki kosala ?
(Kobwaka yango na mayi ya bololo, ekoma kitoko)
- Sima bakendeki lisusu, bakómaki wapi ?
(Esika mayi ezali ebele—bato 12 pe banzete ya mabela)

Bana basala:

Bana basala mwa-scenette lokola bazali na esengo po bazali, po bamoni mayi. Kasi tango bameki yango, ezali bololo mingi-mingi.

Mwana moko asala lokola azali Moïse oyo azali na nzete na ye pe azali kobwaka yango Nzambe ayebisi ye. Bana bameka lisusu mayi, bamela yango mingi, pe basepela po ezali kitoko.

Bana bayemba pe babina:

Boyima-yima té, bandeko
Nzambe ayebi kopesa biso mayi.

13.2 Nzambe asalisaki bango na bilei oyo ewutaki na likolo tango bazalaki na nzala. Kobima 16:1-35

Tangela bana:

1 Lisanga mobimba ya Israël elongwe na mboka Elim. Bongo na mokolo ya zomi na mitano (15 ya sanza ya mibale, sima ya kobima na Egypte, bakómi na esobe ya zelo ya ya Sin, oyo ezali na kati-kati ya Elim na ngomba ya Sinai.

2 Kuna, Bato nyonso babandi koyima-yima po na Moïse ná Aaron,

3 Balobi: “Soki kutu Yawe ábomaka biso na Egypte mbele malamú. Kuna tozalaki kofandela banzungu etondá na nyama pe tonadaki kolia ndenge tolingi. Kasi bino boyei na bison awa na kati ya esobe ya zelo, po tókufa na nzala.”

4 Yawe alobi na Moïse: “Sik’oyo, nakotindela bino bilei oyo ekowuta na likolo. Mikolo nyonso bato basengeli kolokota bilei oyo ekoki po na mokolo yango boye na komeka bino po nátala soki bokolanda mibeko na ngai.

5 Na mokolo ya motoba, tango bokolamba bilei oyo bolokotaki, yango ekokóma ekokóma bilei ya mikolo mibale.” . . .

8 Pe Moïse ayebisi bango boye: “Bokomona nkembo ya Yawe pamba té akopesa bino nyama na pokwa pe mapa na tongo ndenge bolingi. Ya solo, Yawe as’ayoki ndenge bozali koyima-yima po na ye. Bongo biso tozali banana? Bozali koyima-yima po na biso té, kasi p na Yawe.” . . .

14 tango mayi yango ekawuki, mabelé nyonso ya esobe etondaki na biloko moko ya pembe-pembe, lokola bambuma ya mike-mike ya pepele.

15 Tango ba-Israelite bamoni yango, bayebaki té soki azali nini, pe batunani bango na

*bango: "Oyo nini?" » Moïse azongiseli bango:
"Oyo ezali mapa Yawe apesi bino po bolia. . .*

21 Banda mokolo wana, tango nyonso bazalaki kolokota bilei yango, moto na moto na ndege ekoki na ye. Kasi moyi ezalaki koya makasi, yango ezalaki kokoma mayi-mayi.

22 Na mokolo ya motoba, tango basilisaki kolokota bilei, bayei komona 'té ekoki ekoki na mikolo mibale; moto moko-mokoazwaki bakopo tuku mibale (20)...

23 Bongo, Moïse alobi na bango: "Ee, Yawe alobaki bongo. ...

26 . . .na mokolo ya sambo, mokolo ya Kopema, ekobanda kozala té." . . .

31 Ba-Israelite bapesaki bilei yango kombo "Manne." Ezalaki mpembe lokola mbuma ya nzete ya Coriandre, pembe elengi lokola mikate basali na mafuta na ndakoi. ...

35 Ba-Israelite bazalaki kolia manne mbula tuku minei (40) tii tango bakómaki pembeni ya bandelo ya mboka Canaan, esika balingaki kofanda.

Tuna bana:

Pasi nini oyo mibali ya ba-Israelite bamonaki na esika oyo ya zelo na zelo?
(Nzala. Ekoko ya kolia ezalaki té.)

Boni, basambelaki Nzambe kosalisa bango, to babandi koyima-yima lisusu?
(Kaka koyima-yima)

Nzambe asalisaki bango ndenge nini?

(Atiaki eloko ya kolia lokola mikati ná sukali na mabele na suka, pe Atindaki banyama lokola bakangala na pokwa.)

Boni, bato basosolaki ete bilei ya suka ezalaki nini?

(Bongo té. Babengaki yango manne, elimboli ete, 'Nini oyo?')

Bana basala:

Bana nyonso basala lokola bazali kolokota manne na mabelé. Sima, batombola maboko lokola bazali losimba bakangala oyo ezali koya penepene. Bango nyonso basala lokola bazali kolia malamau, bazali kotonda.

Bana bayemba pe babina:

Koyima-yima té, bandeko,
Nzambe ayebi kopesa biso bilei.

13.3 Apesaki bango lisusu mayi. Kobima 17:1-7

Tangela bana:

1 Lisanga mobimba ya Israël elongwe na esbe ya Sin ndenge Yawe alobaki. Basali mwa-mikolo na nzela, tii bakei kopika bandako na bango ya Capot na Rephidim. Kasi mayi ya komela ezalaki té na esika yango.

2 Ba-Israelite babandi koswanisa Moïse, balobi: Pesa biso mayi ya komela." Moïse azongiseli bango: " po na nini bozali koswanisa ngai ? Po na nini bozali komeka Yawe boyé ?

3 Kasi lokolo bato bazalaki kaka na posa ya mayi, bazalaki koyima-yima: "Po na nini obimisaki biso na Egypte ? Po tóya kokufa na poso ya mayi awa, ná ban ape banyama na biso ?"

4 Moïse abeleli Yawe, alobi: "Násala nini po na bato oyo? Etikali moke bábom ngai na mabanga."

5 Yawe azongisi: "Kamata ndambu ya bambuta-muntu ya Israël, bóleka liboso ya

bato pe bókende, kamata pe nzete oyo obetaki na ebale Nil.

6 Ngai na kotelema kuna liboso na yo, na libanga ya ngomba ya Horeb; okobeta na libanga yango pe mayi ekobima, bongo bato bakomela.” Moïse asalaki se bongo na miso ya bambuta-muntu ya Israël.

Tuna bana:

- Nzambe apesi bango mayi ya malamumu mbala moko. Boni, Sik’oyo wana bazali lisusu ná nzala, bayekoli kosenga na Nzambe biloko oyo bazali na yango bosenga ?
(Bongo té. Bazalaki kaka koyima-yima.)
- Nzambe Asalisaki bango ndenge nini ?
(Ayebisaki Moïse koloba na nzete na ye, kobeta na Libanga, bongo mayi ebimaki.)

Bana basala :

Makambo oyo basengelaki kosala, bazalaki bayekoli nanu té kosambela Nzambe. Kosenga Ye biloko oyo bazalaki na yango bosenga. Bana nyonso basala lokola bazali kosambela po na mayi pe bilei oyo ezali na bosenga.

Bana bayemba pe babina:

Kaka sambela Nzambe, bandeko Nzambe alingi kosalisa bino.

Kosilisa Leson :

Biso nyonso tozali na biloko oyo tozali na yango bosenga. Mbala mingi, lokola ba-Israelite, tozali koyima-yima. Kasi Nzambe alingi biso tosambela. Alingi biso totia Ye motema. ALINGI kosalisa bato na Ye.

Devoir pona ba kristu:

Devoir nazali kopesa bino bakristu, bino oyo boyebi Yesu deja na motema na bino,

yang’oyo: Na poso ezali koya, boyima-yima té, kasi bosambela Nzambe mikolo nyonso. Bosenga Ye biloko nyonso oyo bino bozali na yango bosenga.

Kobenga bana oyo bayebi Yesu nanu té:

Kasi soki oyebi Yesu nanu té na motema na yo, soki otie Ye motema nanu té abikisa yo, okomi mwana na Nzambe nanu té. Otikali libanda ya famille na Nzambe.

Kasi esengeli ya kotikala lolenge wana té. Nzambe alingi ete moto nyonso abika, moto nyonso abongola motema, moto nyonso akóma mwana na famille na Ye. Esengeli kaka kondima ete osali makambo oyo Nzambe alingi té. Tobengi makambo yango « masumu. » Masumu ekati boyokani na yo ná Nzambe. Kasi Nzambe alingaka yo mingi. Yango wana, atindaki Mwana na Ye Yesu Kristu po na kobikisa yo. Yesu akufaki na ekulusu lokola likabo to mbeka ya kofuta nyongo ya masumu na yo pe ya biso nyonso. Ye asekwaki na liwa, Ye azongaki na likolo.

Lel’oyo, maboko na Ye ezali ya kofongola po na koyamba nani oyo akoya na Ye na kondima. Boni, okoya na Ye lel’oyo? Kaka benga Ye esika ozali. Yebisa ye ete osalà masumu, kasi lel’oyo olingi kobongola motema, olingi otia motema na ye. Akoyamba yo na famille na Ye.

Soki ozali na bosenga ya lisungi, to, soki olingi oyamba Yesu na motema na yo lel’oyo, pe olingi koyebisa biso, sima ya ecodim, yaka kofanda awa na bakiti oyo, po tokoka kosalisa yo.

===SUKA YA LESON 13

LESON 14 TOYAMBA LISUNGI YA BATO MOSUSU

Moïse azalaki na bosenga ya lisungi. Kobima 17:8-16, mokapo 18

**I. Preparation ya moniteur pona Leson oyo -
– (bongisa yango na ndako liboso ya koya kosala yango na classe)**

Moniteur, bongisa Tina to mutu ya Leson:

Na SUKA YA LESON oyo, bana bakososola ete biso nyonso tozali na bosenga ya lisungi ya bato mosusu na bomoi na biso. Yango wana, tozala té na lolendo ya kokanisa ete biso moko tokoki kosala nyonso, kasi tozala na motema ya koyamba lisungi.

Moniteur, bongisa verse ya koyekola:

Mosakoli 4:12

Na etumba oyo moto moko akoki kokweya, bato mibale bakoki kolonga. Eleki malamuru kutu kozala bato misato, po soki basangisi basing misato esika moko, ezali pasi mingi koleka po na kokata yango.

*[Moniteur, NB: Kosala confusion té na kati ya mokanda ya Mosakoli, oyo ezali moko ya mikanda ya Poesie, mokanda ya Mokonzi Salomon ekomaki, pe **Kozongela**, oyo ezali moko ya mikanda 5 ya Moïse. Toyekoli nanu té mikanda ya Poesie, kasi tokozwa kaka verse oyo po na kolakisa tina ya Leson malamuru.]*

Moniteur, bongama na nzembo oyo ezali kotambola nzela moko ná Leson oyo:

Singa ya Basinga Misato

II. Koteya Mikanda ya Bible –

Niveau Primaire:

Loba mikanda 5 ya Moïse na molongo, pe na mulongo renversé (Banda na mokanda ya 5, bongo 4, 3, 2, 1).

Niveau Secondaire:

Salisa bana bakanisa lisusu ndenge ya komona ba verse na kati ya Bible (mokanda, mokapo, verse). Sima, soki bana bazali na ba Bible, pesa bango ba verse oyo ya komona moko moko na kati ya mikanda 5 ya Moïse:

Ebandeli 1:27, Ebandeli 6:8, Kobima 3:7, Levitique 9:6, Kotanga 5:7, Koteya 1:9

III. Kosala Revision –

Revision ya Leson eleki:

- † Tango ba-Israelite babimaki na Egypte, bakotelaki na mabele ya zelo - zelo. Kuna, bazalaki na bosenga ya nini? (Ya mayi pe ya bilei)
- † Nini elingaki kozala ndenge ya malamuru ye kosala na tango yango? (Kosenga na Nzambe biloko oyo bazalaki na yango bosenga)
- † Solo, basambelaki Nzambe té, kasi basalaki nini na tango yango? (Bayimaki-yimaki na Moïse.)
- † Na losambo ya Moïse, Nzambe asalisaki bango ndenge nini? (Apesaki bango bango mayi malamuru ya komela, mapa ya sukali oyo babengaki 'manne' na suka, pe mosuni ya kangala na pokwa.)

Kolanda devoir ya Leson eleki:

Na poso eleki, topesaki bino bakristu devoir ya koyima-yima té, kasi ya kosenga makambo nyonso oyo bozali na yango bosenga na Nzambe.

Nani asalaki makasi po na kosala yango? Bosengaki nini na Nzambe? *[Moniteur, yoka eyano ya bana. Soki basengi biloko oyo balingaka, kasi ezala penza biloko bazalaka na yango bosenga, kosalisa bango na kozwa mokano malamumu na likambo yango. Nzambe akoki kopesa biso biloko tolingi, kasi azali kopesa biso encouragement kosenga biloko oyo tozali na yango bosenga.]* Nani amoni ete Nzambe asalisi bango na losambo na bango?

IV. Koteya bana Leson oyo –

Ebandeli ya Leson:

Mwana moko alingaki kosala makambo nyonso kaka ye moko. Toko benga ye « Ngai Moko ». Famille epesaki ye mosala ya kolongola matiti mabe na bilanga. Banninga bayebisi ye ete, « Tokosalisa yo. Soki biso nyonso tosali ekozwa tango ebele té. Sima, tokokende kobeta football.” Kasi ‘Ngai Moko’ andimaki té. “ ‘Ngai moko’ nakoki kosala yango,” azongisaki.

Yango wana, asalaki na bilanga ye moko mokolo mobimba. Banninga na ye bakendekei kebata football. ‘Ngai moko’, ye akangamaki kaka na bilanga. Butu ekweyaki, kasi ‘Ngai Moko’ azalaki kaka kosala na bilanga.

Lel’oyo tokomona nini Moïse asalaki tango makambo lokola oyo ekweyelaki ye.

Developpement--Makambo minene ya Leson oyo na biteni 7:

14.1 Bandeko na bango bato ya Amaleki bayaki kobunda na ba-Israelite na nzela. Kobima 17:8-9a

Tangela bana:

8 Kaka kuna na Rephidim ba-Amalekite baye kobundisa ba-Israelite.

9a Bongo Moïse alobi na Josué : « Pona bato, pe lobi na tongo kende kobunda ná ba-Amalekite, ... »

Tuna bana :

- Ba-Amalekite bazalaki bandeko distant ya ba-Israelite, bana ya Esau oyo bazalaki koleka Jacob (Ebandeli 26:12). Bayaki kosala nini na bato ya Israel ? (Kobundisa bango)

Tuna bana oyo bakoli:

- Boni, ba-Israelite bayaki kozwa mabele ya baa-Amalekite?
(Bongo té. Balingaki bakende na Canaan, esika Nzambe alaka na kopesa bango. Na mabele ya ba-Amalekite, balingaki kaka koleka.)
- Bongo, ba-Amalekite na bosenga nini ya kobundisa ba-Israelite?
(Bosenga moko ezalaki té. Ba-Amalekite balakisaki kaka motema ya mabe.)

Bana basala :

Bana basala mwa-scenette ezali kotalisa likamb’oyo. Ndambu ya bana bazala ba-Israelite, bameka koleka kaka. Ndambu mosusu bazala ba-Amalekite, baye kobundisa ba-Israelite, bameka kokanga bango nzela.

Bana bayemba pe babina:

O, bandeko ba-Amalekite
Pona nini bozali kosala boye?
(Ezali mabe!)
Pona nini bozali kosala boye?

14.2 Moïse alongaki ná Nzambe na loboko, bongo soki maboko ezali likolo, Israël azali kolonga, kasi tango Moïse alembi pe akitisi loboko, Amalek azali kolonga. Kobima 17:9b-11

Tangela bana:

9b ... ngai nakokende kotelema na songe ya ngomba pe nakosimba nzete ya Nzambe na loboko na ngai."

10 Josué asali ndenge Moïse ayebisaki ye, akeyi kobunda ná ba-Amalekite, ndakokande Moïse, Aaron ná Hur, bamati na songe ya ngomba.

11 Tango bazalaki kobunda, soki Moïse atomboli loboko na ye, ba-Israelite bakomi makasi, kasi soki akitisi yango, ba-Amalekite bakómi kolonga.

Tuna bana:

- Na bitumba yango, ndenge nini ba-Israelite bazalaki kolonga?
(Tango nyonso oyo Moïse azali kotombola nzete na maboko na ye, Israël ezalaki kolonga.)
- Nini esalemaki soki Moïse akitisi loboko na ye?

Bana basala:

Bana basala mwa-scenette koyebisa nini esalemi. Ndambu oyo ba-Israelite ezali, babima, bongo bakota lisusu na salle na mulongo. Ndambu ya ba-Amalekite. Bakende

kobundisa ba-Israelite, bameka kokanga bango nzela. [*Moniteur, oyo ezali lisano. Keba ete bana babunda té ya solo.*]

Bana bayemba pe babina:

Bandeko na bango ba-Amaleki bakangaki bango nze mosusu Po baleka té.

14.3 Yango wana, Aaron ná Hur basalisaki na kotombola maboko ya Moïse. Yango wana, Israël alongaki. Kobima 17:12-13

Tangela bana:

12 Na sima maboko ya Moïse elembaki. Aaron ná Hur bakamati libanga moko pe bamemi yango epai ya Moïse po afandela yango. Bongo Aaron ná Hur basimbi maboko na ye, moko epai pe mosusu epai; boye maboko na ye elembaki té tii tango moi.

13 Ndenge wana, Josué alongaki ba-Amalekite na etumba.

Tuna bana:

- Tango Moïse lalembaki, Aaron ná Hur basalisaki ye ndenge nini?
(Batombolaki maboko na ye lokolo.)

Bana basala:

Bana misato baya liboso kosala mwa-scenette. Moko azala Moïse. Ndambu ya bana mosusu bazala Israël pe ndambu oyo mosusu bazala Amalek. Moïse atombola maboko, bongo Israël elongi bitumba. Bango nyonso baganga ete, « O yea, o yea, tozali kolonga-ee."»

Moïse alemba, akitisa maboko, bongo Amaleki balonga bitumba. Ba-Amalekite nyonso

baganga ete, “O yea, o yea, biso tozali bato ya Amalek, tozali kolonga-ee.”

Aaron ná Hur atombola maboko ya Moïse, bongo Israël bayemba pe baganga lisusu. Na suka, Israël balonga.

Bana bayemba pe babina:

Aaron ná Hur
Basalisaki Moïse.
Batombolaki maboko
Na ye likolo.
Po Israël elonga,
Po Israël elonga.

14.4 Bokilo ya Moïse, Jéthro, ayaki kotala Moïse na mosala, ná mwasi, ná bana ya mibale ya Moïse. Kobima 18:1-12

Tangela bana:

1 Jéthro, Nganga-Nzambe ya Madian pe bikolo ya Moïse, ayokaki makambo nyonso oyo Yawe asalaki Moïse ná ekolo na ye Israel; ndenge abimisaki bango na Egypte.

2 (Ye) Akamataki Séphora, mwasi ya Moïse . . .

3 pe bana na ye mibale. Mwana na ye ya liboso kombo na ye ezalaki Gershom, pamba té Moïse alobaki: “Nazali mopaya na mboka oyo.”

4 Mwana ya mibale ezalaki Eliezer, pamba té Moïse alobaki: “Nzambe ya tata na ngai asalisaki ngai pe abikisaki ngai, tango mokonzi monene y aya Egypte alingaki koboma ngai.” . . .

7 Moïse ayei kokutana na ye, afukami elongi na se liboso na ya, pe ayambi ye. Batunani basango, bongo bakoti na ndako.

8 Moïse abandi koyebisa bokilo na ye makambo nyonso oyo Yawe asalaki mokonzi monene ya Egypte pe Egypte mobimba po na Israel, pe ndenge Yawe asalisaki anga na pasi oyo bazwaki na nzela.

9 Jéthro aseveli na bolamu oyo Yawe asalaki ba-Israelite tango alongolaki bango na maboko ya ba-Egyptien. . . .

12 Jéthro amemi banyama po bapesa Nzambe mabanza ya kozikisa pe ya kolia. Bongo Aaron ná bambuta-muntu nyonso ya Israel bayei kasa fête na miso ya Nzambe, esika moko ná bokilo ya Moïse.

Tuna bana:

- Pona nini bokilo ya Moïse Jéthro ayaki kotala ye?
(Po ayokaki makambo nyonso oyo Nzambe asalaki po na Israël.)
- Amemelaki Moïse nani?
(Mwasi na ye Séphora ná bana na bango mibale, Gershom pe Eliezer)

Bana basala:

Bana 5 basala mwa-scenette. Moïse azali kozwa repos, bongo bana minei (4) baya na ye—Bokilo na ye Jéthro, Mwasi na ye Séphora, pe bana na ye, Gershom pe Eliezer. Bango nyonso bayambana na esengo.

Bana bayemba pe babina:

Esengo na Moïse
Komona famille lisusu.

14.5 Jéthro amonaki mokumba ya Moïse kosambisa bato, banda na tongo tii na butu. Kobima 18:13-16

Tangela bana:

13 Na mokolo oyo elandaki, Moïse abandaki kosambisa makambo ya bato. Banda tongo tii pokwa, bato bazalakikoya koamba epai na ye.

Tuna bana:

- Mosala ya Moïse ya kosambisa bato esengaki tango boni?
(Mokolo mobimba, tongo tii na butu)

Bana basala :

Bana basala mwa-scenette. Moko azala Jéthro ayei kaka kotala Moïse. Moko azala Moïse, bana mosusu, bato ya Israel. Mibale-mibale, baya na Moïse na mulongo molayi po ye sambisa bango. Moïse aloba ete alembi mingi.

Bana bayemba pe babina:

Moïse misala mingi
Elekeli ye.

14.6 Jéthro ayebisaki Moïse ete azalaki na bosenga ya lisungi. Kobima 18:17-23

Tangela bana:

17 Bokila na ye alobi: "Ndenge osalaka ezali mabe.

18 Yo ná baton a yo bokolemba. Mosala eleki makasi po na yo, okoki kosala yango yo moko té!

19 Sik'oyo yoka toli na ngai pe Nzambe ázala na yo : Yo moko osengeli kokende koloba makambo ya bato epai ya Nzambe ;

20 Akolakisa bango pe mibeko ná mitindo na ye nyonso, okolakisa bango nzela oyo basengeli kolanda, pe makambo oyo basengeli kosala.

21 Kasi po na makambo oyo etikali, pona na kati ya ekolo mobimba bato ya lokumu, baoyo batosaka Nzambe, baoyo bato bakoki kotiela

mitema pe bazwaka avocat té ; tia bang oba chef ya bato nkoto moko (1.000), kama moko (100), tuku mitano (50), to ya bato zomi.

22 Bango bato bakobanda kosambisa makambo ya bato mikolo nyonso. Makambo ya minene bakobanda komema yango epai na yo, kasi oyo ya mike-mike bango moko bakozala kokata yango. Boye mosala ekoleka yo ndelo té, po bango bakosalisa yon a mokumba yango.

23 Soki osali bongo, Nzambe akolakisa yo ndenge okosala; boye okolemba té, pe bato nyonso bakobanda kozonga na bandako na boboto po makambo na bango ekatani."

Tuna bana:

- Pona nini Jéthro amonaki ete ndenge Moïse azalaki kosambisa bato mokolo mobimba, ekozala malamú té ?
(Po olembisaki Moïse makasi)
- Nini ezalaki Conseil na ye ?
(Kosala bango bato malamú, kotia bango bamukolo, basalisa Moïse na kosambisa makambo ya mike. Lolenge wana kaka makambo minene ekoya na ye.)

Bana basala:

Bana mibale basala mwa-scenette: Moïse ná Jéthro.

Jéthro ayebisa Moïse mosapi ete, « té, té, té! Mosala elekeli yo. Esengeli koluka lisalisi. »

Bana bayemba pe babina:

Moïse, Moïse,
Luka lisalisi!

14.7 Moïse alandaki Conseil ya Jéthro ; ALukaki lialisi na mosala na ye. Kobima 18:24-27

Tangela bana:

24 Moïse alandi toil ya bokilo na ye pe asali makambo nyonso ndenge ye alobaki.

Tuna bana oyo ya mike:

- Boni, Moïse ayoki Conseil ya Jéthro?
(Ee, ayoki pe alandi yango.)
- ALuki nini na mosala na ye?
(Lialisi)

Bana basala:

Moïse atambola na kati ya bana mosusu, pe apona bato bakosalisa ye.

Bana bayemba pe babina:

Moïse andimaki lialisi.

Malamu na ye!

Kosilisa Leson:

Moïse azalaki moto monene pe ya makasi na makambo na Nzambe. Kasi mbala mibale na Leson oyo, tomoni azalaki na bosenga ya lialisi. Andimaki lialisi, yango wana Nzambe asalisaki ye ná bato nyonso ya Israël, pe abakisaki bango makasi lisusu.

Biso nyonso tozali na bosenga ya lialisi. Nzambe asala biso té po tosalaka kaka biso moko. Soki moto akanisi ete ezali kaka ye moko akoki, wana ezali lolendo na ye. Malamu biso nyonso toluka lialisi, pe tosalisana na mosala na Nzambe pe na mosala

na biso ya mikolo nyonso. Singa oyo *basali na basinga misato ezali pasi na kokata.*

Verse ya koyekola:

Bana baloba Mosakoli 4:12 mbala mibale, sima bayemba nzembo yango.

Devoir pona ba kristu :

Devoir oyo nazali kopesa bino bakristu, yang'oyo: Na poso ezali koya, bozala lombangu kokata soki lialisi ezali bosenga, bozala lombangu kosalisa bato mosusu soki basengi yango.

Kobenga bana oyo bayebi Yesu nanu té:

Kasi, soki oyambi Yesu nanu té na bomoi na yo, ata moto moko mosusu akoki kosalisa yo té na makambo yango. Kaka Yesu akoki kobikisa yo. Tuma Piere alobaki, "Bato bakoki kaka kobika na Ye [Yesu]" (Misalu 4:12).

Kaka yo moko okoki kofungola ekuke ya motema na yo, kaka yo okoki kobenga Ye kokota na bomoi na yo. Na Koyebisa Ba-Sekele 3:20, Yesu aloba: "*Ngai oyo natelema liboso ya porte na bino pe nazali kobeta. Soki moto ayoki mongongo na ngai pe afungoli porte, nakokota na ndako na ye, bongo ngai ná ye tokolia esika moko.*"

Boni, Azali kobeta na ekuke ya motema ya yo sik'oyo? Boni, okofungola ekuke na Ye lel'oyo? Soki olingi kosolula makambo oyo, to soki olingi moto mosusu asambela ná yo na likambo yango, yaka kofanda awa [*moniteur, lakisa wapi*] na bakiti oyo sima ya ecodim, po tosalisa yo.

===SUKA YA LESON 1

LESON 15 TOKOKI KOMIBIKISA TÉ; TOZALI NA BOSENGA NA YÉSU.

Apesaki bango mibeko na Ye minene. Kobima 19 kino na 20:17

I. Preparation ya moniteur pona Leson oyo - – (bongisa yango na ndako liboso ya koya kosala yango na classe)

NB : Information po na yo, moniteur kososola, soki question oyo ebimi:

Bandeko na biso Ba Catholique bakaboli mibeko na Nzambe na ndenge ya bokeseni ná biso ba protestant. Batangaka té : “ Kosala bikeko té to bililingi ya biloko . . . ” (Kobima 20:4-6) lokola mobeko ya mibale. Batangaka ‘Kosalela kombo na Nzambe mpamba-mpamba té’ lokola mobeko ya mibale.

Bongo, po na bakóma na mibeko zomi, basosolaka mobeko ya suka, “Kolula eloko ya moninga té.” (20:17). Batangaka biloko mosusu oyo tosengeli kolula té na yango lokola mibeko oyo mibale.

Kasi bokeseni oyo ézali komonana, okoki kotuna bana pona nini bokanisi Catholique atangaka té “Kosalela bikeko to bilili té ” lokola mobeko. (Boni, ekoki kozala po pratique na bango balingi bikeko oyo mobeko ya mibale eboyi ?)

Moniteur, bongisa liboso:

Okozala na bosenga kosalela kiti moko na 15:1, Bana basala.

Moniteur, bongisa Tina to mutuya ya Leson:

Na SUKA YA LESON oyo, bana bakososola ete Mibeko na Nzambe ézali kolakisa biso ndenge Nzambe alingi tobika ná Ye, pe ná bato mosusu. Tokokaka té kolanda yango nyonso,

yango wana, tososoli ete tozali na bosenga ya Mobikisi.

Moniteur, bongisa verse ya koyekola:

Rome 3:20b « ... Pamba té Mibeko ézali bobele kolakisa bato 'tè bazali kosala masumu. »

Moniteur, bongisa banzembo oyo ézali kokende nzela moko na Leson oyo:

Mibeko Zomi ya Kolanda

Luc 4:8

II. Koteya Mikanda ya Bible –

Tomoni Mibeko 10 oyo Apesaki bango bato na Kobima mokapo 20.

Bato baloba na ndenge rytmique:

Mi-**beko Zo**-mi ya **Nza**-mbe-ee

Ko-bi-**ma** Mo-**ka**-po zomi na **zo**-mi—ee.

III. Kosala Revision –

Revision ya Leson eleki:

Tomoni ete Bana ya Israël babmi na bowumbu na Egypte. Bazali kokende na mokili ya Canaan oyo Nzambe alakaki bambuta-muntu na bango Abraham, Isaac, Jacob, pe Joseph. Bazali kotambola na mokili ya zelo na zelo, kasi Nzambe azali kosalisa bango na biloko bazali na yango bosenga—mayi ya komela pe bilei.

Tomoni ete Moïse azalaki koyebisa bato mibeko na Nzambe oyo Nzambe ayebisaki ye. Kasi mibeko na Nzambe, ézalaki nanu ya kokoma té. Tomonaki ete mosala ya koteya pe kosambisa bato nyonso, elekaki makasi po na

Moïse asala yango. Yango wana Jetro, bokilo ya Moïse, apesaki ye Conseil ya koluka lialisi ya bato mosusu ya bonzambe, pe Moïse alandaki Conseil na ye.

Kolanda devoir ya Leson eleki:

Na poso eleki, topesaki bino bakristu devoir na kozala lombangu na kosenga lisungi ya bato mosusu tango ozali na bosenga. Nani asengaki lisungi na poso eleki? Bosengaki yango na nini? Ndenge nini lisungi yango ealisaki?

Tosengaki bino pe kozala lombangu ya kosalisa bato mosusu tango bazali kosenga yo. Nani asalisaki moto mosusu na poso eleki? Nani ekoyebisa biso soki asalisaki na nini?

IV. Koteya bana Leson oyo –

Ebandeli ya Leson:

Ba-Israelite bazalaki na nzela ya kokende na mokili oyo Nzambe alakaki bango. Ndenge nini babikaki na boyokani bango na bango, tango bayaki na mokili yango? Tango ekoki ete bato nyonso bayeba Mibeko na Nzambe, ndenge nini Alingi tobika.

Developpement--Makambo minene ya Leson oyo na biteni 11:

15.1 Bato bamibongisaki ndenge Nzambe ayebisaki bango, ndenge nde Nzambe alobaki na Moïse pe Aaron. Kobima mokapo 19.

Tangela bana sommaire oyo:

Ba-Israelite bakomaki na ngomba na Nzambe. Kuna, Moïse amataki po na kosolula na Nzambe. Nzambe azongiselaki ye po na

koyebisa ba mbut-muntu ya Israël ndenge nini komilengela. Sima, amtaki lisusu ná Aaron.

Nzambe ayebisaki bango kotiya lopangu nzinga-nzinga ya ngomba, bayebisa bato makasi ete basimba yango té, ata banyama na bango té, ata bambuta-muntu na bango té. Nzambe alingaki kokita na ngomba yango. Bapusanaki penepene té, soki te esengeli bakufa. Nzambe azalaki koyebisa bango ete masumu na bango ekatà boyokani na bango ná Ye.

Tuna bana:

- Nani akendaki likolo ya ngomba po Nzambe apesaki bango mibeko na Ye? (Nanu Moïse, sima, Moïse pe Aaron)

Tuna bana ya me yela:

- Pona nini bato mosusu bakoki kokoma té penepene na esika oyo Nzambe azalaki kosolula na Moïse ná Aaron? (Po bayebi ete masumu na bango ekatà boyokani na bango ná Ye.)

Bana basala:

Bana nyonso basala mwa-scenette. Tiya mesa to bakiti mibale na kati-kati na bango. Loba ete ozali kolakisa Ngomba ya Sinai. Pona bana mibale bazala Moïse ná Aaron. Moïse alakisa bana mosusu kosala lopangu oyo ézali nzinga-nzinga ya ngomba, basimba bango té. Sima, Moïse ná Aaron, bamata likolo ya ngomba. Bana mosusu bafanda na cercle, kasi bakeba ete basimba té lopangu yango.

Bana bayemba pe babina:

O, Moïse, yoka malamumu
Nini Nzambe alobaki.

**15.2 Nzambe ayebisaki ndenge nini esengeli bazala ná Ye. Mobeko ya liboso (1) :
Kosambela banzambe mosusu té, kaka ngai.
Kobima mokapo 20:1-3**

Tangela bana:

- 1 Nzambe alobaki malaba oyo nyonso boye :
- 2 Ngai nazali Yawe, Nzambe, Nzambe na yo.”
Ézali ngai nde moto nabimisaki yon a Egypte,
esika ozalaki na bowumbu.
- 3 “Kokumisa banzambe mosusu té, bobele
ngai.

Tuna bana:

- Nini ézali mobeko ya liboso oyo Apesaki bango ?
(Kosambela banzambe mosusu té, kasi kaka Ye Yawe Nzambe.)

Bana basala:

Bana nyonso batombola loboko, balakisa likolo. Baloba ete, « Kosambela kaka Nzambe ! »

Bana bayemba pe babina:

Bana bakoki koyemba nzembo, “Luc 4:8” soki bayebi yango, to okoki kaka otia ton na phrase, “Sambela Nzambe ye moko kaka!— Mobeko ya liboso!”

**15.3 Nzambe ayebisaki ndenge nini tosengeli kofanda ná Ye. Mobeko ya mibale (2):
Kosala bikeko té, kofukama té liboso ya bikeko po na kosambela yango. Kobima 20:4-6**

Tangela bana :

4 Kosala ekeko moko té po na kokumisa yango, ézala ata eloko nini oyo ekokani ná bikelamo oyo ézali na likolo, awa na se, to na mayi oyo ézali na se ya mabele.

5 Kofukamela banzambe ndenge wana té, pe kokumisa yango té, pamba té ngai Yawe, Nzambe na yo, nazali Nzambe moko ya zwa. Bato oyo bayinaka ngai, napesaka bango etumbu, na bana na bango, bakoko na bango, pe ná ban aya bakoko na bango.

Tuna bana:

- Mobeko nini ya mibale Apesaki bango ?
(Kosambela bikeko té.)
- Boni, Nzambe andimaka banzambe mosusu ya mike-mike ya bato oyo basambelaka ?
(Bongo té.)

Tuna bana ya me yela:

- Pona nini okanisi Nzambe andimaka té banzambe mosusu?
[Moniteur, yoka makanisi ya bana. Biyano mingi ézali possible.]
(Eyano moko ya tina ézali ete Akelaki biloko nyonso, kasi bagangaki eloko té.)

Bana basala:

Bana nyonso basala bageste lokola bazali koboya bikeko.

Bana bayemba pe babina:

Bana bayemba nzembo, “Mibeko Zomi ya Nzambe.” Tango bazali koyemba mobeko ya mibale, batombola misapi mibale.

15.4 Nzambe ayebisaki ndenge nini esengeli kofanda ná Ye. Mobeko ya misato (3): Kusalela kombo na Nzambe mpamba-mpamba té. Kobima 20:7

Tangela bana:

7 "Kotanga kombo na ngai Yawe Nzambe na yo na makambo ya pamba té, po na ngai Yawe napesaka etumbu na moto nyonso oyo azali kotanga kombo na ngai na makambo ya pamba.

Tuna bana:

- Mobeko ya misato oyo Apesaki bango ézali nini?
(Kosalela kombo na Nzambe mpamba-mpamba té, to kosakana té na kombo na Ye.)

Bana basala:

Bana nyonso batia loboko likolo ya munoko na bango koyebisa ete bakobatela ndenge bakosalela kombo na Nzambe.

Bana bayemba pe babina:

Bana bayemba nzembo, « Mibeko Zomi na Nzambe.” Tango bazali koyemba mobeko ya 3, batombola loboko kolakisa misapi 3.

15.5 Nzambe ayebisaki ndenge nini tosengelaki kofanda ná Ye. Mobeko ya minei (4): Tosa mokolo ya Kopema. Kobima 20:8-11

Tangela bana:

8 Kanisa ngai na Mokolo ya kopema, kómisa yango mokolo ya bosantu.

9 Sala misala na yo nyonso na kati ya mikolo motoba;

10 Kasi mokolo ya sambo ézali Mokolo ya Kopema ya ngai Yawe, Nzambe na yo. Mokolo yango okosala mosala moko té, ézala yo moko, ézala bana na yo ya mibali to ya basi, ézala bawumbu na yo, ézala nanyama na yo, ézali bapaya oyo bayei kofanda epai na yo. . .

11 Pamba té na kati ya mikolo motoba nasalaki Likolo ná se, ebale pe biloko nyonso oyo ezali na kati, bongo na mokolo ya sambo napemaki. Yango wana ngai Yawe nabenisá Mokolo ya Kopema, pe nakómisa yango mokolo ya bosantu.

Tuna bana:

- Nzambe Abengaki Mokolo ya sambo mokolo ya nini?
(Mokolo ya Kopema)
- Pona nini Asalaki lolenge wana?
(Po Asalaki biloko nyonso na mikolo 6, bongo Apemaki na Mokolo ya 7.)
- Akumisaki yango Mokolo ya nani?
(Oyo Ye moko Nzambe)

Bana basala:

Bana basala bageste lokola bazali kopema, bango bazali kosambela na Mokolo na Nzambe.

Bana bayemba pe babina:

Bana bayemba nzembo, “Mibeko na Nzambe.” Tango bazali koyemba mobeko ya 4, batombola maboko kotalisa misapi 4.

15.6 Nzambe ayebisaki ndenge nini kozala ná bandeko. Mobeko ya mitanu (5): Tosa tata ná mama na yo. Kobima 20:12

Tangela bana:

12 Tosa tata ná mama na yo, po ózala na bomoi molayi na mboka oyo ngai Yawe Nzambe na yo napesi yo.

Tuna bana:

- Mobeko nini ya 5 Apesaki bango? (Tosa tata ná mama na yo.)
- Ndenge nini tokoki kotosa baboti na biso? (Kotosa na bango, koloba na limemia na bango, koyoka Conseil na bango, kosalisa bango tango bakomi bampaka, etc.)

Bana basala:

Bana basala bageste oyo ézali kolakisa limemia na tata ná mama. « E, tata, nákotosa » « E, mama, nakosalisa yo, » etc.

Bana bayemba pe babina:

Bana bayemba nzembo, “Mibeko na Nzambe.” Tango bakoyemba mobeko ya 5, batombola maboko kotalisa misapi 5.

15.7 Nzambe ayebisaki ndenge nini kozala ná bandeko. Mobeko ya sambanu (6) : Koboma moto té. Kobima 20:13

Tangela bana:

13 “Koboma moto té.”

Tuna bana:

- Mobeko ya 6 oyo Apesaki bango ezali nini? (Koboma moto té.)

Tuna bana ya me yela:

- Yai etaleli gouvernement té. Etalesi bato mosusu. Ndenge nini biso bato tozali koboma moto ? (Koboma ye na munduki to na Libanga té, kasi koboma moto na kindoki, kobimisa, kospa zemi ya mama, etc.)

Bana basala:

Bana baningisa mutú « té, ». Baloba ete, “Nakoki kotosa moto té. »

Bana bayemba pe babina:

Bana bayemba nzembo, “Mibeko na Nzambe.” Tango bazali koyemba mobeko ya 6, batombola maboko kolakisa misapi 6.

15.8 Nzambe ayebisaki ndenge nini kobika ná bandeko. Mobeko ya sambo (7): Kosala ekobo té. Kobima 20:14

Tangela bana:

14 “Kotambola té ná mwasi to mobali ya bato.

Tuna bana:

- Nki mobeko ya 7 ya Apesaki bango ? (Kulala na moto mosusu té.)
- Mwasi mosusu to mobali mosusu zola tuba nki ? (Moto ya nge me kwela té. Moto ya nganda ya dibala.)
- Mbala mingi, kulala ya mutindu yai, tobengi yo nki ? (Bizumbu)
- Soki tolingika koloba mobeko yai na ndenge positif, biso ta tuba nki ? (Kozala kwikama na moto ya nge me

kwela.)

Bana basala:

Basi basala bageste lokola bazali kosimba moto (moto imaginaire). Baloba ete, “Mobali na ngai.”

Basala bageste lokola bazali koboya moto mosusu. Baloba ete, “Yo mobali na ngai té.”

Mibali asala ndenge moko na basi. (NB: Nyonso oyo ezali imaginaire. Basimba moto ya solo té.)

Bana bayemba pe babina:

Bana bayemba nzembo, “Mibeko na Nzambe.” Tango bazali koyemba mobeko ya 7, batombola maboko kolakisa misapi 7.

15.9 Nzambe ayebisaki ndenge nini kobika na bandeko. Mobeko ya mwambe (8): Koyiba té. Kobima 20:15

Tangela bana:

15 “Koyiba té.”

Tuna bana:

- Mobeko ya 8 oyo Apesaki bango ezali nini ?
(Koyiba té.)
- Koyiba elingi koloba nini ?
(Kozwa eloko ya moto mosusu té kozanga kosenga nzela.)

Bana basala:

Mwana atombola loboko moko lokola alingi koyiba eloko. Aloba yango na loboko mosusu, ete: “Koyiba té.”

Bana bayemba pe babina:

Bana bayemba nzembo, “Mibeko na Nzambe.” Tango bazali koyemba mobeko ya 8, batombola maboko kolakisa misapi 8.

15.10 Nzambe ayebisaki ndenge nini kobika na bandeko. Mobeko ya libwa (9): Koloba lokuta té. Kobima 20:16

Tangela bana:

16 Kokosela moninga makambo té.

Tuna bana:

- Mobeko ya 9 Apesaki bango ezali nini?
(Kokosela moninga to ndeko na yo likambo té. Na mokuse, tokoki koloba ete, « Kokosela moninga likambo té. »)
- Nzambe azali solo to lokuta?
(Kaka solo.)

Bana basala:

Bana nyonso batia loboko likolo na munoko na bango, baloba ete, “Lokuta té.”

Bana bayemba pe babina:

Bana bayemba nzembo, “Mibeko na Nzambe.” Tango bazali koyemba mobeko ya 9, batombola maboko kolakisa misapi 9.

15.11 Nzambe ayebisaki ndenge nini kobika na bandeko. Mobeko ya zomi (10): Kolula eloko ya moninga té. Kobima 20:17

Tangela bana:

17 “Kolula eloko ya moninga té: ézala ndako na ye, mwasi na ye, ézala ngombe to punda, ézala ata nini.

Tuna bana:

- Mobeko ya 10 oyo Apesaki bango ezali nini?
(Kolula eloko ya moninga té.)
- Kolula eloko ya moninga té elingi koloba nini?
(Kozala na posa ya makasi kozwa eloko ya moto mosusu, kotia miso na biloko oyo ezali ya yo té.)

Tuna bana ya me yela:

- Soki moto aluli makasi, ekoki kozala kobenda moto na liwa. Mibeko mosusu ezali nini?
(Koyiba, kosala ekobo té, kokosela moninga makambo té po na kozwa eloko, etc.)
- Soki tolingika koloba mobeko oyo na ndenge positif, tokoki koloba nini?
(Kozala na esengo (content(e) na biloko oyo Nzambe apesi yo.)

Bana basala:

Bana basimba motema. Baloba ete, « Keba motema. Kolula té.»

Bana bayemba pe babina:

Bana bayemba nzembo, “Mibeko na Nzambe.” Tango bazali koyemba mobeko ya 10, batombola maboko kolakisa misapi nyonso 10.

Kosilisa Leson:

Apesaki bango mibeko oyo po toyeba ndenge esengeli tofanda ná Ye—Tosambela kaka Ye, tosala bikeko té, totosa kombo na Ye pe mokolo na Ye.

Apesaki bango mibeko oyo pe po toyebi ndenge esengeli tofanda ná bandeko mosusu—Totosa mama ná tata, toboma moto té kasi totosa bomoi na ye. totosa libala pe tozala bato oyo bakoki kotiela motema na makambo nyonso, toyiba biloko ya baninga to ya bato mpsusu té, tokosaka té, tolula biloko ya bato mosusu té, kasi tozala na esengo na oyo Nzambe apesá biso.

Boni, totosi na mibeko oyo nyonso?

Bongo té. Nzambe ayebaki ete tokokoka té kosala yango. Ayebi ete tolongi té. Yango wana, Ye tindilaka biso Mwana na Ye po na kolongisa nyonso oyo Nzambe alingaki, pe po na kozwa etumbu ya masumu na biso nyonso.

Devoir pona ba kristu:

Devoir nazali kopesa bino bakristu, yang’oyo: Na poso oyo, meka kotosa na mibeko oyo 10 nyonso. Soki omoni ete okweyi na likambo moko, ndima masumu yango na Nzambe pe senga pardon na Yesu Kristu.

Kobenga bana oyo bayebi Yesu nanu té:

Kasi mbala mingi, bana bazali na ecodim na biso oyo bandimi Yesu Kristu nanu té na motema pe na bomoi na bango. Soki oyambà Ye nanu té, kanisa mibeko 10. Mibeko boni obukà deja ? Soki obuki kaka moko, ozali moto ya masumu. Ee, soki tolubi malamumu, esengeli biso nyonso tondima ete tobuki Mibeko na Nzambe ebele.

Masumu ekoki kokota na mboka na Nzambe té. Yango wana, Nzambe Atindaki Mwana na Ye Yesu Kristu. Na kati ya bato nyonso, kaka Yesu akokisaki mibeko nyonso ya Nzambe malamumu-malamumu. Ye pe amipesaki mobimba nzoto ná makila na Ye lokola mbeka po na

kufuta niongo ya masumu na biso. Akufaki, kasi Ye pe asekwaki na kufa. Le'oyo, soki obengi kombo na Ye, Akoyoka yo. Bible ézali kolakisa biso ete moto nyonso oyo akobenga kombo na Yawe Nzambe, « AKO bika » (Rome 10:13).

Soki obengi kombo na Nzambe nanu té po na kosenga ete Yesu abikisa yo, tango malamumu ya kosala yango yang'oyo. Benga Ye na motema

na yo sik'oyo. Sima ya ecodim, yaka kofanda awa na bakiti oyo po biso pe toyeba ete okobikisami le'oyo.

===SUKA YA LESON 15

LESON 16 TOBIKA NA TOLOBI NA NZAMBE.

Nzambe Alimboli mibeko na Ye pe Apesaki yango ya kokóma na mabanga. Kobima sommaire mokapo 21 tii na 23, detail mokapo 24.

**I. Preparation ya moniteur pona Leson oyo -
– (bongisa yango na ndako liboso ya koya kosala yango na classe)**

Moniteur, bongisa Tina to mutuya ya Leson:

Na SUKA YA LESON oyo, bana bakososola ete Nzambe Alingi biso toyeba Ye. Asalaki makasi na koyebisa biso mibeko na Ye. Yango wana, bana bakolinga kobika na boyokani ná Ye.

Moniteur, bongisa verse ya koyekola :

Kobima 24:12

12 Yawe alobi na Moïse: "Mata epai na ngai likolo ya ngomba pe tikala kuna, bongo nakopesa yo mabanga oyo nakómaá Mibeko na ngai nyonso po ólakisa bato."

Moniteur, bongisa banzembo oyo ezali kokende nzela moko na Leson oyo :

Mibeko Zomi ya Kolanda
Senga na Nzambe, verse 2
Yesu Azali kobeta na ekuke

II. Koteya Mikanda ya Bible –

Bana bayemba nzembo, 'Mikanda ya Moïse', pe baloba mikanda yango na mulongo. Tuna bana, na mokapo nini oyo tomoni Mibeko 10 oyo Apeselaki biso bango? (Na Kobima mokapo 20)

III. Kosala Revision –

Revision ya Leson eleki:

Niveau Primaire-

Na misapi, bana bameka koloba mibeko zomi.
Yang'oyo :

1. Kozala na banzambe mosusu té.
2. Kosalela bikeko té.
3. Kotanga kombo na Nzambe mpamba-mpamba té
4. Tosa mokolo ya losambo pe ya kopema.
5. Tosa mama ná tata na yo.
6. Koboma moto té.
7. Kosala ekobo té.
8. Koyiba té.
9. Kokosela moninga té.
10. Kuyuma motema té po na biloko ya bato mosusu.

Niveau Secondaire-

Soki bana bazali na ba Bible, bafongola o kangula na Kobima 20. Senga bango koluka, pe kotelema kotanga Mobeko ya liboso, mobeko ya minei, mobeko ya zomi, etc.

Sima, bakanga Bible, bameka koloba nyonso 10.

Kolanda devoir ya Leson eleki:

Na poso eleki, topesaki bino bakristu devoir ya kosala makasi kotosa na Mibeko nyonso 10 oyo Apesaki bango. Nani asalaki makasi kotosa ?

Ee, malamu. Nani asalaki makasi, kasi solo obwaki makambo yango ? [Moniteur, zela

muke po bana bapesa eyano.] Ezali malamu koloba ya solo, bongo, soki okwei, ndima yango na Yesu, senga pardon, telemá lisusu. Lánda kaka na nzela yango. Kanisa ete Nzambe ayebaki 'tè tokoki té kokokisa elonga na Ye. Yango wana, Atindelaki biso Yesu Kristu Azala Mobikisi na biso.

IV. Koteya oyo –

Ebandeli ya Leson:

Thomas alingaki Yesu mingi. Tango nyonso azalaki koyebisa baninga bolamu na Yesu na bomoi na ye. Mokolo moko, moninga na kombo ya Munkisi azongisaki ete, “Nazali kondima na Yesu té. Soki Nzambe azali, Abombaná musika likolo. Pe alingi koyebana té na biso bato. Yango wana, lokola Azali na bosenga na ngai té, nazali pe na bosenga na Ye té.”

Okoloba nini na Munkisi, soki ozalaki Thomas? Boni, Bible ezali koyebisa biso ete Nzambe alingi kobombana na mboka na Ye, to olingi kolakisa biso ete Nzambe Alingi koyebana na bato na Ye? Kanisa question yango tango ozali Leson na biso lel'oyo.

Totiki Moïse likolo na ngomba ya Sinai, esika Nzambe apesaki ye mibeko zomi na Ye.

Developpement--Makambo minene ya Leson oyo na biteni 6:

16.1 Apesaki bango mibeko mosusu mingi ya ndenge na ndenge po na bomoi ya bato. Kobima mokapo 21, 22, kino na 23:19

Tangela bana sommaire oyo:

Liboso Apesaki bango bato Mibeko 10 na mukuse po na moto nyonso amona pasi té

kososola pe kokanisa. Sima, Apesaki bango pe mibeko ebele-ebele oyo etali bomoi ya bato.

Apesaki bango mibeko etali ndenge nini kozala ná basali, oyo etali kobunda ya bato, oyo etali banyama oyo basalaka bato mabe, ndenge nini kosala soki moto ayibi, soki moto adefi eloko bongo eloko yango ebebi na loboko na ye, soki mobali afandi ná mwasi pe azwi zemi, soki moto asali kindoki, ndenge nini kodefá misolo, ndenge nini koloba po na bakambi, makambo oyo etaleli songi-songi, ndenge nini kozala ná bapaya, ba fête ya kosala, ndenge nini kotumba mbeka na Nzambe, pe biloko mingi mosusu.

Nzambe alingaki bato na Ye bayeba ndenge nini kozala ná Ye pe ndenge nini kobika ná bato mosusu.

Tuna bana:

- Boni, mibeko oyo ezali kolakisa Nzambe oyo alingi kobombana, to Nzambe oyo alingi koyebana? (Nzambe oyo alingi koyebana. Apesaki bango mibeko na Ye po bato bayeba ndenge kozala ná Ye.)

Bana basala:

Bana basala bageste lokola bazali koloba. Baloba ete, “Apesaki bango mibeko na Ye po biso toyeba ndenge ya kozala ná Ye.”

Bana bayemba pe babina:

Apesaki bango mibeko na Ye.

16.2 Nzambe alakaki ete, soki batosi, Akomema bango na mokili ya Canaan, Akopambola bango kuna. Kobima 23:23-33

Tangela bana:

23 *Tango Angelu na ngai akobanda kotambola liboso na ngai akobanda kotambola na bino, pe akomema bino na mboka y aba-Amoréens, ba-Héthiens, ba-Phéréziens, ba-Cananéens, ba-Heviens, pe ba-Jébusiens, Ngai nakoboma bango.*

24 *Bókeba, bófumela banzambe na bango té pe bosalela yango té. Bosala té ndenge bango basalaka, kasi bóbuca bikeko ya banzambe na bango, pe bópanza mabanga oyo batelemisá po na kokumisaka yango.*

25 *Bosengeli kosambelaka bobele ngai Yawe, Nzambe na bino, Bongo ngai nakobenisa bino, nakopesa bino bilei pe mai ya komela, pe nakolongola malady na kati na bino.*

26 *Na mboka na bino, ata zemi ya mwasi moko té ekosopana, to pe moto moko té akozanga kobota. Nakobatela bino po bówumela mikolo mingi na mokili.*

27 *Nakotinda somo na ngai liboso na bino, nakobangisa bato nyonso esika bino bokokota, nakokimisa banguna na bino. ...*

29 *Nakobenganela bino bango na mbula moko té, soki té mabele ekotikala pamba; banyama ya zamba ekoya kotondana wan ape ekodebisa mboka na bino.*

30 *Nakobenganela bino banguna malembe-malembe tii tango bokokóma ebele, bongo mboka ekokóma ya bino.*

Tuna bana:

- Nani ta akambaki bango na mokili ya Canaan ?
(Anjelu na Yawe Nzambe)
- Ndenge nini Nzambe alakaki kobenisa bango soki bakotosela Ye ?
(Kopesa bango bilei pe mayi, maladi té, basi basopa zemi té, kozanga kobota té, bomoi mulayi, banguna bakokima bango.

- Nzambe akobengana bato mbala moko to malembe-malembe ?
(Malembe-malembe)
- Pona nini ?
(Po banyama ya kanda bakoma ebele té.)

Bana basala:

Bana basala bageste lokola bazali kolanda Anjelu na Nzambe, oyo azali kotambwisa bango.

Bana bayemba pe babina :

Koba kolanda Nzambe, Akokamba yo.
Koba kolanda Nzambe, Apambola yo.

16.3 Nzambe Abengaki bambuta-muntu kobuta mwa-muke likolo ya ngomba, kasi Moïse amataki tii na nsonge na yango. Kobima 24:1-2

Tangela bana :

1–2 *Yawe alobi na Moïse: «Bomata epai na ngai, yo, Aaron, Nadab, Abihu pe bambuta-muntu tuku sambo (70) ya Israël. Kebisa bato mosusu nyonso. Bámata ná yo té na ngomba tango bokokóma mwa-pembeni, bóku fukama bilongi na se. Sima, yo Moïse okotika bango, pe okopusana penepene na ngai.”.*

Tuna bana:

- Nani akendeki na ngomba ná Moïse ?
(Aaron, Nadab, Abihu, pe bambuta-muntu ya Israël 70)
- Nani akendeki tii na songe ?
(Kaka Moïse)

16.4 Ba-Israelite bandimaki kotosa mibeko nyonso na Nzambe, yango wana Moïse

**akomaki mibeko yango nyonso. Kobima
24:3-8**

3 Moïse akei koyebisa bato maloba pe mibeko nyonso oyo Yawe alobaki na ye. Bongo bango nyonso bazongisi na mbala moko: "Tokosala makambo nyonso oyo Yawe alobi."

4 Moïse akómaki maloba nyonso ya Yawe na mokanda ya Boyokani. Na tongo-tongo, Moïse alamuki, atóngi na se ya ngomba mesa ya kopesa Yawe mobonza, pe atelemisi mabanga zomi na mibale po elakisa mabota zomi na mibale ya Israel.

5 Atindi bilenge mibali y aba-Israelite bábomela Yawe bangombe ya mibali, bápesa ye yango lokola mabonza ya kozikisa pe ya kolia.

6 Moïse akamati ndambu ya makila, atie yango na basani, pe ndambo mosusu oyo etikalaki abwaki-bwaki yango na mesa ya mabonza.

7 Akamati mokanda ya Boyokani pe atangi yango na miso Sik'oyo, ye bakaka Mokanda ya Boyokani, mokanda yango ya ye sonikaka mibeko ya Yawe Nzambe, ye tangaka yo na ndinga ya makasi na miso ya bato. Bato tubaka nde: « Biso ta sala nyonso ya Yawe Nzambe me tuba, tokolanda mibeko na Ye. »

8 Moïse akamati makila, abwakeli-bwakeli yango bato, pe alobi: "Oyo ezali ya Boyokani Yawe asali ná bino, likolo ya mibeko oyo nyonso."

Kutuna bana:

- Tango Moïse alobelaki bato mibeko na Nzambe, alobaki nini ?
(Baloba ete bakosala nyonso.)

- Sima ya kolobela bato mibeko yango, Moïse asalaki lisusu nini ?
(Akomaki yango nyonso.)
- Asalaki nini po na kosilisa makambo yango ?
(Ayebisaki bana-mibali kopesa makabo, . . .makila . . . pe asopaki yango na bato po na koyebisa Boyokani na bango ná Nzambe.)

Bana basala:

Bana nyonso basala bageste lokola bazali Moïse azali kokóma mibeko nyonso na Nzambe.

Bana bayemba pe babina:

Moïse ayebisaki bango mibeko na Nzambe Pe bandimaki kolanda yango.

Moïse asopelaki bango makila ya makabo Po bandimaki kolanda yango.

**16.5 Bambuta-muntu bamataki maw-muke na ngomba, ndenge Nzambe alobaki. Bamonaki Nzambe, kasi bakufaki té. Kobima
24:9-12**

9 Sima Moïse amati na ngomba ná Aaron, Nadab, Abihu pe bambuta-muntu tuku sambo (70) ya Israël.

10 Bamonni Nzambe ya Israël. Na se ya makolo na ye ezalaki lokola mabanga ya Saphir oyo ezali kongenga; yango ezalaki komonana polele lokola likolo.

11 Ata bamonaki Nzambe, esalaki ba mbuta-muntu yai ya Israël mabe moko té, pamba té ye moko moto aponaki bango, bongo baliaki pe bamelaki na esika wana.

12 Yawe alobi na Moïse: "Mata epai na ngai likolo ya ngomba pe tikala kuna, bongo

nakopesa ya mabanga oyo nakómá Mibeko na ngai nyonso po ólakisa bato.

Tuna bana:

- Bato oyo bakendeki na Moïse na ngomba, bamonaki nani ?
(Bamonaki Nzambe.)
- Nini ezalaki likambo ya kokamwa ?
(Bamonaki Nzambe, kasi bakufaki té.)
- Apeselaki bango Moïse nini ?
(Mibeko na Nzambe oyo akómi likolo ya mabanga.)

Bana basala:

Bana basala bageste lokola bazali bambuta-muntu bazali komata na ngomba ná Moïse. Sima, batikala liboso bakóma na songe. Basala bageste lokola bazali kokamwa mingi pe bazali kosambela mingi, po bazali komona Nzambe na bonene pe na elonga na Ye.

Bana bayemba pe babina:

Bambuta-muntu bamataki na ngomba ná Moïse
Bamonaki Nzambe na lokumu na Ye.
Kokamwa, o kokamwa, babikaki ! Bakufaki té !

16.6 Nzambe Abengaki Moïse na songe ya ngomba po na kopesa ye mibeko oyo Ye moko akomi likolo ya mabanga, bongo Moïse atikalaki kuna mikolo 40. Kobima 24:13-18

13 Moïse akei ná mosakoli na ye Josué, pe amati na ngomba ya Nzambe.

14 Liboso 'tè ámata na ngomba, alobi na bambuta-muntu ya Israël: "Bozela biso biso aya awa, tii tango tokozongela bino. Aaron pe

Hur bakotikala ná bino ; soki moto azali na likambo, áyebisa bango yango."

15 Tango Moïse azalaki komata na ngomba ya Sinai, lipata ya Yawe azipaki ngomba.

16 Nkembe na Yawe ekitaki na ngomba mikolo motoba. Mokolo ya sambo, Yawe abengi Moïse na kati ya lipata. ...

18 Moïse akoti na kati ya lipata, amati na ngomba pe atikalaki kuna mikolo tuku minei (40) butu moyi.

Tuna bana:

- Liboso Moïse ná Josué bamataki tii na songe ya ngomba, bayebisaki bambuta-muntu basala nini ?
(Kozela bango tii bakozonga.)
- Nini ezipaki ngomba ?
(Lipata)
- Moïse atikalaki kuna mikolo boni ?
(Tuku minei. Koleka sanza mobimba ná poso moko lisusu.)

Bana basala :

Bana bafanda na se. Baloba : "Tozali kozela Moïse. Tozali kozela Moïse."

Bana bayemba pe babina:

Bambuta-muntu bazelaki Moïse mikolo tuku minei.

Kosilisa Leson:

Nzambe Abengaki Moïse kopesa ye mibeko na Ye po alingaki bato bayeba Ye. Azalaki té Nzambe oyo abombanaki po bato bayeba Ye té, to bazala kaka komeka-meka ndenge

bango bakoyeba Ye. Abengaka Moïse, pe Ye moko akomaki mibeko na Ye po bato bayeba Ye, pe bayeba nini ekosepelisa Ye. O, matondo po Nzambe azali koluka biso bato !

Devoir pona ba kristu:

Bino, bana oyo boyebi Yesu na bomoi na bino, bino bakristu, Devoir nazali kopesa bino na poso oyo ezali koyebisa histoire pe verse na biso na bato mosusu. Okoki koyebisa yango na bato boni na kati ya poso oyo ? Tango nyonso okoyebisa ndeko histoire oyo, ozali kolakisa bango pe ete Nzambe amibombaka té, kasi Alingi biso bato toyeba Ye.

Kobenga bana oyo bayebi Yesu nanu té:

Ee, Nzambe alingi biso bato toyeba Ye, kasi bato nyonso bayebi Ye té. Yo moko, tango mosusu oyebi Ye nanu té. Kasi okoki koyeba Ye. Esengeli kaka ondima ete Nzambe Alingi yo, Atindaki Mwana na Ye Yesu Kristu kokota se ya mabele oyo po na kobikisa yo. Yesu abikaki na ndenge ya kosepelisa Tata tango

nyonso, Afaki likolo na ekulusu lokola mbeka to makabo oyo ekoká po na mabe na oyo osalá. Asekwaki na kufa, Azongaki na likolo, pe kuna Ye azali kobika seko na seko.

Soki okobenga kombo na Ye lel'oyo, Akolimbisa masumu nyonso, akopesa yo motema ya Sika, Akopesa yo bomoi ya seko na seko.

Boni, okobenga Ye Sik'oyo ? *[Moniteur, zela muke wana bana bazali kosambela na se ya motema.]*

Soki oyambi Yesu lel'oyo, to soki ozali koluka lialisi na likambo yango, kaka tikala sima ya classe, bongo tokosalisa yo.

===SUKA YA LESON 16

LESON 17 TOSALELA NZAMBE NA NYONSO OYO TOZALI NA YANGO.

Nzambe asengi makabo po na kotonga Ndako ya losambo ya Capot, Ayebisaki bato ndenge nini kosala yango. Kobima mokapo 25-31 sommaire

**I. Preparation ya moniteur pona Leson oyo -
- (bongisa yango na ndako liboso ya koya kosala yango na classe)**

Moniteur, tanga ndenge tokoteya Leson oyo :

Leson oyo ezali sommaire ya chapitre mingi. Yango wana, biso tokobongola ndenge okoteya yango na bana. Soki okokóma na developpement ya Leson, okomona histoire na yango, okotangela bana sommaire ya mukuse.

Eteni nyonso ya developpement bakozala na nombre na yango. Okotangela bana malakisi ya nombre yango, bongo kaka na tango yango wana, mosalisi akolakisa bango photo oyo ezali kokende ná eteni yango. Na preparation, okopona mosalisi oyo akoki kolakisa ba photo, pe okosala pratique ya kotanga yango, po okoka kotangela bana na expression ya mingi. Makambo oyo bana bakosala, okomona yango epanzaná na esika na esika na kati ya Leson yango.

Moniteur, sala liboso:

Pona ba photo oyo ezali kokende nzela moko ná Leson oyo.

Moniteur, bongisa Tina to mutuya ya Leson :

Na SUKA YA LESON oyo, bana bakososola ete Nzambe Apesá biso biloko pe makabo ndenge

na ndenge po tosalela yango na kosambela Ye. Yango wana, bakotia makasi na kosambela Nzambe na biloko na bango, pe na makabo nyonso oyo Apesi bango.

Moniteur, bongisa verse ya koyekola:

Banzembo 103:1

Nalingi kopesa Yawe merci na motema mobimba : nalingi kokumisa Nzambe ya bosatu.

Moniteur, bongisa banzembo oyo ezali kokende nzela moko na Leson oyo:

Aleluya !

Bandeke bazali Koyemba

Bopesa Makabo

II. Koteya Mikanda ya Bible -

[Moniteur, tuna bana soki balingi koloba Mikanda 5 ya Moïse, to yemba yango.]

III. Kosala Revision -

Revision ya Leson eleki:

Na Leson eleki, totikaki Moïse wapi ?

(Likolo ya ngomba, esika akendeki kokutana ná Nzambe, pe kozwa mibeko oyo Nzambe ye moko akomaki po na bato na Ye, Israël.)

Kolanda devoir ya Leson eleki :

Topesaki bino bakristu devoir kolakisa bana mosusu histoire ndenge ya nini Apeselaki bango mibeko na Ye na Moïse. Nani asalaki yango ? Felicitacion na bino baoyo bosalaki.

IV. Koteya Leson oyo -

Ebandeli ya Leson:

Na kati ya mibeko oyo Apesaki bango, Moïse azalaki, pe mibeko ndenge nini oyo bakokaki kosambela Ye, pe ndenge nini bakokaki kosala na ndako ya losambo.

Developpement--

Tangela bana sommaire oyo:

17.1 [Moto moko atanga, pe moto moko mosusu alakisa photo 17.1]

Nzambe alingaki ba-Israelite batongela ye ndako ya losambo ya Capot. Bakoki kokanga yango po etambola ná bango, bisika nyonso oyo bakokende. Biloko mingi bakozala bakosenga po na ndako ya losambo yango. Yango wana, yoka nini Nzambe alobi: (Kobima 25:1-2)

1 Yawe alobi na Moïse :

2 “Loba na ba-Israelite bakongolela ngai makabo. Bokokongola yango na moto nyonso oyo andimi kopesa yango na motema malamú.”

17.2 [Moto moko atanga, pe moto moko mosusu alakisa photo 17.2]

Nzambe ayebisaki bango biloko mingi oyo bakoki kopesa, nyonso oyo esengeli basalela po na kotonga ndako ya losambo ya Capot moko ya kitoko. Bakoki kopesa ba mabanga lokola wolo, argent to bronze.

Bakoki kopesa basinga ya elamba ya bule, pe ya langi. Bakoki kopesa lino ya kitoko, to elamba oyo basali na ba poils ya banyama, to poso ya kitoko ya nyama.

Bakoki kopesa mabaya ya akasia, to mafuta po na bamwinda.

Bakoki kopesa mabanga ya talu ya ndenge na ndenge. Bakoki kopesa ba espece ya solo ya kitoko.

Bakozala na bosenga ya biloko yango nyonso. Yango wana, moto nyonso akoki kopola na kati ya biloko oyo akoki kozala na yango.

17.2 Bana basala:

Bana nyonso basala bageste lokola bazali kopona biloko bazali na yango, bamema yango na Nzambe na esengo nyonso.

17.3 [Moto moko atanga, pe moto moko mosusu alakisa photo 17.3]

Apesaki bango bana ndenge ya kopona makabo na bango, kasi Nzambe ayebisaki bango exactement ndenge nini kotonga ndako ya losambo ya Capot oyo ekosepelisa Ye. Alobaki ete : « *Bokotonga ndako ya Capot pe biloko na yango nyonso kaka ndenge Nakolakisa yo* » (Kobima 25:9).

17.4 [Moto moko atanga, pe moto moko mosusu alakisa photo 17.4]

Ntete, Nzambe ayebisaki bango nini kosala po na kotia na kati ya ndako yango. Loboso, Ayebisaki bango kosala sanduku ya kitoko, esika oyo Akokutana ná bango. Ayebisaki bango ‘tè kosala yango ndenge balingaki, kasi Ye moko ayebisaki bango ndenge nini bakosala yango. Alakisa monene na yango, pe ndenge nini kosala yango. Basengeli kolanda kaka ndenge Alobaki.

17.5 [Moto moko atanga, pe moto moko mosusu atalisa photo 17.5]

Sima, Nzambe ayebisaki bango kosala mesa ya kotia mapa likolo na yango. Ayebisaki bango

pe ndenge ya kosala basani, bakopo, ba bol, pe biloko lokola oyo bakosalela na kati ya ndako ya losambo. Ayebisaki bango ndenge nini kosala biloko yango nyonso, pe basengeli kosala kaka ndenge Alobika.

17.6 [Moto moko atanga, pe moto moko mosusu atalisa photo 17.6]

Nzambe ayebisaki bango pe kosala eloko ya kotia ba mwinda, pe biloko oyo ya muke-muke oyo bakozala na bosenga po na mwinda.

17.7 [Moto moko atanga, pe moto moko mosusu atalisa photo 17.7]

Nzambe ayebisaki bango ndenge nini kosala ndako Capot oyo ekoki kotambola pe bango. Tango Nzambe atambwisaki bango na esika ya Sika, bango bakangaki kaka yango pe bato mingi bamemaki yango biteni-biteni na esika oy Ye akambaki bango. Ayebisaki bango té kosala yango na ndenge oyo bango moko bamonaki ezali malamumu, kasi Ye Moko ayebisaki bango ndenge nini kosala yango. Ayebisaki monene na yango pe nombre oyo eteni nyonso esengelaki basala. Ayebisaki bango kosala yango ndenge nini, pe ndenge nini bakoki kokanga yango tango bazali kotambola po na komema yango na esika mosusu.

Nzambe ayebisaki bango kosalela biloko ya kitoko pe ya talo. Basalelaki biloko ya malamumu po na kosambela Ye.

17.8 [Moto moko atanga, pe moto moko atalisa photo 17.8]

Na ndako ya losambo yango, esengeli bapesa makabo ya makila. Basengeli kokanisa tango nyonso ete masumu ezali komema kufa.

Yango wana, Nzambe ayebisaki bango ndenge ya kosala mesa ya mbeka, pe biloko nyonso oyo bakozala na yango bosenga po na yango. Pe Akanisaki makambo nyonso. Ata ndenge esengeli bamema yango, Nzambe ayebisaki bango ndenge ya kosala yango. Basengeli kosala nyonso kaka na ndenge oyo ayebisi bango.

17.9 [Moto moko atanga, pe moto moko mosusu atalisa photo 17.9]

Nzambe ayebisaki bango ndenge ya kosala ba rideaux ya kitoko po na kokata ndako ya Capot na biteni. Na bisika mosusu, banganga-Nzambe esengeli basala mosala na bango, pe na bisika mosusu, kaka Mokonzi ya banganga-Nzambe akoki kokota.

Na esika moko na kati-kati ezalaki esika oyo babengaki « sika ya koleka peto. » Oyo ezalaki solo esika ya lokumu oyo Nzambe azalaki komonisa.

Kaka Mokonzi ya banganga-Nzambe akoki kokende kuna, pe ata akoki kokenda kaka mbala moko na mbula. Rideaux ya makasi ekangaki nzela po bato mosusu bakoki kokota té liboso na Nzambe.

17.10 [Moto moko atanga, pe moto moko mosusu atalisa photo 17.10]

Nzambe akanisaki biloko nyonso. Ata mafuta ya kotia na ba mwinda, Ayebisaki bango ndenge ya kosala yango.

17.11 [Moto moko atanga, pe moto moko mosusu atalisa photo 17.11]

Moto nyonso akoki kosalela Nzambe té na ndako ya losambo ya Capot yango. Nzambe aponaki Aaron, ndeko ya Moïse, pe famille na ye po na kosalela Ye lokola banganga na kati na yango.

Nzambe ayebisaki ndenge nini kosalela bango bilamba speciale, bilamba ya kitoko oyo basengeli kolata po na kosambela Ye na ndako ya losambo ya Capot yango.

Na tolo na ya elamba yango, Nzambe ayebisaki bango batiya mabanga ya talo 12, Libanga moko na moko ezali kotalisa ba tribu nyonso 12 ya Israël.

Na mokila ya elamba yango, basengeli kotia bangonga ya muke. Tango bazalaki koyoka maloba ya bangonga yango, bakoyeba ete azali na bomoi. Nzambe ayebisaki bango kosala lolenge wana, po soki basepelisi Ye té, Nzambe akoki koboma Ye, kasi mongongo ya mwa-bangonga yango ayebisaki bango ete azalaki na moyo.

17.11 [Moto moko atanga, pe moto moko mosusu atalisa photo 17.11]

Nzambe ayebisaki bango nini basengeli kosala po na kokómisa Aaron ná bana na ye banganga oyo Nzambe akondima, pe esengeli bapesa makabo na maboko na bango.

17.12 [Moto moko atanga, pe moto moko mosusu atalisa photo 17.12]

Nzambe ayebisaki bango ndenge ya kosala mesa ya mbeka ya kopesa biloko ya solo kitoko, pe ndenge nini kopesa makabo ya biloko yango ya sólo.

17.13 [Moto moko atanga, pe moto moko mosusu atalisa photo 17.13]

Na suka, Nzambe ayebisaki bakombo ya bato mibale oyo Aponi na kokamba bato oyo bakosala biloko oyo nyonso. Nzambe deja

Apesi mayele ya koyeba kosala malamumu-malamu biloko yango na bato yango.

Bato yango, bakombo na bango Betsaleel

pe Oholiab. Ee, pe Nzambe alobaki ete Apesi bato nyonso mayele ya kosalisa, pe kosala partie na bango ya mosala oyo monene.

17.14 [Moto moko atanga, pe moto moko mosusu atalisa photo 17.14]

Na suka, Nzambe sosolisa bango ete, ata Azalaki kopesa mosala, batosa kaka mikolo ya losambo oyo Apesaki bango wuta na ebandeli—mikolo nyonso ya sambo.

17.15 [Moto moko atanga, pe moto moko mosusu atalisa photo 17.15]

Na partie ya mokapo nyonso ya losambo yango ayebisaki bango Messie ya Nzambe alaki kotindela bango. Nyonso ayebisaki bango etali Yesu, ata liboso Aya.

[Moto oyo azali kolakisa ba photo akozonga lisusu koyebisa photo nyonso lisusu Sik'oyo:]

17.1 Makabo oyo balingaki kopesa

Makabo oyo balingaki kopesa ayebisaki bango ete Tata Nzambe ako forcer Yesu té koya, kasi Akondima koya na motema na Ye nyonso.

17.2 Biloko ya talo oyo bakoki komema lokola makabo

Lokola bakoki komema biloko ya talo, oyo ezali kolakisa biso ete Yesu Mwana na Nzambe azalaki talo na miso na Tata Nzambe. Mwana na Ye ya kitoko pe ya bolingo mingi.

17.3 Lokola Nzambe ayebisaki bango ndenge esengeli basala, oyo elakisa bango ete bakoki koya na Ye té na ndenge na bango moko, kasi Nzambe Ye moko akobongisa ndenge po bango baya. Nzela oyo ezali nde Mwana na Ye Yesu.

17.4 Sanduku esika Nzambe akokutana ná bango, yango ayebisaki bango ete na kati ya Yesu, Nzambe ye moko akutana ná biso.

17.5 Mesa ya mapa ayebisaki bango ete Yesu Akozala « Mapa ya Bmoi. » Lokola mapa elongolaka nzala na biso po na bilei, Yesu Akokokisa to ko satisfaire nzala na biso ya koyeba Nzambe.

17.6 Mwinda ayebisaki bango ete Yesu Akozala mwini oyo ekolongola molili na biso ya Molimo. Yesu Ye moko alobi ete, « Na zali Mwinda po na bato nyonso » (Jean 8:12).

17.7 Lokola ndako Capot ya losambo ekotambola na bango, ekolakisa bango ete Yesu akotindila biso Molimo na Nzambe oyo ekotambola esika moko ná biso, po Ye akobika na kati na biso ba kristu.

17.8 Mesa ya mbeka ekolakisa bango ete Yesu akopesa makila na Ye ya talo po na kolongola biso na masumu na biso. Asalaki yango ete Akufaki na ekulusa po na masumu na biso.

17.9 Ba rideaux ayebisaki bango ete po na masumu na bango, bakabana ná Nzambe, kasi **Yesu Akofungola nzela** po bakota na moyokani ná Ye lisusu. Bambula mingi sima, tango Yesu akufaki na ekulusu, Nzambe apasulaki Rideau oyo wutu likolo tii na se, po

Yesu afungolelaki bandimi nyonso nzela ya kokota liboso na Nzambe na konzo nyonso. Aleluya! Kasi na mikolo yango, Ayebisaki bango ete masumu ekangá bango nzela ya kozala na boyokani ná Nzambe.

17.10 Mafuta ya ba mwinda ezalaki na **solo ya kitoko**. Ayebisaki bango ete, ata bo bakómi solo mabe na zolo na Nzambe po na masumu na bango, kati na Yesu, bakokóma lisusu solo ya kitoko.

17.11 Ndenge Nzambe ayebisaki bango kokómisa Aaron ná bana na ye **banganga-Nzambe**, elakisi bango ete na kati na Yesu, biso bakristu nyonso kokoma banganga-Nzambe, pe biso nyonso tokota liboso na Ye na konzo.

17.12 Mesa ya kopesa solo ya kitoko ayebisaki bango lisusu ete masumu ezali solo mabe, kasi kati na Yesu, tokómi solo ya kitoko.

17.13 Nzambe atiaki bato mibale kotambwisa mosala yango, kasi **Apesaki bango moto nyonso mayele na ye po amona lolenge ya kosalisa**. Oyo ezali kolakisa biso ete kati na Yesu, biso nyonso ba kristu tozwi makabo ya Molimo. Bisu nyonso tozali na esika na mosala na Nzambe.

17.14 Nzambe ayebisaki bango **batosa mokolo ya kosambela pe ya kopema**. Bisu pe, esengeli totia mokolo moko na poso nyonso po na kopema, pe po na kosambela Nzambe.

17.15 Ee, **Ndako ya losambo ya Capot yango epesaki bango esika ya kosambela Nzambe na esika nyonso Nzambe akomema bango**. Kasi yango nyonso atalisaki bango ete

**mokolo moko, Nzambe Akotindela bango
Messie, Mobikisi. Mobikisi yango Azali Yesu
Kosilisa Leson:**

Biloko nyonso na kati Capot ya losambo yango, Nzambe apesaki deja bango biloko ya kosala yango. Tango bamemaki makobo na bango, nyonso ezalaki ya kokoka. Nzambe, deja apesi mayele na bato ya koyeba kosala biloko nyonso oyo bakozala na yango bosenga. Mosusu Apesi mayele ya koyeba kosala biloko ya mabende, mosusu kosala na ba poso ya banyama, mosusu kosala elamba ya malamumu ya ndenge na ndenge, mosusu kotonga ba dessin likolo ya elamba, mosusu kosalela ba herbe po na kosala mafutu ya solo kitoko, mosusu kosala na mabaya, pe na biloko mingi mosusu.

Nzambe sengaka ete moto nyonso na volonté na ye moko, asala oyo ekosalisa. Bongo nyonso oyo ekoki po na ndako ya losambo ya Capot ya kitoko.

Devoir pona ba kristu:

Yo mukristu, boni, ozali kosalela makobo oyo Nzambe apesa yo? Ya liboso, ezali kotosa Ye oyo apesi yo likabo to makabo. Ya mibale, ezali kosalela yango na ndenge oyo ekosepelisa, pe ezali kosalisa mosala na Ye ekende liboso. Devoir nazali kopesa bino na poso ezali koya, yang'oyo: Bosali makasi na kotosa nini oyo ezali mayele, makabo nini, pe

Kristu.

biloko nini oyo Nzambe Apesa yo. Okobanda kosambela ete atambwisa yo ko developer yango, pe kosalela yango na ndenge oyo ekosepelisa Ye.

Kobenga bana oyo nanu bayamba Yesu té:

Kasi, soki oyambi Yesu nanu té, devoir nazali kopesa ezali kokanisa ndenge nyonso oyo ndako ya losambo ya Capot ya Bayuda etalisa Yesu. Rideau ya makasi ezalaki ndako ya losambo ya Capot yango. Ekangaki nzela ya koya na Nzambe.

Yesu afongolaki nzela yango. Lel'oyo, okoki kokota pe koya liboso na Nzambe, kasi kaka na nzela ya Yesu Kristu.

Boni, olingi kokota lel'oyo? To olingi kotikala libanda? Yesu ezali koyebisa yo ete : "Yoka! Nasekwe na ekuke, azali kobeta. Soki moto ayoki Maloba na Ngai pe kofongola ekuke, Nakokota na ndako na ye, bongo tokolia mesa moko ná ye" (Koyebisa 3:20). Soki olingi kokota lel'oyo, yaka tosolora ná ngai sima ya ecodim.

===SUKA YA LESON 17

LESON 18 TOTIYA MOTEMA NA YESU, PO KOLANDA MIBEKO EKOBIKISA BISO TÉ.

Bato babomaki mibeko minene ya Nzambe. Kobima mokapo 32

I. Preparation ya moniteur pona Leson oyo – (bongisa yango na ndako liboso ya koya kosala yango na classe)

Moniteur, bongisa Tina to mutuya ya Leson:

Na SUKA YA LESON ya le'oyo, bana bakososola ete biso nyonso tozali na makambu ná Nzambe po biso nyonso toboma mibeko na Ye. Kaka Yesu Kristu akoki kolongola biso na likambu yango. Yango wana, bana bakotiela Yesu motema, pe bakosambela Nzambe ete bandeko basala ndenge moko.

Moniteur, bongisa verse ya koyekola:

Ezaya 53:6 Bisu nyonso topanzanaki lokola bamèmè, tokómaki kokende moto na mot na nzela na ye. Kasi Yawe atiaki mabe na biso nyonso na nzoto na ye. (Messie).

Moniteur, bongisa banzembo oyo ezali kokende nzela moko na Leson oyo:

Banzambe mosusu
Soki Obikisami
Ezaya 53:6

II. Koteya Mikanda ya Bible –

Mikanda ya Moïse ezali na eteni ya liboso ya Mikanda 39 ya Boyokani ya Kala. Totié Mikanda ya Boyokani ya kala na biteni oyo:

Mikanda ya Moïse (5)
Mikanda ya Histoire ya Bayuda na mabele na bango (12)
Mikanda ya Poesi (5)

Mikanda Molayi ya Prophetie (5)
Mikanda Mukuse ya Prophetie (12)

[Moniteur, Bana baloba bakombo ya biteni ya Boyokani ya Kala sima na yo.]

III. Kosala Revision –

Revision ya Leson eleki:

† Nzambe ayebisaki Moïse makambo misato nini likolo ya ngumba ?
(1. Ndenge nini esengeli bakoki kobika Mibeko na Ye, 2. Ndenge nini esengeli basalela Ndako ya losambo ya Capot, 3. Ndenge esengeli basambela Ye na kati na yango. Nzambe ayebisaki makambo oyo na detail ya mingi.)

Kolanda devoir ya Leson eleki:

Na poso eleki, topesaki bino bakristu devoir ya kosambela Nzambe po boyeba mayele nini to makabo nini Ye apesa yo, bongo koluka ko developper yango pe kosalela yango po na bokonzi na Nzambe. Nani akoki koyebisa biso nini Nzambe ayebisaki ye na likambo yango? *[Moniteur, pesa mwa-tango soki mwana alingi koloba.]* Soki ososoli nanu té makabo nini Nzambe apesa yo, kaka koba kosambela na likambo yango. Nzambe ekolakisa yo yango na tango na Ye.

IV. Koteya oyo –

Ebandeli ya Leson :

- Na ba Leson na biso, totiki Moïse wapi? (Likolo na ngumba)
- Atikali kuna po na tango boni? (Mikolo 40)

Ba-Israelite bamonaki lokola afandi kuna tango ebele. Babandi kokanisa ete akozonga lisusu té. Bazalaki té na lolenge ya komata kuna po na komona soki akufi to soki nini, po Nzambe ayebisaki Moïse kotia lopangu nzinga-nzinga ya ngomba. Soki baleki lopangu, to soki ata basimbi yango, Nzambe akoboma bango. Bakosala nini?

Moïse azongaki déjà mbala moko, ayebisaki bango mibeko oyo Nzambe apesi ye. Nani azali kokanisa mobeko ya liboso pe ya mibale? (Ee, ya liboso ezalaki kosambela Nzambe kaka, ya mibale ezali kosala té to kosambela té bikeko ya lolenge nyonso.) Bato bazalaki kaka kozela Moïse. Pe kozela ye. Pe kozela ye. Tolanda nini esalemaki na mokanda ya Kobima mokapo 32.

Developpement--Makambo minene ya Leson oyo na biteni 10:

[Moniteur, lokola bandakisa ya Leson ezali mingi, tokotia biloko mosusu mukuse to tokosala kaka sommaire.]

18.1 Bato balembaki kozela Moïse, bongo bo sengaki Aaron kosalela bango banzambe ya bikeko po na kokamba bango. Kobima 32:1

Tangela bana:

1 Ba-Israelite bamoni 'tè Moïse awumeli mingi na ngomba pe azali kozonga noki té, yango wana bango nyonso bakei kosangana epai ya Aaron pe balobi na ye : "Salela biso nzambe moko oyo akobanda kotambola liboso na biso, pamba té toyebi té likambo nini ekweyeli Moïse moto oyo abimisaki biso na Egypte."

Tuna bana:

- Tango Moïse awumelaki pe azongaki noki té na ngomba, ba-Israelite basengaki Aaron asala nini ?

(Kosalela bango nzambe oyo akotambwisa bango.)

Tuna bana oyo bakoli :

- Na ba pasi oy ekweyaki na Egypte, ba-Israelite basengaki nini ?
(Ata ata eloko té. Nzambe atalisi monene pe nguya na Ye likolo ya banzambe ya mike-mike ya Egypte, kasi sima, bazongi lisusu na lombangu na moko ya banzambe yango ya mike.)

Bana basala:

Bana basala bageste lokola bazali koyimayima ete, "Moïse awumeli mingi kuna na ngomba. Awumeli mingi. Azali wapi ?"

Bana bayemba pe babina :

Ba-Israelite bamonaki ete Moïse awumeli mingi.

Basengi Aaron asalela bango Nzambe oyo akotambwisa bango.

18.2 Aaron ayebisaki bango komemela ye biloko ya wolo, bongo asalelaki bango ekeko ya ngombe. Kobima 32:2-4

Tangela bana:

2 Aaron azongiseli bango boye: "Bolongola biloko ya matoyi ya or, oyo basi na bino ná bana na bino ya mibali pe ya basi balataka, boyeela ngai yango."

3 Bango nyonso balongoli biloko na bango ya matoyi ya or, bamemi yango epai ya Aaron.

4 Bongo ye akamati yango, atié yango na móto po élemba pe ékoma mayi-mayi. Sima asali yango ekeko ya mwana-ngombe. Bango nyonso balobi: "Ba-Israelite, bátala Nzambe na biso oyo abimisaki bison a Egypte!'"

Tuna bana:

- Makambo nini ya mabe Aaron asalaki po na koyima-yima na bango?
(Asalelaki bango ekeko ya ngombe ya libende ya wolo.)

Tuna bana oyo bakoli:

- Pona nini oyo ezalaki solo mabe makasi ?
(Ebomaki mobeko ya liboso pe ya mibale oyo Nzambe apesaki bango deja. Lisusu, Nzambe ayebisi bango deja 'tè kanda na Ye eleki makasi nguya ya bikeko nyonso ya Egypte. Bazalaki malamumu, Nani abmisi bango na Egypte, pe ezalaki té ekeko.)

Bana basala :

Bana baloba na rythme :

(Bana balakisa musapi moko po na koyebisa mobeko ya liboso.)

Nzambe alobi 'tè: 'Sambela kaka Ngai'.
Kasi basalaki yango té.

(Bana balakisa misapi mibale po na koyebisa mobeko ya mibale.)

Nzambe alobi : 'Kosala bikeko té.

Kasi balandi yango té.

Bana bayemba pe babina:

Ba-Israelite basalaki ekeko
Soni,soni na bango!

18.3 Aaron atongelaki ekeko yango mesa-ya makila. Alobi ete bakosala fete ya Yawe Nzambe, pe bato balandaki ye. Kobima 32:5-6.

Tangela bana :

5 Bongo Aaron asali mesa ya mobonza liboso ya ekeko; pe ayebisi bato boye: "Lobi ekozala fête po na kokumisa Yawe."

6 Mokolo oto elandaki na tongo-tongo, bato bapesi mwana-ngombe wana mabonza ya kozikisa pe ya kolia. Bafandi-fandi po na kolia pe komela; sima batelemi po na kobina.

Tuna bana:

- Aaron atongaki nini liboso ya ekeko ya ngombe ?
(Mesa ya mabonza)
- Bato basalaki nini na mesa ya mabonza?
(Bapesaki makabo ya nyama.)
- Aaron alobaki lobi bakosala nini ?
(Fete na Yawe)
- Boni, bato bakoki kosambela Nzambe na fête ya ekeko ?
(Bongo té.)

Tuna bana oyo bakoli:

- Pona nini bakoki kosambela Nzambe té na fête to na makabo na ekeko?
(Po mobeko ya liboso Nzambe tubaka vandaka nde bo sambila Ye kaka, ti mobeko ya mibale vandaka nde bo sambila bikeko té.)

Bana basala:

Bana baloba na rythme:

O Aaron! Osali nini?

Bazali kosambela Nzambe

Liboso ya ekeko té, té, té!

Bana bayemba pe babina:

Aaron atiaki ekeko liboso ya bato
Alobaki ete basambela Mokonzi
A, a, a! Ndenge ezali té, ndenge ezali té!

18.4 Nzambe ayebisaki Moïse kokita na ngomba po na likambo yango, ye Azalaki na kanda na ba-Israelite, yango wana Alingaki kosilisa bango. Kobima 32:7-10

Tangela bana :

7 Bongo Yawe alobi na Moïse: 'Kita noki po bato na yo oyo obimisaki na Egypte basi babungi nzela.

8 Batiki noki oyo ngai nalakisaki bango, basali ekeko ya mwa-ngombe na bibende, bafukameli yango, bapesi yango mabonza pe balobi: "Ba-Israelite, botala Nzambe na bino oyo abimisaki biso na Egypte!"

9 Ya solo, namoni ndenge bato oyo bazali; bazali mitú makasi,

10 Sik'oyo, tika náboma bango na kanda na ngai; bongo sima nakokómisa yo tata ya ekolo monene. »

Tuna bana:

- Nzambe ayebisaki Moïse kosala nini?
(Kita noki na ngomba, kozonga na bato na Ye)
- Nzambe amonaki bato yango ndenge nini?
(Mitú mabanga)
- Na kanda na Ye, Akanisaki kosala nini?
(Aboma bango nyonso, Pe Atonga libota ya bana ya Moïse)

Bana basala:

Bana nyonso basala bageste lokola bazali kokita na ngomba na lombangu nyonso.

Bana bayemba pe babina:

O, Moïse, kita !
Bato basali mabe !

18.5 Moïse asengaki ete Nzambe ayokela bango mawa, pe Nzambe ayokaki losambo na ye. Kobima 32:11-14

Tangela bana:

11 Kasi Moïse abondeli Yawe Nzambe na ye ákitisa motema, alobi: "Yawe, po na nini óngalisa kanda na yo epai ya baton a yo? Yo moto obimisaki bango na Egypte na nguya na yo monene.

12 Soki osali boye, ba-Egyptien bambuta-muntuba 'tè: Yawe abimisaki bango na mboka na bison a kanda, po áboma bango na bangomba pe álongola bango libela na mokili. O Yawe, kitisa motema, longola makanisi ya kosala baton a yo mabe.

13 kanisa basali na yo Abraham, Isaac pe Jacob; kanisa ndenge okatelaki bango seleka na kombo na yo moko; olobaki: 'Bana na bino oyo bakoya sima bakozala ebele lokola minzoto ya Likolo. ekokóma ya bango seko.' "

14 Bongo Yawe abongolaki makanisi na ye ya kosala baton a ye mabe.

Tuna bana:

- Moïse asambelaki Nzambe ete Aboma bato na ye té po Ye Nzambe alakaki nini?
(Akatelaki bango seleka 'tè bakokóma libota monene. Ndenge nini ekoki kosalema soki Abomi bango ?)

Bana basala :

Bana basala bageste lokola bazali Moïse, azali kosambela po Nzambe na kanda Aboma ba-Israelite té.

Bana bayemba pe babina :

Moïse asambelaki makasi,
Pardon! Koboma bato na ngai té.

18.6 Tango Moïse amonaki ekeko oyo basali, asilikaki. Abwaki mabanga ya mibeko oyo Nzambe apesaki na mabele, bongo epasukaki. Kobima 32:15-19

Tangela bana:

15 Moïse alongwe na ngomba pa akiti. Amemi na maboko mabanga mibale ya Boyokani, ezalaki ya kokóma epai na epai.

16 Mabanga wana ezali nde Nzambe moto asasaki yango; pe makambo oyo ekómamaká wana, ezali Nzambe moto akómaki yngo. ...

19 Tango Moïse akómi penepene na camp, amoni ekeko ya mwa-ngombe pe bato bazali kobinela yango. Ayoki kanda mingi penza, abwaki mabanga oyo ezalaki na maboko na ye, pe abuku-buki yango na se ya ngomba.

Tuna bana:

- Moïse asalaki nki tango ye kulumukaka ti ye monaka ekeko ya ngombe ?
(Ye waka makasi, ye losaka mabanga ya mibeko na ntoto, yo pasukaka.)

Bana basala:

Bana nyonso basala lokola bazali na kanda mingi penza, bazali kosimba mabanga ya mibeko, bongo na kanda, bazali kobwaka yango na se.

Bana bayemba pe babina :

Moïse amonaki ekeko ya mw-ngombe
Ayoki kanda mingi
Abwakaki mabanga ya mibeko
Epasukaki.

18.7 Moïse atumbaki ekeko pe abukaki-kaki yango, ekomaki putulu. Kobima 32:20

Tangela bana:

20 Akamati ekeko ya mwa-ngombe, azikisi yango na móto, aniki-niki yango tii ekómi putulu, atie yango na may, pe amelisi ba-Israelite.

Tuna bana:

- Moïse asalaki nini na ekeko yango?
(Pe atumbaki yango tii ezikaki, pe anikaki yango tii ekomaki putulu.)

Bana basala:

Bana nyonso basala lokola bazali kobwaka ekeko na moto, sima basala lokola bazali kotuta yango mingi tii ekomi putulu.

Bana bayemba pe babina:

Tumba, tuta yango makasi !
Ekoma kaka pu-tu-lu.

18.8 Aaron apesaki kaka ba-excuse na oyo asalaki. Kobima 32:21-24 pe Kozongela Mibeko 9:20. – Sommaire

Tangela bana sommaire oyo:

Moïse atuni Aaron pona nini asalaki lolenge wana. Aaron andimaki té mabe na ye, kasi alobaki kaka 'tè, tango atiaki wolo na móto, mwa-ngombe abimaki. Nzambe azalaki na kanda mingi penza na ye, pe alingaki kobóma

Aaron. Kasi Moïse asambelelaki ye Nzambe, bongo Nzambe ayokelaki ye mawa na mabe monene Asali.

Tuna bana :

- Soki moto atie wolo na móto, boni, ekoki kozala ete ebima ekeko ya mwa-ngombe, yango moko?

(Bongo té. Po na kokóma ekeko, esengeli moto asala yango.)

- Tango Moïse atunaki Aaron likambo ya ekeko, boni, andimaka na lombangu mabe na ye ?

(Bongo té. Apesaki bango kaka ba excuse.)

- Nzambe azlaki na kanda mingi po na Aaron. Ndenge nini Nzambe abomaki ye té? (Moïse asengelaki ye Nzambe.)

Bana basala:

Bana baloba ete, 'Ba excuse ezali kaka ba-ba-ba-ba!

Bana bayemba pe babina:

O, Aaron ! Ndimba mabe na yo osali !
Nzambe ayokela yo mawa.

18.9 Nzambe asalelaki libota ya Levi po na koboma batambwisi makambu oyo. Kobima 32:25-29 – Sommaire

Tangela bana sommaire oyo :

Moïse amonaki ete makambo oyo epesi bango soni. Abengaki ete, 'bato nyonso oyo bazali po na Yawe Nzambe, baya awa na ngai.' Libota ya Levi nyonso bakendeki, koyebisa ete balingi kolanda Nzambe, kasi bikeko té. Aaron pe azalaki na kati na bango. Emonani ete, tango yango, abongolaki motema na ye.

Apesaki bango bango devoir ya kosilisa bato nyonso oyo babendaki bato na kosala mabe ya ekeko yango, po makambu yango esila.

Tuna bana:

- Nani andimaki ete balingi kozala bato na Nzambe ?
(Bato nyonso ya libota ya Levi.)

18.10 Moïse asambelaki Nzambe ete Ayokela bango mawa. Nzambe andimaki, kasi Atindaki maladi ya makasi na bato oyo basalaki mabe yango. Kobima 32:30-35

Tangela bana :

30 Mokolo oyo elandaki, Moïse alobi na bato: "Basali lisumu moko ya monene penza. Sik'oyo nakozonga na likolo ya ngomba, epai ya Yawe; tango mosusu akolimbisa lisumu na bino,"

31 Bongo Moïse azongi epai ya Yawe pe alobi: "Aa, Yawe! Bato oyo basali lisumu ya monene! Basali nzambe moko ya or,

32 Sik'oyo, soki olingi, limbisa lisumu na bango; soki té, longola kombo na ngai na buku na yo. ...

35 Bongo Yawe Apesi ba-Israelite etumbu, po basengaki Aaron ásalela bango ekeko ya mwana-ngombe.

Tuna bana :

- Moïse asengaki nini na Nzambe ?
(Ete Ayokela bango mawa po na masumu oyo basali.)
- Nzambe asilisaki makambo yango ndenge nini ?
(Atindilaki bango maladi ya makasi.)

Bana basala :

Bango nyonso sala lokola bazali kosenga Nzambe ayokela bango mawa.

Bana bayemba pe babina:

Matondo, Nzambe !

Oyokeli bango mawa.

Matondo, Nzambe !

Obómi bango nyonso té.

Kosilisa Leson :

Ba-Israelite kuzwaki likambo ya makasi ná Nzambe po babomaki mobeko na Ye ya liboso pe ya mibale. Solo, Bible ezali kolakisa biso ete biso nyonso tozali pe na likambo ná Nzambe, po biso nyonso tomaki mibeko na Ye. Ata moto moko té asalá makambo oyo ezali malamú na miso na Nzambe. Bisó nyonso tosala masumu, bongo Nzambe akateli biso nyonso etumbu liwa. Kasi Nzambe Alingi biso mingi, yango wana Atindelaki biso Mwana na Ye moko, Yesu Kristu. Yesu akufaki na esika na biso po na kozongisa biso na boyokani ná Nzambe. Esengeli kaka ete tondima mosala Asali po na biso, toyamba Ye na motema na biso.

Devoir pona ba kristu:

Bino bakristu, Devoir nazali kopesa bino poso oyo ezali koyebisa histoire oyo na bandeko,

koyebisa bango ete biso nyonso pe tobóma mibeko na Nzambe, kasi Nzambe Akoyokela biso mawa soki totié motema na Yesu Kristu.

Kobenga bana oyo bayebi Yesu nanu té:

Mbala mosusu otié motema na Yesu nanu té. Bible ezali koloba ete biso nyonso toboma mibeko na Ye. Nzambe azali na kanda makasi na biso po na yango. Boyokani na biso ná Nzambe, ekataná po na masumu na biso tosalá. Kasi Nzambe alingi yo mingi. Alingi koyokela yo mawa. Yango wana, Atindaki Mwana na Ye Yesu Kristu po Akufa na esika na yo, pe Azwa etumbu nyonso ya masumu na yo. Soki okondima Ye, Nzambe Akoyokela yo mawa, Pe Akobongola yo mwana na Ye. Nani alingi kondima Yesu lel'oyo? Nani ayebi ete ayambá Ye nanu té, kasi lel'oyo alingi yongo?

Sik'oyo, kaka yebisa ye nini ezali na motema na yo. Benga Ye kobikisa yo. Bongo, sima ya ecodim, nakozala ná bosenga ya kosolola ná yo, kosalisa yango.

===SUKA YA LESON 18

LESON 19 TOZONGA NA NZAMBE SOKI TOBUNGI NZELA.

Apesaki bango mibeko na Ye lisusu likolo ya mabanga.

Kobima mokapo 33 kino 35:2

I. Preparation ya moniteur pona Leson oyo - – (bongisa yango na ndako liboso ya koya kosala yango na classe)

Moniteur, bongisa Tina to mutuuya ya Leson:

Na SUKA YA LESON oyo, bana bakososola ete, tango tosali mabe, soki tomikitisi pe tobongoli motema na biso, Nzambe azali malamumu po kozongisa biso na boyokani ná Ye. Yango wana, bakozala lombangu kozonga na Nzambe tango nyonso oyo babungi nzela.

Moniteur, bongisa verse ya koyekola:

Kobima 34:6

Yawe aleki liboso na ye pe asakoli boye: “Ngai Yawe nazali Nzambe oyo alingaka bat ope ayokelaka bango mawa; nayokaka kanda noki té, natondá na bolamu pe nakokisaka maloba ngai.

Moniteur, bongisa banzembo oyo ezali kokende nzela moko na Leson oyo:

Komikitisa na Miso ya Nzambe
Nzambe azali Monene, verse ya suka
Nzambe akoyokela Bisu Mawa

II. Koteya Mikanda ya Bible –

Bana baloba lisusu lisanga ya mikanda oyo ezali na Boyokani ya Kala:
Mikanda ya Moïse (5)
Mikanda ya Histoire ya Israël na mabele na bango (12)

Mikanda ya Poesie (5)

Mikanda ya Ba prophete ya Milayi (5)

Mikanda ya Ba prophete ya Mikuse (12).

Mikanda nyonso 39 na Boyokani ya Kala.

III. Kosala Revision –

Revision ya Leson eleki:

† Nini esalemaki na mibeko oyo Nzambe ye moko akómaki na loboko na Ye ?

(Moïse abwakaki yango na mabele, bongo apasukaki.)

† Pona nini Moïse Abwakaki yango na mabele?

(Na kanda, po amonaki ete deja bato baboma mobeko ya loboso-liboso, pe mobeko ya mibale.)

Kolanda devoir ya Leson eleki:

Na poso eleki, biso topesaki bino bakristu devoir kobeta histoire oyo boyoki na bandeko mosusu. Tosengaki oyebisa bango ete biso nyonso tobuka mibeko na Nzambe, kasi Nzambe alingi koyokela biso mawa soki totie motema na Yesu Kristu. Nani asalaki lolenge wana? Nani ekoyebisa biso na mukuse nini esalemaki?

IV. Koteya bana Leson oyo –

Ebandeli ya Leson:

Apesaki bango bato mibeko na Ye, kokoma na ba tableau ya mabanga, kokoma na mosapi na Nzambe Ye moko. Kasi Sik’oyo, tableau ya mibeko yango, ekomi kolala na mabele oyo epasukaki. Boni, Nzambe akoyokela ba-Israelite mawa? Boni, Akopesa bango mibeko

na Ye Iisusu? Tokomona nini esalemaki wuta na mokanda ya Kobima mokapo 33.

Developpement--Makambo minene ya Leson oyo na biteni 6 :

19.1 Nzambe Azalaki na kanda mingi na ba-Israelite, kasi Ayokelaki bango mawa po Moïse asambelaki bango. Kobima 33:1-23

Tangela bana sommaire oyo ya mokapo 33:

Ba-Israelite basalaki likambo moko ya mabe na ndenge basalaki ekeko pe basambelaki yango. mabe monene na ndenge balobaki ete ekeko yango vezalaki Nzambe na bango oyo akotambwisaa bango. Yango wana, Nzambe ayebisaki bango ete, "Likambo té. Bókende na mokili oyo Nalakaki bino, kasi po na Ngai, Nazali kotambwisa bino té, Nakokende na bino té.

Ba-Israelite bayokaki sango yango ná mawa lokola moto akufi. Moïse asambelaki bango Nzambe makasi, bongo Nzambe ayokaki losambo na ye, po Nzambe Azalaki na esengo na Moïse. Yango wana, Nzambe ayokelaki bango mawa.

Tuna bana:

- Etumbu nini Nzambe akanisaki kopesa bango po basalaki ekeko yango? (Azalaki na bango Iisusu té.)
- Pona nini Nzambe ayokelaki bango mawa ? (Po na losambo ya Moïse)

19.2 Nzambe andimaki kókoma mibeko na Ye na mabanga mbala ya mibale po bazala na yango. Kobima 34:1-3

Tangela bana :

1 Yawe Alobi na Moïse: «Kata mabanga mibale lokola oyo ya liboso, bongo Nakokóma wana mibeko oyo nakómaki na mabanga ya liboso.

Tuna bana:

- Moïse esengeli asala nini ? (Asala mabanga mibale Iisusu po Nzambe akóma mibeko na Ye Iisusu.)

Bana basala:

Bana nyonso batia maboko na mopanzi ya matoyi lokola bazali koyoka oyo Nzambe ezali koloba na bango.

Bana bayemba pe babina:

Nzambe esengeli akóma mibeko na Ye Iisusu.

19.3 Moïse asalaki mabanga Iisusu, amataki na ngomba oyo asengaki mawa na Nzambe po na ba-Israelite. Kobima 34:4-9

Tangela bana:

4 Yango wana, Moïse akataki mabanga mibale lokola oyo ya liboso. Bongo na tongo-tongo amemaki yango na likolo ya ngomba ya Sinai ndenge Nzambe atindaki ye.

5 Yawe ayei kokita na kati ya likonzi ya mapata, Atelemi penepene ya Moïse, ayebisi ye tin aya kombo na ye "Yawe."

6 Yawe aleki liboso na ye pe asakoli boye: "Ngai Yawe nazali Nzambe oyo alingaka bat ope ayokelaka bango mawa ; nayokaka kanda noki té, natondi na bolamu pe nakokisaka maloba na ngai. ...

8 *Moïse afukami noki elongi na se,*

9 *Pe Alobi: "Nkolo lokola opesi ngai bolamu na yo, yaka ná biso. Nayebi malamú 'tè bato bazali mitú makasi, kasi limbisa masumu na biso nyonso, pe kómisa biso ekolo na yo."*

Tuna bana:

- Nzambe asilikaka na lombangu, to na lombangu té ?
(Na lombangu té)
- Moïse asengaki Nzambe Asala nini ?
(Ayokela bango mawa po na masumu na bango)

Bana basala:

Bana basala bageste lokola basambelaka Nzambe ayokela libota na bango mawa.

Bana bayemba pe babina:

Moïse asambelaki Nzambe,
'Ayokela biso mawa.'

19.4 Nzambe andimaki kopesa bango mabele to mokili Alakaki bango, kasi Ayebisaki bango balanda mibeko na Ye kuna, balanda té ndenge ya bato kuna basambelaka bikeko. Kobima 34:10-28 Sommaire

Tangela bana sommaire oyo:

Yango wana, Nzambe andimaki kokende ná bango, kosala bikamwisi na Ye po kobimisa bato oyo bazalaki kobika kuna.

Kasi Nzambe akebisaki bango makasi ete balanda té lolenge ya bato oyo bakomona kuna. Kuna, bakomona lisusu bikeko ebele. Basengeli kokufa-kufa, pe bakata-kata, pe

bakweisa-kweisa bikeko na bango nyonso. Basambela té bikeko yango, po ekanga bango lisusu na mabe té.

Nzambe azali Nzambe ya zwa. Andimaka banzambe mosusu té. Basengeli koyokana ná bato ya kunai té; bana na bango esengeli babalana ná bato ya kuna té.

19.5 Tango Moïse akitaki na ngomba, bato bamonaki ete elongi na ya ezalaki kopela lokola moi. Kobima 34:29-35

Tangela bana:

29 *Moïse ayaki kokita na ngomba ya Sinai ná mabanga mibale ya Boyokani na maboko , ayebaki té 'tè elongi na ye ekómaki kongenga tango asololaki ná Yawe.*

30 *Tango Aaron ná ba-Israelite nyonso bamonaki elongi ya Moïse ezali kongenga, babangaki kopusana pene-pene na ye.*

31 *Moïse abengi bango ; bongo Aaron ná bambuta-muntu nyonso ya lisanga ya ba-Israelite bapusani, pe Moïse asololi na bango.*

32 *Sima ba-Israelite nyonso bapusani, pe ayebisi bango mibeko nyonso oyo Yawe apesaki ye na ngomba ya Sinai.*

33 *Tango Moïse asili koloba na bango, azipi elamba moko na elongi na ye.*

Tuna bana:

- Sima Moïse azalaki kosolola ná Nzambe, bamonaki elongi na ye ndenge nini?
(Kupela lokola Moyi)
- Moïse ayebisaki bango nini?
(Nyonso oyo Nzambe ayebisi ye)

Bana basala:

Bana basimba elongi. Baloba : « Elongi ya Moïse ezali kongenga lokola Moyi! »

Bana bayemba pe babina:

Elongi ya Moïse engengaki
Po awutaki kozala na Nzambe.

19.6 Moïse abengaki bato nyonso po bayoka soki Nzambe alobaki nini. Kobima 35:1-2

Tangela bana:

1 Moïse asangisa lisanga mobimba ya Israel pe alobi na yango: "Oyo ezali mibeko Yawe apesi po na kotosaka yango:

2 'Bokosala misala na bino mikolo motoba, kasi moko ya sambo ekozala Mokolo ya Kopema, Mokolo ya bosantu ya Yawe. Moto nyonso oyo akosala mosala mokolo wana, bakoboma ye.

Tuna bana:

- Nzambe amemaki bango kokanisa mobeko na ye nini?
(Mobeko ya minei, Kotosa mokolo ya Kopema)

Bana basala:

Bana basala geste lokola bazali kobenga bato, balingi koyebisa bango nini Nzambe ayebisi bango.

Bana bayemba pe babina:

Bato nyonso, boya
Koyoka Maloba na Nzambe.

Kosilisa Leson:

Ba-Israelite basalaki mabe monene ya kosala ekeko ya ngombe. Kasi Nzambe ayokelaki bango mawa tango Moise asengelaki bango Nzambe. Biso nyonso pe, tozali na bosenga ya mawa na Nzambe. Soki tobebisi, kaka tomikitisa liboso na Ye, tosenga Ye bolimbisi. Azali Nzambe ya mawa. Ye Akozala lombangu kolimbisa biso, soki ya solo tobongoli mitema na biso.

Devoir pona ba kristu :

Bino bana oyo ayebi Yesu, Devoir nazali kopesa bino yang'oyo: Soki oyebi ete obebisi, obungi nzela, okweyi na mabe, kozela té. Kozala lolendo té, kasi omikitisa. Kende na lombangu kondima mabe osali pe senga bolimbisi na Nzambe. Azali Nzambe ya mawa. Akolimbisa yo.

Kobenga bana oyo bayebi Yesu nanu té:

Mbala mosusu oyebi ete oyà nanu na Yesu té kobongola motema na yo, kosenga Ye kozala Mobikisi na yo. Nzambe alobi: « Nalongisaka té bato oyo basalaka mabe.» (Kobima 34:7b). Biso nyonso tosalà mabe. Yo asalà mabe. Nzambe akoki kolingisa yo té, kasi Akoki koyokela yo mawa soki ondimi ete ozali mutu ya masumu, ondimeli Yesu Kristu, osengi Ye Akota na motema pei na bomoi na yo.

Okoki kobenga Yesu kobikisa yo esika nyonso ozali, to tango nyonso. Soki olingi tosambela ná nyo na likambo yango, tikala sima ya ecodim, bongo tokosalisa yo.

===SUKA YA LESON 19

LESON 20 TOSAMBELA NZAMBE NA ESENGO NYONSO.

Bato basali ndako ya losambo ya Capot; babandi kosambela kuna. Kobima 35:4–40:38

**I. Preparation ya moniteur pona Leson oyo -
– (bongisa yango na ndako liboso ya koya kosala yango na classe)**

Na kati ya Leson, bana bakoyemba banzembo oyo :

Bino Baleki, Bopesa Makabo

Nzambe Ayebi Nzela na Ngai. Ya mibale ezali likolo ya banzembo oyo ezali kotambola nzela moko ná Leson oyo.

Moniteur, bongisa Tina to mutu ya Leson:

Na SUKA YA LESON oyo, bana bakososola ete Nzambe alingi biso tosambela Ye na esengo nyonso, pe na motema na biso mobimba.

Moniteur, bongisa verse ya koyekola:
Nakobetelaka yo music, nakoyembela yon a esengo po obikisi Ngai. Banzembo 71:23

Moniteur, bongisa banzembo oyo ezali kokende nzela moko na Leson oyo. Pona mibale na kati ya banzembo oyo:

Bandeke bazali Koyemba
Mokolo oyo Nzambe Asali
Mikolo nyonso Esengo Ezali
Kumisa Nzambe.

II. Koteya Mikanda ya Bible –

Niveau Primaire:

Salela Bible na yo. Fungola na mokanda ya Ebandeli. Lakisa bana ete ozali na Ebandeli.

Tuna bango soki mokanda nini tokomona sima na yango.

Pesa Bible na yo na mwana oyo ayebi kotanga. Pe leka mwa liboso na yango, okomona mokanda ya Kobima. Bana nyonso baloba kombo yango.

Tuna bana nini bakomona sima ya Kobima.

Pesa Bible na yo na mwana oyo akoki kotanga. Akenda mwa liboso na yango, akomona mokanda ya Levi. Pe lakisa bana mosusu. Bana nyonso baloba kombo yango. Moïse pe Aaron bazalaki bato ya libota ya Levi.

Niveau Secondaire:

Bana baluka baverse oyo pe batanga yango na miso ya bana nyonso :

Ebandeli 12:3	Kobima 40:34
Kobima 20:1-2	Levitique 1:1
Levitique 8:5	Levitique 9:6

III. Kosala Revision –

Revision ya Leson eleki:

Na poso eleki, tomonaki ete atako ba-Israelite babomaki deja mobeko ya liboso pe ya mibale na Ye, Nzambe Alimbisaki bango tango Moïse asambelaki Nzambe po na bango. Sik'oyo, bakoki kolanda lisusu voyage na bango ya kokende na mokili oyo Nzambe alakaki bango.

Kolanda devoir ya Leson eleki:

Na poso eleki, tosengaki bino bakristu kosala lombangu, soki boyebi ete bobungi nzela, na kosenga bolimbisi na Nzambe, kozonga na nzela. Na poso oyo, Nani asalaki makasi kosala yango? Nani alingi kopesa litatoli na

likambo yango? Kanisa yango tango nyonso, po biso nyonso tobungaki nzela.

IV. Koteya bana Leson oyo –

Ebandeli ya Leson:

Sik'oyo, ba-Israelite balingi lisusu kolanda nzela. Kasi basengeli kosala eloko moko liboso bakoka kokende. Nzambe ayebisi bango kosala eloko moko, kasi bakangami na likambo ya ekeko yango ya ngombe. Yango wana, basali yango nanu té. Eloko nini yango oyo basengeli kosala? Ee, basengeli kosala ndako ya Capot ya losambo, pe biloko nyonso oyo basengeli kosalela na losambo na kati na yango.

Developpement--Makambo minene ya Leson oyo na biteni 5:

20.1 Moïse abengaki bato komema makabo po na kotonga ndako ya Capot ya losambo. Kobima 35:4-9.

Tangela bana:

4 Moïse alobi lisusu na lisanga mobimba ya Isrel. "Yawe apesi mitindo boye :

5 Bokokongolela ngai makabo. Moto nyonso oyo andimi kopesa yango na motema malam, akoki kopesa : or, argent, bronze,

6 bilamba ya lokumu, ya motane ya brulé, ya motane penza to ya motane, ba poils ya taba,

7 poso ya meme ya mobali oyo bapokolà yango langi ya motane, poso ya kitoko ya nyama mosusu, mabaya ya wenge . . .(ná biloko mingi mosusu.)

Tuna bana:

- Ndenge nini Nzambe alingaki ete bato bamema makabo na bango ?
(Na bolingo na bango moko)

- Boni, basengeli komema kaka mbongo? (Bongo té. Bakoki komema biloko mingi ya ndenge na ndenge oyo ekokaki kosalisa na mosala.)
- Biloko oyo bamemaki ekoki kozala biloko ya bongo-bongo, to biloko ya talo? (Biloko ya talo, ya mutuya, ya valeur. Biloko ya Sika, ya pamba-pamba té.)

Bana basala:

Bana basala bageste lokola bazali komema biloko ya ndenge na ndenge, bazali kopeselela yango makabo.

Bana bayemba pe babina:

Bana bayemba nzembo "Bino baleki, bopesa makabo" to nzembo nyonso oyo bana bazali kosalela mingi po na makabo.

20.2 Moïse abengaki bato kosalela mayele oyo Nzambe apesa bango na kotonga pe kosala biloko po na ndako yango. Kobima 35:10-19

Tangela bana:

10 Bato nyonso ya mayele oyo bazali na kati na bino básangana po na kosala nyonso oyo Yawe atindi.

Tuna bana:

- Boni, bato oyo basalaki mosala oyo ya Nzambe bazalaki kaka ba pasteur? (Bongo té. Bazalaki bato oyo bayebaki kosala biloko ya ndenge na ndenge.)

Bana basala:

Bana nyonso balakisa mutú na bango pe maboko na bango koyebisa nde bato basaleka

mayele na bango na maboko na bango na mosala na Nzambe.

Bana bayemba pe babina:

Bino bato na mayele

Boya.

Bino oyo boyebi kotonga

Bino nyonso boya.

20.3 Bato bamemaki biloko mingi pe ya koleka. Kobima 35:20--36:7

Tangela bana:

20 Lisanga mobimba ya Israël elongwe liboso ya Moïse.

21 Sima bato nyonso ya mitema malam u oyo bandimaki kopesa makabo, bamemelaki Yawe makabo na bango po na kotonga ndako ya bokutani, po na kosala misala na yango pe na kotonga bilamba ya bosantu.

22 Mibali pe basi ya mitema malam u bayei na biloko ya kitoko ya or oyo balataka na bilamba, na matoi na misapi, na maboko to pe na kingo, pe batomboli yango liboso ya Yawe po na kopesa ye.

Tuna bana:

- Boni, kaka mibali basalaki mosala yango? (Bongo té. Mibali pe basi basalaki yango.)
- Bamemaki biloko ya ndenge nini? (Biloko ya kitoko)

Bana basala, yemba pe babina:

Bana baya na mulongo na lozito, na kobina, na kosala bageste lokola bazali kopesa biloko po na ndako-Nzambe. Bayemba nzembo, “Bino, Baleki, Bopesa Makabo.”

20.4 Moïse amemi bato kosala nyonso na ndenge Nzambe ayebisaki bango, pe kotia famille ya Aaron lokola banganga-Nzambe. Kobima 36:8—40:33 Sommaire.

Tangela bana sommaire oyo:

Moïse ayebisaki bato ndenge Nzambe ayebisi ye, bongo balandaki mokano na Nzambe. Batongaki mesa ya kotumba mbeka ná lopangu ya kotia ndako-Nzambe ya Capot na kati. *[Moniteur, talisa dessin to image soki ezali.]* Batiaki bamwinda *[Molakisi, tala pe ba dessin na p.72, pe 96 na Bible ya Lingala]*, pe bilamba ya banganga-Nzambe *[lakisa dessin soki ezali, Ekoti pe poche ya Mokonzi ya banganga – talisa dession to photo soki ezali]*. Batiaki Aaron ná bana na ye banganga-Nzambe lokola Nzambe ayebisaki bango.

Basalaki basani ná mafuta ya solo ya kitoko po na kosalela na losambo. Basalaki Sanduku ya Boyokani lokola esika oyo Nzambe akokutana ná Mokonzi ya banganga-Nzambe *[dessin na p. 72]*. Basalaki mesa ya mapa ná biloko nyonso oyo Nzambe ayebisaki bango. Na esengo nyonso basalaki yango. Oyo ekozala ndako ya losambo na bango!

Tango basilisaki kosala, bo télemisaki yango pe batiaki biloko nyonso na kati na ndenge Nzambe ayebisaki bango. bongo basilisaki mosala.

20.5 Nkembo na Nzambe etondisaki ndako ya Capot, pe lipata ezipaki yango po na kotambwisa bango. Kobima 40:34—37

Tangela bana:

34 Bongo lipata ya Yawe eyaki kozipa Ndako ya bokutani, pe nkembo na Yawe eyaki kotondisa ndako mobimba, boye Moïse akokaki kokota té. ...

36 Mbala nyonso lipata ezalaki komata na likolo ya ndako ya bosantu, ba-Israelite bazalaki kosimba nzela po na kokende.

37 Soki lipata amati té, bazalaki pe kokende té, tii mokolo yango ekomata.

38 Pamba té tango nyonso ba-Israelite bazalaki kotambola na esobe ya zelo, Yawe azalaki komimonisa na bango na moi, na kati ya lipata oyo ezalaki likolo ya Ndako ya Basala bageste lokola yango ezali komata, ezali kokende liboso, ezali kotambwisa bango kolakisa bango nzela.

Bana bayemba pe babina:

Bana bayemba nzembo, « Nkolo ayebi nzela na Ngai. »

Kosilisa Leson:

Esengo ya mingi po bazalaki na ndako ya losambo na bango moko! Esengo ya mingi po Nzambe azalaki kokende nzela moko ná bango! Esengo ya mingi po Nzambe alakisaki bango ndenge oyo bakokaki kosambela Ye pe esepelisaki Ye! Privilege monene na kosambela Nzambe oyo akelaki likolo pe se, Nzambe oyo Apesaka bomoi, Nzambe ya solo!

[Moniteur, awa ezali tango malamumu ya koteya to ku reviser verse ya koyekola, Banzembo 71:23.]

bosantu; pen a butu, na móto oyo ezalaki kopela na kati ya lipata yango.

Tuna bana:

- Lipata oyo emonanaki likolo ya ndako ya Capot ya losambo, esalisaki bango ndenge nini?
(Ekotambwisa bano po na kolakisa bango nzela.)

Bana basala:

Bana basala bageste lokola lipata ezali koya kokita likolo ya ndako ya losambo. sima,

Devoir pona ba kristu:

Devoir nazali kopesa bino bakristu poso oyo ezali kosambela Nzambe na esengo ti na motema na nge nyonso.

Kobenga bana oyo bayebi Yesu nanu té:

Kasi, soki oyambi Yesu nanu té na motema na yo, yeba malamumu ete Nzambe akondima té losambo oyo ezali koya na nzela mosusu, kasi na Yesu té. Yaka na Yesu pe tiela Ye motema. Akobikisa yo, bongo okoki kosambela Ye na esengo. Soki ozali koluka lisalisi na likambo yango, yaka na biso sima ya ecodim, pe tokozala na esengo ya kosalisa yo po okóma mukristu.

===SUKA YA LESON 20

LESON 21 TOLANDA YESU, PO AKOKISI MIBEKO NYONSO.

Nzambe ayebisaki Moïse mibeko mosusu na kati ya ndako ya losambo ya Capot.

(Sommaire ya mokanda ya Levi nyonso, mokapo 1-27)

I. Preparation ya moniteur pona Leson oyo -

– (bongisa yango na ndako liboso ya koya kosala yango na classe)

Moniteur, bongisa Tina to mutuya ya Leson :

Na SUKA YA LESON oyo, bana bakososola ete Ba juif bqlandaki mibeko mingi pe bqpesaki makabo mingi na ndenge Nzambe ayebisaki bango na tango yango, kasi tango Yesu ayaki, Akokisaki makambo yango nyonso. Yango wana, totiya makasi na kolanda Yesu.

Moniteur, bongisa verse ya koyekola: Matthieu 5:17

17 (Yesu alobi:) "Bókanisa té 'tè nayeri po na koboma Mibeko ya Moize pe mateya ya baprofete. Nayeri po náboma yango té, kasi po na kokokisa yango.

Moniteur, bongisa banzembo oyo ezali kokende nzela moko na Leson oyo:

Aleluya, Imene!

Na Kati ya Yesu (Ton: Yesu ke Zola Mono)

O, Makila ya Yesu

II. Koteya Mikanda ya Bible –

Niveau Primaire :

Kabola bana na biteni mibale. Bambuta-muntuba mikanda misato ya liboso ya Bible pe

eloko nini eleki na bosenga na mokanda moko moko. Ndambu ya liboso bambuta-muntuba phrase ya liboso sima na yo; ndambu ya mibale bambuta-muntuba phrase ya mibale sima na yo. Sala yango mbala mibale ; sima, meka soki bakoki koloba yango bango moko.

Phrase ya liboso:

Ebandeli

Kobima

Levitique, pe

Kotanga

Phrase ya mibale:

Ebandeli ya nyonso

Kobima na bowumbu

Banganga, pe

pe Kotanga

Niveau Secondaire:

Bana baluka ba verse na mikanda misato ya liboso ya Bible. Moto ya liboso akomona yango, akotélema pe akotanga yango.

Ebandeli 1:27

Kobima 20:15

Levitique 20:6

Ebandeli 3 :15

Kobima 12 :13

Levitique 20:23

III. Kosala Revision –

Revision ya Leson eleki :

Na Leson eleki, tosilisaki Mokanda ya Kobima. Tomonaki ete ba-Israelite basilisaki kosala Ndako ya losambo ya Capot na ndenge oyo Nzambe ayebisaki bango kosala, pe lokumu na Nzambe eyaki kotonda na ndako yango.

Kolanda devoir ya Leson eleki :

Na poso eleki, tosengaki bino bakristu kosambela Nzambe na esengo nyonso pe na motema mobimba, po Nzambe alingi biso kosambela Ye na ndenge yango. Nani amekaki kosala yango na poso eleki? Esengo mingi, bokoba na kosambela Nzambe na ndenge yango.

IV. Koteya bana Leson oyo –

Ebandeli ya Leson :

Ba-Israelite bazalaki na nzela ya voyage pona kokende na mokili oyo Nzambe ekolakisa bango. Bakomi na ngomba ya Sinai. Kuna, Apesaki bango mibeko na Ye ndenge nini esengelaki babika lokola bato na Nzambe. Kuna, Nzambe ayebisaki bango ndenge nini ya kosala Ndako ya losambo ya Capot, pe basilisaki kosala yango na ndenge Alobaki. Lokumu na Ye etondisaki ndako yango. Boni, bakoki kolanda voyage na bango Sik'oyo pona kokende na mokili ya Canaan ?

Nanu té. Liboso, Nzambe esengeli Alakisa bango ndenge nini ya kosambela Ye na ndako ya losambo oyo basali. Mibeko oyo Apesaki bango bango ezali na mokanda ya Levi na Bible na biso. Tobengi yango Levitique, kombo ewuti na tribu moko ya Israël, po Nzambe aponaki tribu yango pona kozala banganga-Nzambe, pe kozala bato oyo bakosalela Ye na ndako ya losambo. Mibeko nini ya losambo Apesaki bango?

Developpement--Makambo minene ya Leson oyo na biteni 7 :

21.1 Nzambe ayebisaki bango kopesa Ye makabo ya makila. Levitique 1:1--5b

Tangela bana:

1 Yawe Abengi Moïse kuna na ndako ya bokutani ya Capot pe alobi na ye:

2 Yebisa ba-Israelite mibeko oyo: « Soki moto na kati na bino álingi kopesa Yawe libonza ya nyama, akokamata ngombe, mèmè to taba.

3 Soki alingi kozikisela Yawe ngombe, ápona ngombe ya mobali oyo ebebá ata esika moko té ámema yango na ekuke ya ndako ya

bokutani po Yawe ándima yango, bongo Yawe akondima yango.

4 *Atia loboko likolo ya mutú na yango, bongo Yawe akondima libonza na ye pe akolimbisa masumu na ye.*

5 *Esengeli koboma nyama liboso ya Yawe, bongo nganga-Nzambe moko ya libota ya Aaron akomema makila makila na yango epai ya Yawe, pe akobwaka-bwaka yango na bapembeni nyonso ya mesa ya mabonza oyo ezali na monoko ya ndako ya bokutani.*

Tuna bana:

- Na mibeko oyo Nzambe atiaki po na makabo, boni, bato bakoki komema nata nyama oyo ezwami na mbebà?

(Bongo té. Esengeli ezanga mbebà.)

- Kanisa. Makabo ya nyama ezalaki koyebisa bango ete Messie esengeli apesa makila na Ye lokola makabo po na masumu na bango. Tango Messie ayaki, boni, Azalaki na mbebà?

(Bongo té. Azalaki parfait, kozanga mbebà ata moko.)

- kanisa. Pona na nini obanzi bato esengeli batia loboko na mutú ya nyama ya makabo?

(Po na koyebisa ete nyama yango ezali kokufa na esika na bango. Geste yango ezali kolakisa, "Oyo ezali po na ngai.")

Bana basala:

Bana nyonso basala bageste lokola bazali kotala nyama po na koyeba soki ezali na mbebà té. Sima, baya na yango na ekuke ya ndako ya losambo, Batia loboko na na mutú na yango.

Bana bayemba pe babina:

Makila ya banyama yango elakisaki ete Messie esengeli afuta makila na Ye po na masumu na biso.

Bana bayemba nzembo, 'O Makila ya Yesu'

21.2 Moïse akómaki mokanda ya Levi mobimba po na koyebisa Ba juif ndenge nini komema makabo ya ndenge na ndenge na Nzambe. Ata nganga-Nzambe, esengeli apesa makabo ya makila pe. Esengeli bapesa yango liboso po na masumu na bango moko, bongo sima, po na bato mosusu. Levitique 9:8 & 15a, Ba-Ebré 7:27.

Tangela bana: *Levitique 9:8 & 15a*

9:8 Aaron apusani pembeni ya mesa ya mabonza, abomi mwana ngombe oyo amemaki po na masumu na ye moko.

15 Bongo Aaron apesi Yawe mabonza ya bato nyonso. Akamati taba oyo bato bamemaki po na kozwa bolimbisi ya masumu na bango, asali na yango bobele ndenge asalaki na mwana-ngombe.

Ba-Ebré 7:27

27 Ye azali lokola banganga-Nzambe ya libota ya Levi té; asengeli té kopesaka mabonza mikolo nyonso, liboso po na masumu na ye moko, pe sima po na oyo ya bato. Ye asi'apesá libonza mbala moko libela, tango amipesaki ye moko.

Kutuna bana:

- Pona nini banganga-Nzambe esengeli apesa makabo liboso po na masumu na bango moko?
(Po bango pe zalaki bato ya masumu.)
- Pona nini Yesu apesaki makabo kaka mbala moko ?

(Po Azalaki na masumu té Ye moko; yango wana, Apesaki makabo kaka po na masumu na biso.)

Bana basala:

Bana balakisa loboko moko to maboko mibale po na kopesa eyano na baquestion oyo :

- Banganga-Nzambe ya Kala ya Israël, bapesaki makabo mbala boni mikolo nyonso?
(Bana balakisa maboko mibale. Ee, bapesaki mbala moko po na masumu na bango moko, pe mbala moko mosusu po na masumu ya ba-Israelite nyonso.)
- Yesu Kristu apesaka makabo mbala boni?
(Bana balakisa loboko moko. Ee, Yesu apesaki makabo ya makila na Ye kaka mbala moko, po Azalaki na bosenga té ya kopesa yango po na mabe na Ye. Asalaki mabe té. Apesaki bongo kaka po na biso.)

Bana bayemba:

Bana bayemba nzembo, Aleluya, Esili!

21.3 Banganga-Nzambe bakoki té komela masanga ya makasi, po esengeli bakata makambo oyo Nzambe azali koteya bato na maloba na Ye. Levitique 10:8-11.

8 Yawe alobi na na Aaron:

9 « Yo ná bana na yo, bokoki komela vinu té ná masanga ya makasi, mokolo bolingi kokende na ndako ya bokutani. Soki te bokumilukela liwa. Yango ezali mobeko ya seko po na bino pe bana na bino oyo bakoya sima.

10 Bosengeli bókesenisaka esika na ngai ya bosantu, na bisika oyo ya bato nyonso bakotaka; ndenge moko pe bókesenisaka biloko oyo ezali peto ná oyo ezali mbindo.

11 Bongo bokokoka kolakisa ba-Israelite mibeko nyonso oyo na pesaki bango na munoko ya Moïse

Tuna bana:

- Pona nini banganga-Nzambe bakoki komela masanga ya makasi té ?
(Po bayeba kokata makambu malamu pe koteya bato malamu mibeko na Nzambe.)

21.4 Nzambe ayebisaki bango kosambela bikeko ya bato ya mokili yango té, bakende pe té na banganga ya bikila-kila. Levitique 20:1,6,7

Tangela bana :

1 Yawe alobi na Moïse:

6 Soki moto akei epai ya bato oyo basalaka bikila-kila po na koyeba makambo, to batunaka milimo ya bato bakufá, ngai moko na kopesa ye etumbu, nakolongola ye na molongo ya batu ya Israël.

7 Bómibongisa, bózala bato ya bosantu, pamba té, ngai nazali Yawe, Nzambe na bino.

Tuna bana:

- Nzambe aboyaki ete bato na Ye baluka lisalisi wapi té?
(Na bawei to na banganga ya bikila-kila)
- Pona nini bakomipesa na Nzambe?
(Po bazala bato na Ye)

Bana basala:

Kabola bana na biteni 3:

Ndambu ya liboso baloba:

Ndenge nini tokoyeba makambo oyo ?

Ndambu ya mibale baloba:

Boni, tokende na bawei to banganga ya bikila-kila?

Ndambu ya misato bazongisa eyano:

Bongo té! Toluka eyano na Nzambe na biso.

21.5 Nzambe ayebisaki bango kolanda mibeko na Ye, kasi kolanda té ndenge ya bato ya mokili yango. Levitique 20:22-23

Tangela bana:

22 « Bóbatelaka mibeko na ngai nyonso, pe bósalelaka yango. Soki té mboka oyo nazali komema bino po bafanda, ekoboya bino.

23 Bómeka té kolanda bizaleli ya bikolo oyo nakobengana liboso na bino ; pamba té na yini bango po basalaka makambo nyonso wana ya mabe.

Kutuna bana :

- Ba-Israelite bakokende kokota na Canaan, eseneli balanda mibeko ya Nani, pe ya nani té?
(Bakolanda oyo Nzambe, kasi ya bato oyo babikaka kuna té.)

Bana bayemba:

Kolanda té nzela ya bapakano

Kolanda kaka Nzambe, Nzambe na biso.

21.6 Levitique 23-27 Tangela bana sommaire oyo: Apesaki bango mibeko mingi mosusu ndenge nini esengeli kobika pe ndenge nini esengeli basambela Ye, ba fete oyo esengeli basala, pe bilei oyo esengeli balia. Mibeko mingi ya ndenge na ndenge.

21.7 Nzambe akokisaki makambo nyonso pe mibeko nyonso na kati ya Yesu.

Matthieu 5:17

Tangela bana:

17 (Yesu alobi:) "Bókanisa té 'tè nayeri po na koboma Mibeko ya Moize pe mateya ya baprofete. Nayeri po náboma yango té, kasi po na kokokisa yango." Pe, Yesu alandaki mibeko nyonso ya Nzambe, pe na ndenge asepelisaki Nzambe. Tango Yesu apesaki makila na Ye na ekulusu, Asilisaki makambo yango ya makabo to mabonza ya makila, po Apesaki bango libonz oyo ezalaki ya kokoka. Esengo na esengo! Toyebi yango lel'oyo, kasi tango wana, bazalaki kaka komeka kokokisa mibeko yango ya Nzambe.

Kutuna bana:

- Yesu asalaki nini na Mibeko ya Moïse? Asalaki niniki, pe Asalaki nini té? (abomaki yango té, kasi akokisaki yango.)

Bana bayemba:

Bana bayemba nzembo, O Makila na Yesu

Kosilisa Leson:

Ba juif balandaki mibeko mingi oyo Apesaki bango na tango yango. Biloko wana, mingi elakisaki koya na Yesu. Lokola kopesa nyama oyo makabo ya mbebá té, Yesu azalaki na masumu té, mbebá té. Amipesaki likabo Ye moko na ekulusu lokola libonza ya kitoko pe ekoka.

Devoir pona ba kristu:

Devoir nazali kopesa bino bakristu, yang'oyo: Mikolo nyonso na poso oyo, tonda Yesu po na makila na Ye. Tonda Ye po Akokisaki makambu ya mibeko nyonso, Akokisaki bosenga ya kopesa makabo ya makila.

Kobenga bana oyo bayebi Yesu nanu té:

Mbala mosusu otia nanu motema na Yesu té. Mbala mosusu okanisi ete ye moko okoki kokokisa mibeko na Nzambe. Kasi oyebi ete okokisá nyonso té. Osalá masumu. Biso nyonso tosalá masumu. Yesu Kristu apesaki makila na Ye kaka po okoki kobika. Boni, okoyamba Ye lel'oyo lokola Mobikisi na yo?

===SUKA YA LESON 21

LESON 22 REVISION YA MIKANDA YA KOBIMA TI YA LEVI

I Preparation ya Moniteur na ndako yambo classe esalema—

Moniteur, Bongisa Tina to mutuya ya Leson :
Tokosala ba Leson mibale ya Revision. Na Leson oyo, bana bakokanisa lisusu makambo minene bayekolaki na mikanda oyo mibale, Kobima pe Levitique. Na Leson 22, na poso ekoya, bakokanisa na mikanda oyo mibale, nini ezali kosala na kati ya makanisi mobimba ya Bible, to mokano monene ya Bible nyonso.

Moniteur, kosala oyo liboso (na ndako):

Okosalela ligne ya tango oyo ezali kolakisa mikanda ya Kobima pe Levitique. Tiya ligne yango malamumu-malamumu pe sala makasi kososola yango nyonso.

Koma makambo minene oyo esalemaki mokomoko na bapapier na makomi monene. Okosalela papier yango na lisano moko.

Mema lisusu ba papier 6 ná marker po bana basalela.

II. Mikanda ya Bible—

Bana bayemba « Mikanda ya Moïse ». Toyekolaki mikanda misato na kati ya mikanda yango, pe mikanda mibale etikali. Bana baloba mikanda ya Moïse nyonso na ordre.

III. Revision—

Revision ya Leson eleki :

Na poso eleki, tolobaki malakisi ya mokanda ya Levi nyonso na mukuse. Tomonaki ete mokanda mobimba ezali mibeko ndenge nini kosambela Nzambe na kati na ndako ya losambo ya Capoyt ya ba-Israelite basali.

Kutala lisusu devoir ya Leson eleki:

Na poso eleki, tosengaki bino bakristu kotonda Yesu mikolo nyonso po Akokisi mibeko nyonso, pe Akokisi bosenga ya kopesa Nzambe makabo ya makila. Nani akanisaki kotonda Ye na nyonso oyo Asali? Merci, bokoba kotonda Ye mingi.

IV. Koteya bana Leson (Leson ya Revision)

Lel'oyo tolingi kokanisa lisusu makambo minene oyo toyekolaki na mikanda oyo ya Kobima ná Levitique.

[Moniteur, lakisa bana ligne ya tango, pe limbola yango. Ba photo ezali kolakisa ba histoire minene na mokanda ya Kobima. Photo moko na mokili ya ligne, (photo ya nganga-Nzambe na elamba na ye), yo ezali kolakisa malakisi ya mokanda ya Levi. Tala mikapo oyo ezali kolakisa histoire nyonso. Tala ba date approximative ya makambo yango esalemi, nyonso liboso ya Yesu, po, Boyokani ya Kala ya mobimba, bakómaki yango liboso Yesu aya. Lakisa ete makambo nyonso na mikanda oyo ya mibale esalemaki na pene ya bambula 50.

Pesa nzela na bana ya kotuna ba question oyo etali ligne ya tango oyo ozali po na kolakisa.]

Lisano ya Revision:

Pesa bana bitini ya papier oyo ezali kolakisa makambo minene oyo esalemaki. Balola-balola yango po elanda na ordre té.

Tuna nani banza ete azali na papier oyo ezali kolakisa makambo ya liboso oyo esalemaki. aya liboso pe alakisa bana mosusu papier na ye. Sima, tuna nani azali na likambo ya mibale, etc. Bana mosusu batala ete bango nyonso bazali kolakisa makambo oyo

esalemaki na mulongo, lokola esalemaki.
Balola ba papier pe sala yango lisusu.

Lisano:

Tuna bana banani bazalaki bato minene na
mikanda oyo. Bakoki koloba:

Moïse
Aaron
Pharaon
Jethro
Miriam

Esali pe possible koloba Bato mosusu lokola
famille ya Moïse to mwana ya Pharaon oyo
azwaki Moïse na famille na ye.

Mwana moko akoku kozwa ba papier ná
markeur oyo omemi, pe akóma na makomi
minene bakombo ya bato nyonso oyo bana
balobi.

Kabola bana na biteni to na ba-equipe mibale.
Bakoki kozwa ba titre lokola 'Bana ya
Kinshasa' pe 'Bana ya Brazzaville.'

Tiya ba papier likolo ya mesa na ndenge ete
makomi azali komonna té. Mwana ya equipe
ya liboso apona papier moko. Bana ya equipe
na ye esengeli baloba makambo nyonso oyo
bayebi po na moto yango. Bazwa 10 points po
na likambo nyonso oyo bambuta-muntuba.
Kasi, soki baloba likambo oyo ezali ya solo té,
esengeli balongola bango 100 points. Baloba
kino tango oyo bakoyeba eloko mosusu té, to
tango oyo bambuta-muntuba mbrba.

Sima, botala soki bazwi ba point mutuya boni,
pe equipe mosusu ekosala ndenge moko.

Equipe oyo ekozwa ba point koleka yang onde
ekolonga. Bazali champillon. Kosepela elongo
na bango.

Ebandeli kino Suka:

- Na ebandeli ya mokanda ya Kobima, ba-
Israelite bazali wapi ?
(Na mokili ya Egypte)
- Na suka, bazali wapi ?
(Na ngomba ya Sinai, na esika ya zelo na
zelo)
- Na ebandeli, bazali na condition nini?
(Bawumbu na bomoi ya pasi)
- Na suka, bazali na nzela ya kokende wapi?
(Na mokili ya Canaan oyo Nzambe alakaki
kopesa bango.)
- Bapasi nini oyo bango bamonaki na nzela?
(Kozanga mayi, kozanga bilei)
- Ndenge nini Nzambe Asalisaki bango ?
(Asalisaki bango na mayi pe bilei)
- Lisumu monene nini oyo basalaki na
nzela?
(Batongaki ekeko ya ngombe.)
- Na suka ya mikanda oyo mibale, Kobima
pe Levitique, Nzambe Apesi bango nini?
(Mibeko na Ye)
- Nini etalisaki esengo na Nzambe na ndako
ya losambo ya Capot oyo batungaki?
(Lokumu na Ye etondisaki ndako yango.)

Kosilisa Leson:

Sik'oyo, Bana na Israël bamilengeli lisusu na
kolanda nzela ya kokende na Canaan, esika
oyo Nzambe alakaki na kopesa bango.

Devoir pona ba kristu:

*Mkambo koleka minene nini oyo Molimo na
Nzambe ateyi yo na kati ya ba Leson oyo ?
[Moniteur, bana bakoki kopesa eyano.]* Senga
na Nzambe sik'oyo ete okoka kokanisa
makambo yango, pe okoka kaka kosala
ndenge Molimo na Nzambe ayebisi yo kosala.

Kobenga bana oyo bayebi Yesu nanu té :

Soki oyebi 'tè oyamba Yesu nanu té tii Sik'oyo,
nini esali kokanga yo nzela? Tokumi Na suka

ya ba Leson oyo na mikanda ya Kobima pe Levitique. Soki okozela, okoki kokoma Na suka na bomoi na yo kozanga koteba Yesu. Soki ozali na bosenga ya lisalisi po na koya na Yesu, yaka na biso sima ya ecodim. Tokozala na esengo ya mingi na kosalisa yo.

===SUKA YA LESON 22, REVISION YA
MIKANDA YA KOBIMA PE LEVITIQUE

LESON 23 MIKANDA YA KOBIMA PE BALEVITIQUE NA KATI YA HISTOIRE YA BIBLE

Na Bible mobimba, tomoni ndenge Nzambe akelaki bato, ndenge tokweyaki na masumu, pe ndenge Nzambe Atindako Messie-Mobikisi po na kozongisa biso na Ye, pe na suka, ndenge Akozongisa biso lisusu na Ye.

Makambo oyo mibale ya tina, tomonaki na mokanda ya Ebandeli:

- Ndenge Nzambe akelaki bato
- Ndenge tokweyaki na masumu

Ndenge Nzambe Atindako Messie-Mobikisi, tokomona yango na Boyokani ya Sika—na mikanda oyo bakómaki sima ya koya ya Yesu. Tokomona yango koleka na Sango Malamu oyo ekomamaki na Matthieu, Marc, Luc, ti Jean.

Ndenge Nzambe akozongisa biso lisusu na Ye, tomoni yango na mokanda ya suka ya Bible, mokanda ya Koyebisa basekele (Apocalypse).

Tolobi mikanda oyo :

Mikanda ya Boyokani ya Kala
(liboso ya mbotama na Yesu)
(Messie-Mobikisi ta kwisa)



Ebandeli -----

Mikanda ya Boyokani ya Sika
(sima mbotama na Yesu)
(Yesu kele Messie-Mobikisi, kino Akoya!)



Sango Malamu-----



Koyebisa-Ba-

Sekelé

Oyo ekomaki Matie, Marc, Luc, Jean

Kasi, tala. Espase monene ezali kati na Ebandeli pe Sango Malamu. Oyo ezali na mikanda nyonso mosusu ya Boyokani ya Kala. Na kati ya mikanda yango, Nzambe aponaki libota moko, libota ya Abraham na nzela ya mwana na ye Isaac, kobota Messie-Mobikisi oyo akozala po na bato nyonso.

Tangela bana: Ebandeli 12:3

Nzambe aponaki libota ya Abraham pe kokoma Bible, Maloba na Nzambe, po na biso nyonso.

Nzambe alakaki kopesa bango bana ebele po bakóma nation, pe kopesa bango mabele ya Canaan.

Boyokani ya Kala ezali kolakisa ndenge nini Nzambe asalaki yango. Ezali histoire ya bo, libota ya Abraham, kasi ezali po na biso nyonso.

Na mokanda ya Ebandeli, Nzambe alakaki Abraham bana ebele pe mabele. Pe ná bana na ye Isaac ná Jacob, ná bana na ye zomi na mibale, babikaki na mokili yango, kasi kaka lokola bapaya. Apesaki bango yango na bango nanu té. Na suka ya mokanda ya Ebandeli, tomonaki etenge bakendeki na Egypte pe Pharaon ayambaki bango kuna.

Na mokanda ya Kobima, tomoni ndenge bakómaki bawumbu na Egypte bambula 400, pe ndenge Nzambe asalelaki Moïse pe Aaron kobimisa bango na bowumbu.

Na mokanda ya Kobima, tomoni ndenge batambolaki na mabele ya zelo na zelo, ndenge Apesaki bango mibeko na Ye, pe ndenge Ayebisaki bango ndenge nini kotonga ndako ya losambo Capot.

Na ebandeli ya Kobima, bazali bawumbu na Egypte. Na suka ya Kobima, bazali na ngomba ya Sinai pe lokumu na Nzambe etondisi ndako ya losambo Capot. Na mokanda ya Levi, Nzambe ayebisaki bango ndenge nini kosambela Ye na ndako ya losambo yango. Bamilengeli kotambola lisusu kokoma na mokili ya Canaan oyo Nzambe alakaki bango.

Mikanda ya Moïse nyonso mitano ekolakisa kotambola na bango tii tango bakoti mabele ya Canaan.

Soki tokomi na lisanga ya mikanda oyo tobengi “Histoire ya Ba Juif na Mabele na bango,” tokotanga ndenge bakotaki pe ndenge babikaki kuna. Mikanda oyo ekobanda na mokanda ya Josué.

Mikanda ya Poesie pe Mikanda ya Prophetie ya molayi pe ya mokuse, mikanda yango nyonso etaleli histoire ya ba-Israelite na kati ya mabele na bango pe. Ezali ndenge ya kokoma ya bato ya tango yango oyo bakómaki poesie, pe bakómaki prophetie.

- Yango wana, tango tosilisi ba Leson oyo Kobima pe Levitique, ba-Israelite bazali wapi ? (Na ngomba ya Sinai na nzela kokende kokota mabele ya Canaan)

Bana bayemba ‘Mikanda ya Moïse,’ sima bakisa ‘Mikanda ya Histoire’.

Verse ya koyekola : *2 Piere 1 :21*

21 Pamba té profete moko té asi'asakolá na makanisi na ye moko; soki bato bazalaki koloba na kombo ya Nzambe, ezalaki bobele na lisalisi ya Molimo Mosantu.

Banzembo ya Koyemba :

Bi-bi-le !

Yoka Bible, Tanga Bible